

册府元龜

巡按福建監察御史臣李嗣京 訂正

分守建南道左布政使臣胡維霖 叅閱

知建陽縣事 臣黃國琦較釋

帝王部 一百二十一

征討

夫兵之設也所以威不軌而昭文德故周官有九伐之制大易載師貞之象其所繇來舊矣蓋天下有道政繇上出奉辭伐罪宣威靖亂所以詰誅暴慢奮揚武怒綏厥兆民納於軌物者也自帝軒之世戎功震

疊二帝三代而下曷嘗不赫怒濯征以靖亂畧侮亡
固存以修人紀至於保姦蒐慝變常悖理負固安忍
興戎犯順以覬覦非望者未有不勦滅覆亡為世大
戮焉

黃帝既代神農氏為天子天下有不順者黃帝從而

征之平者去之事具帝王親征門

帝嚳時共工氏作亂帝使火正祝融討之不盡乃以

庚寅月誅祝融更命其弟吳回代兄居火正為祝融

滅共工氏觸不周山而死

帝舜時苗民逆命帝曰咨禹惟時有苗弗率爾徂征

三苗之民數干王誅率循徂往禹乃會群后誓于師

曰濟濟有衆咸聽朕命會諸侯共伐有苗軍旅蠢茲

有苗昏迷不恭蠢動昏暗也言侮慢自賢反道敗德

狎侮先王輕慢典君子在野小人在位廢仁賢民棄

不保天降之咎言民叛肆予以爾衆士奉辭罰罪肆

也辭謂不恭罪爾尙一乃心力其克有勳尚庶幾一

從我謂侮慢以下事三旬苗民逆命旬十日也以師臨之一月不服

辭而便憚之以威脅責舜不先有文誥之命威讓之益贊于禹曰惟德動天無遠弗

召贊佐也益以此義滿招損謙受益時乃天道

自滿者人損之自謙者帝初耕于歷山往于田日號

泣于旻天于父母

仁覆愍下謂之旻天言舜初耕于歷山時為父母所疾日號泣于旻

天及父母克已自責不責于人

負罪引慝祗載見瞽瞍夔夔齊慄瞽

瞽亦允若

慝惡載事也夔夔悚懼之貌言舜負罪引慝以事見于父悚懼齊莊父亦信順之言

能以至誠感頑父

禹拜昌言曰兪班師振旅

昌當也以益言為當拜受而然

之遂還師兵入日振旅言整眾

帝乃誕敷文德

遠人不服大布文德以來之

舞干

羽于兩階

干楯羽翳也皆舞者所執修闡文教舞文舞于賓主階間抑武事

七旬有

苗格

討而不服不討自來御之者有道也三苗之國左洞庭右彭蠡在荒服之例去京二千五百里

夏仲康卽位羲和酒淫廢時亂日

羲氏和氏世掌天地四時之官自唐

虞至三代世職不絕承太康之後沉湎於酒過差非度廢天時亂甲乙

徃征之作亂征

亂國之君受王命徃征之

殷高宗時楚人叛出兵伐之

周成王少周公攝行政當國管叔蔡叔羣弟疑周公

與武庚作亂畔周周公奉成王命伐誅武庚管叔放

蔡叔三年而畢

幽王之時荆舒不至乃命將率東征役久病於外

荆

楚也舒舒鳩舒舒舒庸之屬役謂士卒也

故作漸漸之石詩

宣王命大師皇父整六師以程伯休父為大司馬克

定淮浦之國進而伐徐徐方來庭故召武公作常武

之詩以美之

常武以其有常德而立武功也

漢高祖五年既滅項羽羽所立臨江王共敖前死子

尉嗣立爲王不降遣盧綰劉賈擊虜尉

十二年十二月陳豨降將言豨反時燕王盧綰使人

之豨所陰謀之性也帝使辟陽侯審食其迎綰綰稱疾

食其言綰有反端三月使樊噲周勃將兵擊綰詔曰

燕王綰與吾有故愛之如子聞與陳豨有謀吾以爲

亡有故使人迎綰綰稱疾不來謀反明矣燕吏民非

有罪也賜其吏六百石以上爵各一級與綰居去來

歸者赦之

景帝二年正月吳王濞膠西王卬楚王戊趙王遂濟

南王辟光菑川王賢膠東王雄渠皆舉兵反遣太尉

周亞夫大將軍竇嬰將兵擊之斬御史大夫晁錯以

謝七國二月壬子諸將破七國斬首十餘萬級追斬

吳王濞於丹徒膠西王卬楚王戊趙王遂濟南王辟

光菑川王賢膠東王雄渠皆自殺

後漢光武建武元年六月卽位于鄗七月遣耿弇率

疆弩將軍陳俊軍伍杜津在鞏縣北一名土杜津有
渚名鮪者武王伐紂至於

鮪水是也備滎陽以東使吳漢率朱祐及廷尉岑彭執金

吾賈復揚化將軍堅鐔等十一將軍圍朱鮪於雒陽

九月辛卯鮪舉城降

二年正月遣大司馬吳漢率九將軍擊檀鄉賊於新

東大破降之是月真定王楊臨邑侯讓謀反

楊景帝七代孫

遣前將軍耿純誅之二月遣驃騎大將軍景丹率征虜將軍祭遵等二將軍擊弘農賊破之因遣祭遵圍蠻中賊張滿

三月遣執金吾賈復率二將軍擊更始郾王尹遵破降之又遣虎牙大將軍蓋延率四將軍伐劉永

四月大司馬吳漢拔胸獲董憲龐萌山東悉平

五月遣虎牙大將軍蓋延等七將軍從隴道伐公孫述初隗囂爲西州大將軍會公孫述遣兵寇南郡乃詔囂當從天水伐蜀因此欲以潰其心腸囂復上言

曰天水險阻棧閣絕敗又多設支關帝知其終不爲用臣欲討之遂西幸長安至是遣耿弇等伐蜀先使來歙奉璽書喻旨囂疑懼卽勒兵使王元據隴坻伐木塞道謀欲殺歙歙得亡歸諸將與囂戰大敗各引退囂因使王元行巡侵三輔征西大將軍馮異征虜將軍祭遵等擊破之先是樂浪郡人王閎爲郡三老更始敗土人王調殺郡守劉憲自稱大將軍樂浪太守是歲帝遣太守王遵將兵擊之至遼東閎與郡曹吏楊邑等共殺調迎遵皆封爲列侯

七年八月隗囂寇安定征西大將軍馮異征虜將軍

九月大司馬征討一

祭遵擊却之

九年六月遣大司馬吳漢率四將軍擊虜芳將賈覽於高柳八月遣中郎將來歙監征西大將軍馮異等五將軍討隗純於天水

十一年十二月大司馬吳漢率舟師伐公孫述

十二年十一月吳漢臧宮與公孫述戰於成都大破

之述被創夜死漢屠成都夷述宗族及延岑等

十七年七月妖巫李廣等群起據皖城縣各屬廬江郡故城在今

舒州有皖水遣虎賁中郎將馬援驃騎將軍段志討之

九月破皖斬李廣等

十八年二月蜀郡守將史歆叛遣大司馬吳漢率二將軍討之圍成都百餘日城破誅歆等

四月遣伏波將軍馬援率樓船將軍段志等擊交趾

賊徵側等徵側及妹徵二交趾女子甚雄勇太守蘇定以法繩之故反起十六年二月至是遣

將討之發長沙桂陽零陵蒼梧兵萬餘人討之

十九年正月妖巫單臣傅鎮等反據原武遣大中

大夫臧宮圍之四月拔原武斬臣鎮等是月馬援破交

趾斬徵側徵二等餘皆降散進擊九真賊都陽等破

降之徙其渠帥三百餘口於零陵於是嶺表悉平

安帝永初三年七月海賊張伯路等寇畧綠海九郡

遣侍御史龐雄督州郡兵討之

四年正月海賊張伯路復與勃海平原劇賊劉文河

周文光等攻厭次殺縣令遣御史中丞王宗督青州

刺史法雄討破之

五年九月漢陽人杜琦王信叛琦自稱安漢將軍遣侍御史

唐喜討破斬之傳信首詣雒陽梟斬城門外

順帝建康元年八月楊徐盜賊范容周生等寇掠城

邑遣御史中丞馮赦督州郡兵討之

桓帝永壽二年七月太山賊公孫舉等寇青兗徐三

州遣中郎將段紀明討破斬之

延熹三年九月太山瑯邪賊勞丙等復叛寇掠百姓

遣御史中丞趙某史闕其名持節督州郡兵討之

十一月太山賊叔孫無忌攻殺都尉侯章遣中郎將

宗賢討破之

靈帝中平元年二月鉅鹿人張角自稱黃天其部帥

三十六萬皆着黃巾同日反叛安平其陵人各執其

王以應之安平王續江陵王忠以河南尹何進為大將軍將兵

屯都亭置八關都尉官都亭在雒陽八關謂函谷廣

津孟津也遣北中郎將盧植討張角左中郎將皇甫嵩右

中郎將朱雋討潁州黃巾

四年二月榮陽賊殺中牟令今落皓主簿潘業遣河

南尹何苗討破之

五年九月遣中郎將孟益率騎都尉公孫瓚討漁陽

賊張純等瓚與純戰於石門大破之時烏桓反叛與賊張純等攻斬

中故瓚追擊之石門山名也在今營州西南

獻帝建安二年詔曰故左將軍袁術不顧朝恩坐創

凶逆造合虛偽欲因兵亂詭詐百姓始聞其言以為

不然定得使持節為平東將軍領徐州牧温侯布布

也上術所造惑眾妖妄知術鴟梟之性遂其無道修

治王宮署置公卿郊天祀地殘民害物為禍深酷布

前後上策孫策也乃心本朝欲還討術為國効節乞加

顯異夫懸賞候功惟勤是與故便寵授承襲前邑重

以大郡榮耀兼至是策輸力竭命之秋也其亟與布

及行吳郡太守安東將軍陳瑀戮力一心同時赴討

十年八月馬超在漢陽復因羌胡為害氏王千萬叛

應超屯興國遣護軍將軍夏侯淵討之

魏文帝黃初六年利成郡兵蔡芳等以郡叛殺太守

徐質遣屯騎較尉任福步兵較尉段昭與青州刺史

討平之其見脅略及亡命者皆赦其罪

明帝以黃初七年五月即位八月吳將諸葛瑾張霸

等寇襄陽遣武軍大將軍司馬懿討破之斬霸征東大將軍曹休又破其別將於尋陽

大和元年正月西平麴英反殺臨羌令西都長遣將軍郝昭鹿磐討殺之

十二月新城太守孟達反詔驃騎將軍司馬懿討之攻破新城斬達傳其首

二年正月蜀大將諸葛亮寇邊天水南安安定三郡吏民叛應亮遣大將軍曹真都督關右並進兵右將軍張郃擊亮於街亭大破之亮敗走三郡平

四年七月詔大司馬曹真大將軍司馬懿伐蜀

景初二年正月詔太尉司馬懿帥衆討遼東八月圍公孫淵於襄平大破之傳淵首于京師海東諸郡平齊王正始五年二月詔大將軍曹爽率衆征蜀四月爽引軍還

嘉平四年十一月詔征南大將軍王昶征東將軍胡遵鎮南將軍毋丘儉等征吳十二月不利而還

五年五月吳太傅諸葛恪圍合肥新城詔太尉司馬孚拒之七月恪退還

高貴卿公正元二年正月鎮東將軍毋丘儉揚州刺史文欽反大將軍司馬師征之

八月蜀大將軍姜維寇狄道以長水校尉鄧艾行安西將軍與征西陳泰并力拒維復遣太尉司馬孚爲後繼九月維退還

陳留王景元四年五月詔曰蜀蕞爾小國土狹民寡而姜維虐用其衆曾無廢志往歲破敗之後猶復耕種沓中刻剥衆羗勞役無已民不康命夫兼弱攻昧武之善經致人而不致於人兵家之上略蜀所恃賴惟維而已因其遠離巢窟用力爲易今使征西將軍鄧艾督帥諸軍趣甘松沓中以羅取維雍州刺史諸葛緒督軍越武都高樓首尾蹙討若禽維便當東西

竝進掃滅巴蜀也又命征西將軍鍾會繇駱谷伐蜀時鄧艾諸葛緒各統諸軍三萬餘人會統十餘萬衆分從斜谷駱谷入

十一月
劉禪降

晉武帝咸寧五年十一月大舉伐吳遣鎮軍將軍琅邪王佃出涂中安都將軍王渾出江西建威將軍王戎出武昌平西將軍胡奮出夏口鎮南大將軍杜預出江陵龍驤將軍王濬廣武將軍唐彬率巴蜀之卒浮江而下東西凡二十餘萬以太尉賈充爲大都督行冠軍將軍楊濟爲副總統衆軍

太康元年正月王渾尅吳尋陽賴卿諸城獲吳武威

將軍周興二月王濬唐彬等尅丹陽城又尅西陵殺
 西陵都督鎮軍將軍留憲征南將軍成瑊西陵監鄭
 廣王濬又尅夷道樂鄉城殺夷道監陸晏水軍都督
 陸景杜預尅江陵斬吳江陵督伍延平南將軍胡奮
 尅江安於是諸軍竝進樂鄉荆門諸戎相次來降以
 濬爲都督益梁二州諸軍事復下詔曰濬彬東下掃
 除巴丘與胡奮王戎共平夏口武昌順流長驚直造
 秣陵與奮戎審量其宜杜預當鎮靜零桂懷輯衡陽
 大兵旣過荊州南境固當傳檄而定預當分萬人給
 濬七千給彬夏口旣平奮宜以七千人給濬武昌旣
 平戎當以六千人增彬太尉充移屯項總督諸方濬
 破夏口武昌遂泛舟東下所至皆平王渾周俊與吳
 丞相張悌戰於板橋大敗之斬悌及其將孫震沈瑩
 傳首雒陽皓窮蹙詣降送璽綬於瑯琊王佃
三月孫皓降
 惠帝永康末趙厥反于蜀假梁州刺史羅尚節爲平
 西將軍益州刺史西戎校尉時李特亦起於蜀攻蜀
 殺趙厥又攻尚荆州刺史宗岱率建平太守孫阜救
 之次於江州尚乃使兵曹從事任銳僞降因出密宣
 告於外尅日俱擊遂大破之斬李特傳首雒陽
 大安中張昌作亂寧朔將軍劉弘轉使持節南蠻校

尉荊州刺史率前將軍趙讓等討昌自方城至宛新野所向皆平以弘爲鎮南將軍都督荊州諸軍事弘遣南蠻長史陶侃爲大都護參軍蒯常爲義軍都護牙門將皮初爲都戰帥進據襄陽張昌并軍圍宛敗趙讓軍引退屯梁侃初等累戰破昌前後斬首數萬人及到官昌懼而逃于下雋山弘遣軍討昌斬之其衆悉降荆土平

永興二年十月詔曰得豫州刺史劉喬檄稱潁川太守劉輿迫脅驃騎將軍虓距逆詔令造構凶逆擅劫郡縣合聚兵衆擅用荀晞爲兗州斷截王命鎮南大將軍荊州刺史劉弘平南將軍彭城王釋等其各勒所統徑會許昌與喬并力今遣右將軍張方爲大都督統精卒十萬廷武將軍呂郎廣武將軍騫貍建威將軍刁默等爲軍前鋒共會許昌除輿兄弟又使前車騎將軍石超北中郎將王闡討輿等

懷帝永嘉三年九月劉聰圍浚儀遣平北將軍曹武討之東海王越入保京城聰至西明門越禦之戰於宣楊門外大破之

五年三月戊午詔下東海王越罪狀告方鎮討之元帝建武元年石勒將石季龍圍譙城平西將軍祖

逃擊走之帝傳檄天下曰逆賊石勒肆虐河朔通誅
歷載遊魂縱逸復遣凶黨石季龍犬羊之衆越河南
渡縱其鴆毒平西將軍祖逖帥衆討擊應時潰散今
遣車騎將軍瑯邪王昶等九軍銳卒三萬水陸四道
徑造賊塲受逃節度有能梟季龍首者賞絹三千疋
金五十斤封縣侯食邑二千戶又賊黨能梟送季龍
首者封賞亦同之

太興二年四月太山太守徐龕以郡叛自號兗州刺
史寇濟岱七月寇東莞遣太子左衛率羊鑒行征虜

將軍統徐州刺史蔡豹討之

三年五月龕降

穆帝永和十一年四月姚襄帥衆寇外黃冠軍將軍
龍季大破之

十二年三月姚襄入於許昌以太尉桓溫爲征討大
都督以討之八月戰於伊水大敗之襄走平陽徙其
餘衆三千餘家於江漢之間十月慕容恪攻段龕於
廣固使北中郎將荀羨帥師次于琅瑯以救之

廢帝海西公太和四年四月大司馬桓溫帥衆伐慕容
容暉大破之

孝武帝太元八年八月符堅帥衆渡淮遣征討都督
謝石冠軍將軍謝玄輔國將軍謝琰西中郎將桓伊

等距之

十月諸將及符堅戰於淝水大破之俘斬數萬計

九年正月車騎將軍桓冲部將郭寶伐符堅新城魏

興上庸三郡降之

安帝隆安三年十一月妖賊孫恩陷會稽內史王凝

之死之吳國內史桓謙臨海太守新蔡王崇義興太

守魏隱並委官遁吳興太守謝邈永嘉太守司馬逸

皆遇害遣衛將軍謝琰輔國將軍劉牢之逆擊走之

元興元年正月以後將軍元顯為驃騎大將軍征討

大都督鎮北將軍劉牢之為元顯先鋒前將軍譙王

尚之為後部以討桓玄

二月尚之戰死三月牢之叛降于玄元顯遇害

義熙八年十二月以西陵太守朱齡石為建威將軍

益州刺史帥師伐蜀

後魏道武皇始二年二月平原徐超聚眾反於叛城

詔將軍奚辱捕斬之

八月遣撫軍大將軍略陽公元遵襲中山芟其禾菜

入郭而還

天興二年三月中山太守仇儒亡匿趙郡推群盜趙

淮為王號使持節征西大將軍冀青二州牧鉅鹿公

仇儒為淮長聚黨扇惑詔中領軍長孫肥討平之

四月前清河太守傅世聚黨千餘家自號撫軍將軍遣征虜將軍庾岳討破之

七月范陽人盧溥聚眾海濱稱使持節征北大將軍

幽州刺史攻掠郡縣殺幽州刺史封沓

三年正月破之生致溥京

師

五年十一月遣左將軍莫題討上黨群盜秦頗丁零

翟都於壺關上黨太守捕頗斬之都走林慮

明元泰嘗七年九月詔假司空奚斤節都督前鋒諸

軍事為晉兵大將軍行楊州刺史交趾侯周畿為宋

兵將軍交州刺史安固子公孫表為吳兵將軍廣州

刺史前鋒伐宋

太武始光三年九月帝以赫連屈丐既死諸子相攻

遣司空奚斤率義兵將軍封禮雍州刺史延普襲蒲

宋兵將軍周畿率洛州刺史于栗磾襲陝城

十月帝西伐事

具帝王親征門

文成大安四年十月宋將殷孝祖修兩城於清水東

詔鎮西將軍天水公封勅文等擊之十一月詔征西

將軍皮豹子等三將三萬騎助擊殷孝祖

五年正月大破之

獻文皇興元年二月宋東平太守申纂戍無鹽遏絕

王使詔征南大將軍慕容白曜督諸軍以討之

三月勉之

孝文延興四年九月以宋廢帝內相攻戰詔將軍元蘭五將三萬騎及假東陽王丕為後繼伐蜀漢

太和元年十月宋薇蘆戍主楊文度遣弟鼠襲陷仇

池詔征西將軍廣川公皮歡喜鍾西將軍梁醜奴平

西將軍楊靈玕等率眾四萬討之閏月軍到建安具

棄城南走

四年八月以齊高帝立遣平南將軍郎大檀三將出

胸城將軍白吐頭二將出海西將軍元泰二將軍出

連口將軍封匹三將出角城鎮南將軍賀羅出下

又詔昌黎王馮熙為西道都督與征南將軍賀羅自

下蔡東出鍾離以伐齊

五年二月南征諸將大破齊將俘獲三萬餘口

十月蘭陵民桓富殺其縣令與昌慮桓和比連太山

群盜張和顏等聚黨保五固推司馬朗之為主詔淮

陽王尉元等討之

十一年五月詔南部尚書公孫文慶上谷張伏子率

眾南討舞陰山

十二年四月齊將陳顯達攻陷醴陽左僕射長樂王

穆亮率騎一萬討之顯達遁走

十八年十二月以齊明帝立遣行征南將軍薛貞度

督四將出征襄陽大將軍劉昶出義陽徐州刺史元

行出鍾離平南將軍劉藻出南鄭以伐齊

宣武正始三年正月秦州民王智等眾二千自號王

公尋推秦州主簿呂苟兒為主年號建明詔右衛將

軍元麗等討之

七月苟兒平

四月梁將江州刺史王茂先寇荊州屯於河南詔平

南將軍楊大眼討破之

六月詔尚書邢巒出討徐兗

臣欽若等曰時徐兗屬梁朝

七月詔發定冀瀛相并肆六州卒十萬以濟南軍

八月兗州平詔平南將軍安樂王詮督後發諸軍以

赴淮南

九月徐州平

永平元年八月冀州刺史京兆王愉據州反假尚書

李平鎮北將軍行冀州事以討之

九月冀州平

十月豫州城人白早生殺刺史司馬悅據城南叛梁

遣齊苟仁等四將以助之詔尚書邢巒行豫州事督

將軍崔暹率騎討之

十二月斬白早生擒齊苟仁等

二年正月梁遣王神念寇南兗詔輔國將軍長孫稚

假平南將軍為都督率統軍邢虬等五軍以討之是

月涇州沙門劉慧注聚眾反詔華州刺史奚康生討

之

四年正月汾州劉龍駒聚眾反詔諫議大夫薛和

衆討之又命鄆州龍驤府長史辛祥爲別將與和討滅之延昌冀州初大乘賊起遣長樂太守李虔爲別將與都督元遙討平之

三年十一月詔司馬高肇與大將軍平蜀大都督步騎十萬西伐益州刺史傅堅眼出巴北平南將軍羊祉出涪城安南將軍奚康生出縣竹撫軍將軍甄琛出劍閣

孝明以延昌四年正月卽位三月以梁高祖於浮山堰淮規爲楊徐之害詔平南將軍楊大眼討之

九月梁將趙祖悅襲據硤石詔定州刺史崔亮假鎮南將軍率諸將討之又詔冀州刺史蕭寶寅爲鎮東

將軍決淮堰明年九月淮堰破緣淮城戍十餘萬日漂入于海

熙平元年正月以吏部尙書李平爲鎮東大將軍兼尙書右僕射爲行臺節度討硤石諸軍二月尅硤石祖悅盡俘其衆

五月梁衡州刺史張齊寇益州復以傅堅眼爲刺史以討之

正光四年十二月梁遣將寇邊詔假征南將軍崔延伯討之

五年六月秦州城人莫折大提據城反自稱秦王殺

刺史李彥詔雍州刺史元志討之南秦城人孫掩張
長命韓祖香據城反殺刺史崔遊以應大提詔吏部
尙書元循義兼尙書僕射爲西道行臺率諸將西討
九月詔尙書左僕射齊王蕭寶寅爲西道行臺大都
督率征西將軍都督崔延伯又詔撫軍將軍北海王
顥爲都督竝率諸將西討是月梁遣將裴遠虞鴻襲
據壽春外城刺史長孫稚擊走之遂退屯黎漿詔河
間王琛總衆援之梁又遣將寇淮陽詔秘書監安樂
王鑒率衆討之

十月高平酋長胡琛反自號高平王遣其將宿勒明
達寇幽夏北華三州詔都督北海王顥率諸將討之
十一月高平人共迎胡琛詔太傅京兆王繼爲太師
大將軍率諸將討之

孝昌元年正月徐州刺史元法僧據城反害行臺高
諒自稱宋王年號天啟遣其子景仲歸於梁遣其將
胡龍牙成景雋元畧等率衆赴彭城詔秘書監安樂
王鑒討之鑒爲法僧所敗梁遣豫章王綜入守彭城
詔鎮國將軍臨淮王彧尙書李憲爲都督衛將軍國
子祭酒安豐王延明爲東道行臺儀同三司李崇爲
東道大都督俱討徐州

二年正月王原降戶鮮于修禮反於定州號魯興元
年詔左光祿大夫長孫稚為使持節假驃騎將軍大
都督北討諸軍事與都督河間王琛率眾討之

六月降蜀陳雙熾聚眾反自號始興王詔假鎮西將
軍都督長孫稚討平之

三年正月梁將湛僧圍東豫州詔散騎常侍元暉為
都督以討之是月梁又遣將彭羣王辯等率眾數萬

逼琅邪詔青州南青州討之是月以四方未平詔內
外戒嚴將親出討

二月東郡民趙顯德反殺太守裴煙自號都督立其
兄子為太守詔都督李叔仁討之四月是月梁將成

景雋寇彭城詔員外常侍崔孝芬為行臺率將擊走
之三月齊州廣川民劉均執清河太守邵懷聚眾反

自署大行臺清河民房頃自署大都督屯據昌國城
詔都督李叔仁討平之

八月詔都督源子邕李軌裴衍等討葛榮
十月雍州刺史蕭寶寅據州反自號曰齊年稱隆緒

詔尚書右僕射長孫稚討之
武泰元年二月羣盜燒劫鞏縣以西關口以東公潞

澗以南詔武衛將軍李神軌為都督討平之

孝莊建義元年五月梁遣將曹義宗寇荊州以中軍
吏部尚書費穆爲使持節都督征南諸軍事節度荆
州刺史王羆以討之是年万俟醜奴僭大號除左衛
將軍爾朱天光都督雍岐二州諸軍事雍州刺史率
大都督武衛將軍賀拔岳大都督侯莫陳悅等以討
醜奴擊走之

六月幽州平北府主簿河間邢杲率河北流民十餘
萬戶於青州之北海自署漢王年號天統以征東將
軍李叔仁爲車騎大將軍率衆討之

七月光州人劉舉聚衆數千反於濮陽自稱皇武大
將軍詔大都督宗正珍孫率南廣州刺史都督鄭先
護討破平之

九月詔太尉公上黨王天穆討葛榮次於朝歌之南
是月柱國大將軍爾朱榮率騎七萬討葛榮於金口
破擒之餘衆悉降

永安元年十二月詔行臺于暉迴師討邢杲次於歷
下

二年三月詔大將軍上黨王天穆與渤海王高歡討

邢杲

四月大破
之杲降

三年正月東徐州城民呂文欣王赦等殺刺史元大

賓據城反以撫軍將軍都官尚書樊子鵠兼右僕射
爲行臺督征南將軍都督賈顯智征東將軍徐州刺
史嚴思遠以討之

三月東
徐平

七月爾朱世隆據河橋逼京邑將軍李苗以大船焚
河橋世隆退走詔大都督兼尚書僕射行臺源子恭
率步騎一萬出西道行臺楊昱領都督李侃希等募
勇士八千從東路防討之子恭仍鎮太行丹谷

後周武帝保定三年九月詔柱國楊忠率騎一萬與
突厥伐齊十二月遣太保鄭國公達奚武率騎三萬
出平陽以應楊忠

天和二年閏六月陳湘州刺史華皎率衆來附遣襄
州總管衛國公直率柱國綏德公陸通大將軍田弘
權景宣元定等將兵拔之因而南伐

宣帝以宣政元年六月卽位十二月以上柱國河陽
總管滕王逌爲行軍元帥率衆伐陳免京師見徒並
令從軍

大象元年九月以上柱國鄭國公韋孝寬爲行軍元
帥率行軍總管祝國公亮郟國公梁士彥以伐陳
十一月韋孝寬拔壽陽祝國公亮拔黃城梁士彥拔
廣陵陳人退走於是江北盡平

隋高祖開皇元年九月以上柱國薛國公長孫覽上
柱國宋安公元景山竝爲行軍元帥以伐陳仍命尚
書左僕射高頴節度諸軍事帝謂頴曰我爲百姓父
母豈可限一衣帶水不拯之乎命大造戰船人請密
之帝曰吾將顯行天誅何密之有使投棹於江若彼
能改吾又何求

二年正月陳遣使請和遂班師

八年三月詔曰昔有苗不賓唐堯薄伐孫皓僭虐晉
武行誅有陳竊據江表逆天暴物朕初受天命陳瑱
尚存思欲教之以道不以恭行爲令往來修睦望其
遷善時日無幾疊惡已聞厚納叛亡侵犯城戍句吳
閩越肆厥殘忍于時王師大舉將壹車書陳瑱及地
收兵深懷震懼責躬請約俄而致殞矜其喪禍仍詔
班師叔寶承風因求繼好載佇克念且敦行李每見
瑤瑛入朝輜軒出使何嘗不殷勤曉諭戒以維新而
狠子之心出而彌野威侮五行怠棄三正誅剪骨肉
夷滅才良據手掌之地恣溪壑之險劫奪閭閻資財
俱竭驅蹙內外勞役弗已徵貴子女擅造宮室日增
月益止足無期帷薄嬪嬙有踰萬數寶衣玉食窮奢
極侈淫樂飲酒俾晝作夜斬直言之客滅無罪之家
剖人之肝分人之血欺天造惡祭鬼求恩歌舞衢路

醜醉宮闈盛粉黛而執干戈曳綺羅而呼警蹕躍馬
振策從旦至昏無所經營馳走不息負田持技隨逐
徒行追而不及卽加罪譴自古昏亂罕或能比介士
武夫饑寒力役筋髓罄於土木性命俟於溝渠君子
潛逃小人得志家家隱殺戮各各任聚斂天災地孽
物怪人妖衣冠鉗口道路以目傾心翹足誓告於我
日月以冀文泰相尋重以背德違言搖蕩疆場巴峽
之下海滢巴西江北江南爲鬼爲蜮丘隴窮發掘之
酷生居極攘寇之苦抄掠人畜斷截樵蘇市井不立
農事廢寢歷陽廣陵窺覷相繼或謀圍城邑或劫剽
吏人晝伏夜遊鼠竊狗盜彼則羸兵弊卒來必就擒
此則重門設險有勞藩捍天之所覆無非朕臣每聞
聽覽有懷復惻有梁之國我南藩也其君入穴潛相
招誘不顧朕恩士女深迫脅之悲城府致空虛之嘆
非直朕居人上懷此無忘旣而百辟屢以爲言兆庶
不堪其請豈容對而不誅忍而不救近日秋始謀欲
弔人益部樓船盡令東驚便有神龍數十騰躍江流
引伐罪之師向金陵之路船住則龍止船行則龍去
四日之內三軍皆覩豈非蒼旻愛人幽明展事降神
先路協贊軍威以上天之靈助龕定之力便可出師

授律應機誅殄在斯舉也永清吳越其將士粮仗水
陸資須期會進止一准別勅初帝將伐陳有事於太
廟命晉王廣秦王俊清河公楊素竝為行軍元帥於
是廣出六合俊出襄陽素出信州荊州刺史劉仁恩
出江州宜陽公王代積出蘄春新義公韓擒虎出廬
江襄邑公賀若弼出吳州落敢公燕榮出東海合總
營九十兵五十一萬八千皆受晉王節度東接蒼海
西拒巴蜀旌旗舟楫橫亘數千里詔購陳叔寶位上
柱國萬戶公乙亥行幸定城陳師誓眾

煬帝以仁壽四年七月即位八月并州總管漢王諒
舉兵反詔尚書左僕射楊素右武衛大將軍周羅睺
討平之

大業九年六月楊玄感反遣右翊衛大將軍宇文述
與左候衛將軍屈突通等馳傳發兵以討之八月破
玄感於閩鄉斬之餘黨平

十年四月彭城賊張大彪聚眾數萬保懸薄山為盜
遣榆林太守董純擊破斬之

十二月賊率孟讓眾十餘萬據都梁宮遣江都郡丞
王世克擊破之盡虜其眾

十一年十二月詔民部尚書樊子蓋發關中兵討終

郡賊敬樂陀柴保昌等

十二年九月東海人杜楊州沈覓敵等作亂衆至數萬遣右禦衛將軍陳稜擊破之

十三年二月朔方人梁師都殺郡丞唐世宗據郡反自稱大丞相遣銀青光祿大夫張世隆擊之

三月廬江人張子路舉兵反遣右禦衛將軍陳稜討平之是月賊帥李通德衆十萬寇廬江遣左屯衛將軍張鎮州擊破之

册府元龜

巡按福建監察御史臣李嗣京 訂正

知長樂縣事 臣夏允彝參閱

知建陽縣事 臣黃國琦較釋

帝王部 一百二十二

征討第二

唐高祖初爲唐王隋義寧二年四月金城賊帥薛舉僭稱尊號乃下令曰大業喪亂兵革殷繁天下黔黎手足無措孤所以救焚拯溺平此亂階蜀道諸郡深思蘇息遠勤王略誠有可嘉方一戎衣靜茲多難而

薛舉狂僭吞噬西土隴蜀通途恐相侵暴今便命將
授律分道進兵其衝要諸郡縣宜率勵各募部民隨
機底定斯則暫勞永逸貽厥子孫自國刑家同享安
樂

武德元年六月以秦王爲西討元帥征薛舉八月薛
舉死賊黨推其子仁杲僭尊號復以秦王爲西討行
軍元帥擊仁杲於涇州

十一月
平之

九月遣工部尚書獨孤懷恩攻堯君素於河東

十二月
平之

十月岐州賊帥邵江海自號新平王遣隴州刺史叔
孫老擊之江海率其衆來降是月南陽賊帥朱粲侵
浙州遣太常卿鄭元璫率步騎一萬擊之

二年四月
粲奔世充

三年五月王世充侵濟州遣右驍衛大將軍劉弘基
拔之

六月劉武周陷介州遣左武衛大將軍姜寶誼擊之
十月夏縣人呂崇茂殺縣令舉兵反自稱魏王以應
劉武周遣永王孝基工部尚書獨孤懷恩陝州總管
于筠內史侍郎唐儉等擊之

三年四月武周奔于
突厥五月崇茂平

三年七月詔曰取亂侮亡聖主於是致治民和衆泰
湯武所以成功兵革之興義資靖難出軍命將蓋非

獲已自隋氏數窮天下鼎沸豺狼交爭黔庶凋殘朕受命君臨志存寧濟率土之內咸思覆育聲教所覃莫不清晏唯彼伊維尚隔朝風世充作梗肆行凶暴害虐良善擁迫吏民反道亂常日月滋甚禍盈疊積天亡有徵心腹積携黨援孤絕農畝荒廢糧廩內空城隍社稷勢黨殄潰吊民間罪今實其時可令陝東道行臺上柱國秦王世民總統諸軍東踰崤澠分命驍勇百道俱進救彼塗炭誅其克渠凡此授律義在拯民府庫資財一無所利尅敵制勝効策獻功官賞之差竝超常典其有背賊歸款因事立勲卽加寵授務隆優厚

四年二月戊申遣左武侯大將軍竇抗率精騎三千

赴東都 三月世充降

六月遣趙郡王孝恭率巴蜀兵泝流下廬江王瑗自

襄陽道黔州刺史田世康自辰州道黃州總管周法

明白夏口道以圖蕭銑 十月尅之

七月竇建德餘黨劉黑闥范願王小胡以漳南舉兵反棗疆人以城叛歸黑闥詔發關中步騎三千令將軍秦武通定州總管李玄通擊之又遣幽州總管燕郡王李藝率兵南會

十二月劉黑闥陷冀州遣左屯衛大將軍義安王孝常率兵擊之

五年六月劉黑闥引突厥之眾寇山東遣燕郡王藝擊之又遣淮安王神通討徐圓朗七月貝州州曹諒董康買舉兵反以應黑闥以淮陽王道玄為河北道行軍總管以討之

十一月遣齊王元吉擊黑闥於山東

六年五月平之

六年八月東南道行臺僕射輔公柘據丹陽反僭稱宋王遣趙郡王孝恭率兵趨江州

九月輔公柘遣其黨徐紹宗侵海州陳政通侵壽陽

詔趙郡王孝恭水路趨九江嶺南道大使李靖引交

廣泉桂之眾趨宣城懷州總管黃君漢出譙毫齊州

總管李世勣出淮泗以討公柘詔曰禁暴戢兵昔王

於是致治亂常干紀有國所以明刑東南道行臺尚

書左僕射上柱國輔公柘本自凡伍素無藝用徃因

擾亂連結徒旅與吳王杜伏威同心協力保據江淮

早率數部遠歸朝化錄其功效授以官爵任官方隅

榮寵兼至不能勵身奉上克保名節遂乃包藏禍心

圖為不軌自伏威入朝之後公柘恣行專擅違犯朝

憲不顧典章徵歛穀帛掠奪子女肆其殘忍妄行誅

殺驅役士民招聚奸盜毒流衆庶怨結遐邇國家務存含養未申刑罰每加懲誠冀其自改今乃稱兵內侮假相署置驅扇蟻徒敢行鈔竊惟彼克逆速宜勦定命將授律義在安人已令天策上將太尉領司徒尙書令陝東道大行臺雍州牧領十二衛大將軍上柱國秦王世民爲江州道行軍元帥統率驍勇風驅電擊麗旆所臨當卽奔潰凡此罪惡止在魁渠脅從之徒一無所問縱有已陷賊黨非其本心拔難而來因立功効此等之類皆從官賞江淮以南比遭毒螫吏民困辱各不聊生平定之後普給優賞卽令撫慰

各令安堵勲賞之科具如別格宜明宣布咸使聞知

是時又詔徐州總管任瓌爲徐州道副元帥齊自楊

子津以討之

七年正月
公柝卒

七年六月慶州都督楊文幹舉兵友遣右武衛將軍

錢九隴靈州都督楊師道擊之又遣秦王率兵以討

文幹

七月逆徒斬
文幹來降

太宗貞觀元年五月辛丑開府儀同三司天節軍將

軍燕郡王李藝於涇州舉兵友遣吏部尙書長孫無

忌爲幽州道行軍總管右武侯大將軍尉遲敬德爲

涇州道行軍總管以擊之師未至左右斬藝傳首京

師

十七年三月齊州都督齊王祐殺長史權萬紀典軍

韋振據齊州自守詔兵部尚書李勣刑部尚書劉德

威發兵討之

兵未至兵曹杜行敏執之而降

玄宗天寶十四年十一月范陽節度使安祿山反遣

將何千里劫太原尹陽光翽害之詔以右羽林軍大

將軍王承業爲太原尹衛尉卿員外置同正員張介

然爲汴州刺史河南採訪節度使金吾將軍程千里

爲潞州長史拒賊冊榮玉琬爲元帥以河西節度高

仙芝爲副元帥統諸軍以東征內出錢帛於京師召

募十萬衆號曰天武健兒旬日而集屯軍灞上旌旗

營帳連亘二十里昭曜原野

十二月命河西隴右節度西平郡王哥舒翰爲兵馬

副元帥統兵八萬鎮潼關

十五載正月祿山陷東都詔朔方節度郭子儀收河

朔以朔方節度副使李光弼爲雲中太守攝御史大

夫充河東節度副大使知節度事委以東討

七月幸蜀至晉安郡下詔曰我唐受命百四十載德

澤浸於荒裔聲教被於殊鄰紹三代之統緒綜百王

之禮樂我高祖神堯皇帝奄有大寶應天順人我大

宗文武聖皇帝戡難造邦光宅天下我高宗天皇大
帝修文偃武惠綏四方我中宗孝和皇帝聿導孝德
惟新其命我睿宗大聖貞皇帝清明在躬玄化溥暢
朕承累聖之洪訓荷祖宗之不績兢兢業業不敢自
寧往歲韋氏作逆宗社將墜是用翼戴先後掃盪克
徒宸極歸真寰宇載宴爾來在位垂五十年中原幸
無師旅戎狄歲來朝貢夙興盱食勤念蒼生庶弘至
理永致仁壽媿無帝堯之聖德而有寄絲之不明致
令賊臣內外為患蔽朕耳目遠朕忠良或竊威弄權
或享飲重賦蟻壤一涓成此滔天構逆召戎馳突中

夏傾覆我河雒擾亂我嶠函使衣冠奔竄於草莽黎
庶狼狽干鋒鏑伊朕之涼德不能寧守厥位貽禍海
內有負蒼生是用罪已責躬寤寐焚灼上媿乎天地
下媿乎兆民外媿乎四夷內媿乎九族乾乾惕厲思
雪大恥夫定禍亂者必仗於群才理國家者先固其
根本太子亨忠肅恭懿悅禮敦詩好勇多謀加之果
斷永王璘盛王琦豐王珙皆孝友謹恪樂善好賢雖
頃在禁中未習政事察其圖慮可試艱難夫丞相之
才師傅之任必資賢哲允屬忠貞况四海多虞二京
未復今所慎擇實惟其人太子亨宜充天下兵馬元

帥仍都統領朔方河東北平盧等節度使與諸路及諸副大使等計會南收長安雒陽以御史中丞裴冕兼左庶子隴西郡司馬劉秩試守右庶子永王璘宜充山南東路及黔中江南西路節度支度採訪使江陵都督如故以少府監竇紹爲之傳以長沙郡太守李峴爲都副大使仍授江陵都督府長史兼御史中丞盛王琦宜充廣陵大都督仍領江南東路及淮南等道節度採訪等都使以前江陵郡都督府長史劉彙爲之傳以廣陵長史李成式爲副大使兼御史中丞豐王珙宜充武威郡都督仍領河西隴右安西北庭等路節度採訪使以隴西太守鄧景山爲之傳應須兵馬甲仗器械糧賜等竝於當道本節度採訪支度防禦等使號王巨等竝依前充使其署置官屬及本道郡縣官等竝各任自揀擇其有文武奇才隱在山藪宜加辟命量事獎擢於戲咨爾元子等敬聽朕命謙恭祇敬以見師傅矜莊簡肅以蒞衆官慈恤惠愛以養百姓忠恕哀敬以折庶獄色不可犯以臨軍政犯而必恕以納忠規往欽哉無替朕命各頒所管咸令知悉初江顛之人聞京師陷賊不知輿駕所在互相震駭及見是詔遠近相賀思有所効

肅宗至德元年七月卽位於靈武十月至彭原郡宰
臣房琯抗疏請兵一萬人自為帥以收兩京詔許之
以兵部尚書王思禮為副分為三軍使楊希文將軍
自宜壽入劉貴哲將中軍自武功入李光進將北軍
自奉天入

二年三月關中節度王思禮奏將士張子卿等四十
餘人割耳為盟請為父子軍為國討賊又特進張元
軌悉稱所領武士一千五百人相與盟咸截左耳誓
雪國讐齊所截耳至朝堂帝嘉之

七月蜀郡城中節度健兒郭千仞謀逆上皇御玄英
樓親自招諭不從詔六軍兵馬使及蜀郡長史李岷
等領防禦兵討平之

九月以元帥廣平王豫領朔方安西迴紇南蠻大食
之衆十五萬號二十萬出討叛逆便收兩京以鎮西
北庭行營節度使李嗣業為前軍朔方河西隴右行
營節度使郭子儀為中軍關內行營節度使王思禮
為後軍遂收長安廣平王城中號令三日領大兵而
東追殘賊兼收河雒

乾元元年九月詔司徒朔方節度使郭子儀淮西襄
陽節度使魯景興平軍節度使李奐滑濮節度使許

叔冀平盧兵馬使董秦北庭行營節度使李嗣業鄭
蔡節度使李廣琛率步騎二十萬衆渡河討安慶緒
於湘州又遣司空李光弼關內及潞府節度使王思
禮率所部兵續赴湘州

二年七月以趙王係為天下兵馬元帥討思明於河
朔以司空兼侍中薊國公李光弼為副元帥知節度
行營事

九月襄州將士康楚元張嘉延率衆為亂陷荆襄澧
朗等州以太子少保崔光遠兼御史大夫持節荆襄
招討仍充山南東道處置兵馬都使十月荆襄平

三年四月襄州軍亂殺節度使史翽部將張瑾據州
為叛以陝州來瑱為襄州刺史充山南東道襄鄧等
十州節度使討平之

上元元年九月詔曰朕聞昆夷作患周王授鉞於方
叔大宛不庭漢王委兵於廣利則知昏迷之黨舞干
不足以懷柔聖哲之謀伐叛必資於用武事將禁暴
蓋非獲已司徒兼中書令朔方鄜坊邠寧等節度使
代國公子儀慶鍾五百運符魚水挺文武之宏才茲
韜鈴之遠略積蒼生之重望有命伐之元勳負博和
羨已申於啟沃登壇制勝實佇於謀猷萬里長城倚

賴攸屬今殘祗未殄戎事猶殷爰資一舉之功以靖
四方之難宜令子儀都統諸道兵馬使管崇嗣充副
使取邠慶朔方路過往收大同橫野清夷便收范陽
及河北仍遣射生衙前六軍英武長興寧國左右威
遠驍騎等左廂一萬人馬軍三千步軍七千人以開
府李光進充都知兵馬使特進烏崇福充都虞侯右
廂一萬人馬軍三千人步軍七千人以開府儀同三
司李鼎充都知兵馬使特進王晔充都虞侯渭北官
健一萬人馬軍三千人步軍八千人以開府韋京果
充使朔方留後蕃漢官健八千人馬軍八百人步軍
七千二百人以兼御史中丞任敷渾釋之同充使蕃
漢部落一萬人馬軍五千人步軍五千人以兼御史
中丞慕容兆與新投降首領奴賴同統押充使鄜坊
等州官健一萬人馬軍一千人步軍九千人以攝御
史中丞杜冕充使寧州官健一萬人馬軍一千人步
軍九千人以攝御史桑如珪充使涇原防禦官健二
千人馬軍五百人步軍一千五百人以大將軍閻英
奇充使蒐乘練卒藉馬賊車合四海以齊心齊九夷
而同力金鼓作氣鐵騎爭雄歛野噴山隱天動地以
服順之師旅討從逆之克徒人事天時指期可定今

將略高闕出雲中驅蚊蚋於幽燕掃撓槍於鞏維削平天下混一車書然後獻凱清廟策勳盟府剋寧區夏豈不盛與兵馬旣衆恐路次難爲供應仍備六十程糧十馱遣馬畜草料所在量事支供不得妄有煩擾百姓仍委子儀卽差人先於諸道計會分般次進發仍與迴紇兵馬犄角相應逐便討除所關軍務應須處置並委子儀續具狀奏聞雖有詔命竟不行二年四月梓州刺史段子璋反襲破綿州殺遂州刺史嗣王虢王巨東川節度李奩戰敗五月劔南節度崔光遠與李奩領衆平之

代宗寶應元年八月台州賊帥李勣攻陷台州刺史史敘脫身而逃因盡陷浙東諸州縣有衆數萬越及浙西諸州咸理兵以禦詔河南道副元帥李光弼討之

二年四月李勣平

十月詔諸天下兵馬元帥雍王适統河東朔方及諸道行營迴紇等兵十餘萬討史朝義會軍於陝州

月朝義平

大曆十年四月詔河東鎮冀幽州淄青淮西滑亳汴宋深潞河陽等道出師討魏博田承嗣

八月田承嗣上表請束身歸朝其將盧子期寇

詔李寶臣李正己李忠臣李勉李昭田神玉朱滔李
抱玉等同赴磁州討伐

十月擒
子期

十一年七月汴宋州節度留後李靈耀竊所部兵叛
北結魏博田承嗣之同惡命淮西節度使李忠臣滑
州永平軍節度使李勉河陽節度使馬燧三鎮兵同討

之

十月擒
靈耀

德宗建中四年三月詔曰淮陽軍節度使李希烈頃
以梁崇義叛逆使之專征旣集勲庸大加恩禮名極
台輔賞延子孫而乃負德棄身去忠効逆攻劫道路
擅固鄧州而又圖陷汴州攘奪尉氏攻圍鄭圃暴犯

汝墳已敕神策汴滑河陽東畿汝州淮南山南荆南
湖南劍南江西鄂岳等道十五萬衆剋日齊進弔人
靖亂罪止元亮有能斬希烈歸降者四品已上以希
烈官爵授之五品以下封異姓王實封四百戶諸軍
將士斬獲希烈者亦准此例封賞以軍城降者便以
其職授之賜其實封賊平後除供當道外百姓給復
三年朕德之不明化有不洽未躋仁壽尙勞用兵中
心咎悼無忘鑒寐

四月以永平宣武河陽等軍節度都統李勉爲淮西
招討使襄陽賈耽江西嗣曹王臯等爲之副

貞元三
年

希烈

十一月帝在奉天以朔方節度李懷光軍醴泉神策將李晟軍東渭橋以討朱泚

興元元年二月以鎮州王武俊兼幽州節度使令討朱滔

三月以神策節度李晟兼京畿渭北鄜坊丹延節度使以行在都知兵馬使渾瑊為朔方節度使邠寧

武丞平奉天行營副元帥收復京城

五月京師平

八月以河東保寧軍節度使馬燧為奉誠軍晉絳慈隰節度行營兵馬副元帥以靈鹽節度使渾瑊為晉

絳節度使河中同陝虢等州及管內行營兵馬副元帥同討李懷光

貞元十五年九月詔曰淮西節度使吳少誠非次擢用授以旌旄秩居端揆之榮任總列城之重期申報効奉我典常而秉心匪純自底不類兇狡成性扇誘多端外肆矯誣內懷疑阻毀忠廢信棄德崇奸擅動甲兵屢越封境壽州茶園輒縱凌奪唐州詔使潛構殺傷干黷國章已在無赦朕以王者之德在乎好生人君之體務於含垢寧屈已以宥罪不殘人以興師是以上稽宗社之盛外抑忠賢之請庶其悛革當議

優容今更幸鄰境之喪逞貪亂之志焚掠縣邑殘暴
平人朕猶異其知非爲之忍恥亟頒詔令未許出師
至乃遣軍攻逼許州肆其蠱毒恣行殺戮流害黎蒸
惡稔禍盈人神同棄興言致討實悼予衷宜令宣武
軍河陽三城鄭滑等州節度東都汝州等軍犄角相
應同逼申光蔡州常冀幽州淄青魏博易定澤潞太
原淮南等州徐泗山南東道鄂岳等軍各發士馬逐
便犄角齊進同爲討伐大軍四合計日殲夷嗟我忠
良受茲誑誤或心存憤激而力屈克威玉石俱焚良
增憫惻其所收得少誠管內州縣百姓官吏等宜切
加慰撫各示安存淮西將士等夙著勲庸素懷忠義
爲其脅制深可哀矜若能因事建功捨逆効順朕當
復其職位待以官封其吳少誠在身官爵竝宜削奪
其有叶心同謀擒斬少誠者先有官未有官者竝授
御史中丞大夫封異姓王賜實封五百戶賞錢萬貫
庄宅各一所子孫永爲功臣先有御史中丞異姓王
及刺史者卽超轉三資改賜官賞其才器行業爲衆
所推者便授節度使如有心懷忠憤謀斬少誠被其
屠戮者先無官者追贈三品官賜實封二百戶先有
官者贈二品官賜實封三百戶仍各與一子正員五

品官已有官者超三資與正員官其所在百姓能團結士衆討除梟斬少誠者准例封賞人臣之所保者忠天地之所助者順報功宥善朕不食言於戲朕司牧黎元爲之宗極化有所未洽信有所未孚致茲興戎增用媿悼然不暫勞無以逸俗不誅暴無以安人容爾藩鎮方州列辟連師所宜戡剪大憝未康兆人其戮力一心以副朕意應諸道准勅赴蔡州許州將士等皆竭忠誠盡心奉國竝懷感激叶力勤王若能梟斬少誠者亦准前例官賞策勲之典朕所必行如少誠平後應赴行營將士超三資改官其賞物節級當續有處分其將士月糧在後迴給家口宣示中外咸令知悉

十六年二月以諸將與賊戰皆不利而退詔左神策行營銀夏節度使韓全義爲蔡州行營招討使陳許節度使上官浣副之

十月詔雪吳少誠

憲宗元和元年正月戊子制曰劍南兩川疆界素定藩鎮守備各有區分頃因元臣薨謝鄰境不睦劉闢乃因虛構隙以忿報讐遂勞三軍兼害百姓朕志存含垢務欲安人遣使宣諭委以旄鉞如聞道路擁塞未息干戈輕肆攻圍擬圖吞併爲君之體義在勝殘

命將興師蓋非獲已宜令山南西道節度使嚴礪領
 當道士馬與劔南東川節度使李康犄角應接仍令
 神策行營節度使高崇文領馬步五千人為左軍左
 右神策京西行營兵馬使李元奕領馬步二千人為
 次軍竝相續繼發仍仰高崇文等各差人先與嚴礪
 計會齊進朕以三蜀之人本無過犯征鎮將士各著
 勲勞迫於威制不能自拔各宜分明曉諭令悉朕懷
 如劉闢稟奉朝經抽兵却歸本鎮朕務存誠信必當
 委待如初其効順之誠臨鎮歸欵高位重賞當不食
 言如尚執迷自貽覆滅法既無赦令在必行宜一乃
 心恭守所職其置頓糧料等仍委度支使差官勾當
 無令闕失甲午高崇文領兵馬取鳳翔斜谷路李元
 奕領兵取駱谷路同赴梓州應接秦惠王時用司馬
錯之策以伐蜀漢
光武使吳漢伐公孫述魏司馬文王使鄧艾伐劉禪
晉穆帝使桓温伐李子仁宋武帝使朱齡石伐譙縱
梁武帝使鄧元起伐劉季連周太祖使尉遲迥平蕭
紀隋文帝使梁睿平王謙憲宗命高崇文平劉闢自
秦至元和九度伐蜀四為水軍泝江而上唯光泰與
鄧艾尉遲迥梁睿及崇文五在斜谷駱谷出師南討
不庭矣
 九月擒劉闢以獻

三月詔發河東天德兵誅夏州楊惠琳初韓全義入
 朝令其甥楊惠琳知晉後俄有詔除李演為節度代
 全義演赴任惠琳據城叛至是討之是月平

二年九月浙西節度使李錡據潤州反殺判官王澹
大將趙琦又領蘇常湖杭睦五州戍將殺刺史修石
頭故城欲謀僭逆十月詔曰朕聞好生者天地之仁
不在乎肅殺止戈者帝王之武不尚乎誅鉏恭惟至
言可謂明誠朕祇荷前訓纘承丕圖每思道以自弘
豈任兵而爲念雖朔陞阻命有戡亂之征蜀部興妖
獻夷凶之捷而所傷皆及於百姓所費寧止於千金
靜言思之徃徃興嘆非不得已豈復用師李錡屬列
宗枝任居方伯窮赫奕之貴飽綢繆之恩待以親賢
報之以禮節授以師旅用之以亂常肖圓首方足之
形無五常百行之性頃者累陳章疏勤請來朝姦態
不形僞言甚懇朕頗謂誠志久方允從乃降詔書俾
修覲禮示以後命委其深心而梟首驟呼虺毒橫厲
初則詐疾後仍縱兵寮屬以獻規受屠使臣以傳命
見脅朕務於含垢未忍明言累降中人令遵前旨無
輒車之戒路有沴氣之滔天加以日逞淫征冤痛者
無告日興暴賦杼軸者皆空赤子咸罄於餽糧白刃
屢膏於頸血爲人父母聞甚惻然顧惟紀綱豈敢廢
墜其討伐之師竝已有處分剋期齊進其李錡在身
官爵階勳等竝宜削除仍令宗正寺削一房屬籍其

兩都及諸州府應有李錡庄宅錢物等並委所繇官簿錄聞奏浙西將士素非同惡朕所深知迫於克威不能自達但王師進討因事立功梟斬渠魁以效誠節必當特加爵秩超異等倫其將吏等以所領歸降者超三資官以一身降者亦超資改轉官健歸順者厚加賞給仍與敕錄明諭將士罪止一夫其餘染汙一切不問於是詔淮南節度使王鐸充諸道行營兵馬招討處置使仍以內官有監門衛大將軍薛尚衍充都監招討宣慰等使徵宣武義寧武昌之師各三千并淮南宣歙之師並取宿州路進討江西兵士三千取信州路進討浙東兵士取杭州路進討

是月平錡

四年十月鎮州王承宗拒命制曰天地以大德煦物而高秋厲肅殺之威帝皇以至道育人而前王設誅討之典於是乎有阪泉之役有丹浦之威情豈佳兵義存禁暴朕嗣膺寶曆於茲五年以惕厲居於人上以仁恕撫於天下恭惟文祖之訓敢以武功為先昨者吳屬興妖師徒獻捷朕每念陳原野之衆行鈇鉞之刑雖舉彞章頗懷慙德蓋不獲已豈樂於斯王承宗頃在苦廬潛窺戎鎮而內外以事君之禮將而必誅分土之宜專則有辟朕念其先祖規嘗有茂勳

以私恩抑於公議使臣旁午以告諭孽童俯伏以陳
誠願獻兩川期無貳事朕亦收其後效用以曲全授
節制於舊疆齒勲賢於列位况德棣本非成德所管
昌朝又是承宗懿親俾撫近鄰斯誠厚德外雖兩鎮
中實一家而承宗象恭懷奸霄貌稔禍欺裴武於得
位之後繆昌朝於受命之中豺狼之心飽之而愈發
梟獍之性養之而益生加以表疏之間悖慢斯甚神
祇所以不祐天地所以不容智士所以奮懷義夫所
以興憤式遏亂略期於無刑恭行天誅示於有制其
諸道諸軍進討已從別制處分王承宗在身官爵並
宜削奪其鎮州管内將士官吏等久在戎行未知朝
典或陷于邪說或迫以克威雖有忠誠無由自達但
能效順卽是王人豈止惟新當加寵渥其有能廻戈
殄寇因事立功時有褒崇不拘資次貴爵厚祿設之
而高懸實封名藩待之以厚賞其以一州歸順者便
與當州刺史仍賜實封二百戶如先是刺史以州歸
順者超三資與官仍賜實封三百戶以一縣歸順者
超兩資與官賜實封一百戶其長行官徒歸順者當
以優厚褒賞如將較內有翻然改圖梟斬元惡者授
以不次之位寵以殊賞之封王承宗如能革心悔過

束身入朝待之如初一切不問仍准舊官爵別加寵
授於戲王者之師蓋除於暴亂止戈之武豈願於傷
殘而承宗不能負荷舊勲祇承新命自貽其咎寧怨
於天遽此興戎至於用鉞固非素意用嘆於懷百辟
萬方宜諒朕志是月以左神策護軍中尉左衛上將
軍吐突承瓘爲左右神策河中河陽西宣歙等道赴
鎮州行營兵馬使招討處置等使仍與諸軍計會內
侍省內寺伯宋惟澄爲河南陝西河陽已來館驛使
內侍省內寺伯曹進玉爲京畿華州河中晉州太原
已來館驛使內侍省內常侍劉國爲太原易定幽州
滄州行營兵馬糧料使內侍省內常侍馬朝江爲東
道行營兵馬糧料使

五年正月詔行營諸道進討鎮州又發徐泗滑等州
兵四千人赴行營

七月赦承宗罷兵

八年十二月振武兵亂逐出節度使李進賢屠其家
又殺判官嚴澈河東節度使王鐔奏李進賢奔於靖
邊軍振武監軍使駱朝寬奏亂衆復平且請給將士
衣於本州兼言營田之不可成帝怒命夏州節度使
張煦以夏州兵二千代進賢於振武又命王鐔以河
東兵二千煦於振武仍許以便宜擊斷

十年正月制曰天地之化由肅殺以成歲功帝王之
道以威武而輔文德朕祗荷鴻業撫臨庶邦務先弘
含每慎征伐俾懷仁者有恥且格畏罪者見善卽遷
而或昏迷不恭告命不及固興勃亂之孽自速原野
之誅除害正刑國有彛典吳元濟逆絕人理反易天
常不居父喪擅領軍事諭以詔旨曾無敬恭榮惑一
方之人迫脅三軍之衆以其父少陽常經任使爲之
軫悼命申奠祭臨遣使臣凌虐封疆遂致稽阻絕朝
廷之禮意忘父子之恩情旋又掩襲舞陽傷殘士卒
焚燒葉縣騷擾閭閻恣行寇攘無所畏忌朕嘗念當
延之義重傷藩帥之門尙欲納於忠順之途處以
榮之列未能飭法猶爲包荒稱以詔書俾申招撫而
蠱毒滋長姦心靡悛壽春西南又陷鎮柵窮凶稔惡
縱暴挺災覆載之所不容人神之所共棄良非獲已
致此興戎蓋亦方伯連帥同請討除伐罪吊人故重
申命宜令宣武忠武太原武寧淮南宣歙等兵馬合
勢山南東道及魏博荆南江西歙南東川等道兵馬
與鄂南計會東都防禦使與懷汝節度及劍南義成
軍兵馬犄角相應同爲進討吳元濟舊有官秩宜並
削除大軍旣臨計卽戡殄嗟我淮右之衆本爲勤王

之師雖是脅從類已昭洗念此勲力未嘗弭忘適羅
狡童又此誑誤必懷忠順迫在克威苟能率誠即日
收效其淮西將士有能梟斬克渠者先是六品已下
官授三品正員官其先授五品已上官者節級昇進
仍與實封五百戶庄宅各一區錢二萬貫如能率所
管兵馬以城鎮來降者竝超三資與改官仍與實封
二百戶錢一萬貫以一身降者亦與改轉仍賜錢帛
諸道應赴副行營將士如有斬元濟者亦准此處分
吳元濟如能束身歸朝竝與洗雪若不能改過罪止
其身其餘汙脅一切不問接賊界州縣百姓軍興已
來供饋繁併言念疲瘵良增憫然元和九年兩稅解
斛錢物等在百姓腹內者并十年夏稅並宜放免其
有城鎮將士百姓守節拒賊身死王事者各委長吏
優給其家仍具事跡聞奏當加褒贈并賜錢帛仍與
一子官三州百姓莫匪吾人諸軍所至不得妄加殺
戮焚燒廬舍據奪財產并有拘執以爲俘馘事平之
後給復二年三州內有自置義營堡柵王師所至能
相率來降各加酬獎時當春候務切農桑應緣軍務
所須並不得干擾百姓如要車牛夫役及工匠之類
竝宜和顧情願仍給優價賊平之後應立功將士

與超資改官節級賜物於戲朕率理道靡敢荒寧思致中和以康億兆而德之寡薄化未昭宣爰用甲兵良深媿嘆顧非重武其在止戈宣示中外咸令知悉自九年秋元濟以其父衆逆命帝初推恩信以待之乃易置四面將帥命嚴師飾壘以臨之望其畏寤聽命賊乃分銳四出焚掠城邑至有犯東畿者繇是帝震怒始下詔討之

二月以劍南西川之師五百人隸嚴綬徐州之師二千五百人從李光顏又以宣武之師三千人會光顏皆討蔡州又命神策軍郃陽鎮遏將索日進以涇原兵六百人會光顏劔南東川以兵二千五百人會鄂岳團練使柳公綽討賊次於安州

十二月詔發振武兵二千會義武軍以討王承宗十一年正月制曰上帝垂象輝弧矢之芒先王取威陳鈇鉞之柄蓋所以昭宣七德保乂兆人故窮陰有助於歲功而大刑無廢於國典朕承累聖之休祉奉昊穹之眷命道思格物心豈佳兵期致俗於和同庶納人於軌度緬窺鍾鼎無忘衛國之勞永惟帶礪每存延代之賞故太尉武俊頃因多難首建大勲懸捧日之明誠遏滔天之逆豎武烈有過於雷震壯容具

紀於丹青餘風凜然雖死不朽是宜子孫襲寵邦國
同休而王承宗墜乃箕裘隳其門戶不思祖考之德
忍與梟獍同謀不顧天地之恩敢以豺狼爲性飽則
逾悖撫之不馴克狂屢見於表章戕賊竊加於宰輔
四方同駭千古所無朕以思人愛樹投鼠忌器優柔
而不斷隱忍而未征屈其憲法唯絕朝貢俾之思過
將謂革心而乃先動干戈屢犯城邑焚燒剽掠流毒
于人罪惡旣不可容誅討蓋非獲已况四面征鎮憤
激咸同中朝卿士奏議相繼雖覆以大道欲更含弘
而迫於海魏博昭義等節度兵馬計會進討其承宗
在身官爵竝從削奪言念迺祖嘗著功庸蠢茲狡童
自取廢絕其所襲實封宜廻賜武俊子右金吾衛將軍
軍士平俾之纂承無乏祭祀若承宗翻然改悟束身
入朝必議加恩不唯貸法如沉迷自若討伐遂行則
罪止一身其餘驅脅之徒一切不問大軍旣臨計無
戡殄其成德將士等或染惡俗或迫克威雖忠誠無
階自達但能去逆效順因事立功隨其高下厚加賞
錫如有梟斬渠魁及執送京兆以效誠節者王承宗
在身官爵土地等使以廻授仍與實封五百戶庄宅
各一區錢二萬貫如有能率所管兵馬及以城鎮

降者並超三資與官仍實封二百戶錢一萬貫其以
州降者便與刺史仍賜實封三百戶如本是刺史更
超三資與官賜實封三百戶以縣降者超兩資與官
賜實封一百戶其以一營一柵降者節級褒昇務從
優厚其諸軍行營將士有先登陷陣屠城下邑者亦
准此處分諸應行營將士如有能梟斬承宗者亦准
前例處分其接近賊界州縣自軍興已來供饋繁併
嗟我疲瘵良增憫然應元和十年兩稅斛錢物在
百姓腹內并十一年夏稅並宜放免其有城鎮將士
百姓守節拒賊身死王事各委長吏優給其家仍具
事跡聞奏當加褒贈其有潛謀誅斬承宗被其屠戮
者優加追贈并賜錢帛仍與一子官六州百姓莫匪
吾人墜于塗炭深用嗟惻兵之所至不得妄加殺戮
及焚燒廬舍掠奪資產并有拘執以爲俘馘事平之
後給復三年其六州管內百姓能相率來歸者所在
安存各加優獎方當春候務切農桑邊界之人慮妨
耕織應緣軍務所須並不得干擾百姓如要車牛夫
役工匠之類宜和雇優給價錢賊平之後應立功者
士並與超資改轉節級賜物續有處分於戲朕正位
凝命端誠嚮方勞謙在心慈儉爲寶而化未陶於

徵澤未浸於隱微薦興甲兵師在原野中霄愧歎當
佇憂兢庶將除姦非曰尚武宣示中外宜體至懷自
前年詔絕其朝貢承宗數以兵出境四犯田弘正不
勝其忿累疏請誅帝方許以兵加境上未令進討承
宗幸其詔旨乃大肆侵掠幽州及滄州易定之師皆
苦之請連兵誅伐乃有是命於是六鎮合勢兵十萬
餘環數千里將分承宗之力然諸軍回遠難爲主約
繇是兵加二年竟不能分其勢十二年四月罷河
北行營專討淮西
二年詔以陳州所送東都防禦五百人廻付汝州又
詔發河東兵五千以赴易定

十月命嘗侍梁守謙監淮西行營諸軍仍以空名告
身五百道及金帛付之

十二年正月詔發河東兵一千會于義武軍移潁沈
丘武兵二千會于壽州

七月以中書侍郎平章事裴度爲門下侍郎平章事
克彰義軍節度使仍充淮西宣慰使以刑部侍郎馬

總爲副以征元濟

十月淮
西平

十三年七月詔削奪淄青節度使李師道在身官爵
仍令宣武魏博義成武寧橫海等軍分路進討其淄
青將士如能梟斬克渠者節級超獎仍與實封五百

戶庄宅各一區錢二萬貫

十四年二月師道平

冊府元龜

冊府元龜

巡按福建監察御史臣李嗣京 訂正

知閩縣事 臣曹鼎臣 參閱

知建陽縣事 臣黃國琦 較釋

帝王部 一百二十三

征討第三

唐穆宗長慶元年八月冀州刺史吳晔潛為幽州兵所逐瀛州兵亂因觀察使盧士攻其州尋為幽州兵所據以河東節度使裴度兼充鎮州四面行營都招討使以左領軍衛大將軍杜叔良為深冀諸州行營

節度使以深冀等州節度觀察使牛元翼爲成德軍節度鎮冀趙等州觀察等使時王庭湊賊殺田弘正竊據王地朝廷以元翼鎮冀舊將素以善戰聞班位勇畧在庭湊之右故前命爲深冀節度及是又以成德令付之希鎮州兵士望風稟令不戰而歸也

二年二月

赦庭湊

二年七月汴州軍亂逐節度使李愿立牙將李岑爲留後詔以鄭滑節度使韓充爲宣武軍節度使又詔陳許節度使李光顏將兵收汴州

八月斬李岑

文宗太和元年十一月以攝橫海軍節度副使李同捷新除兗海不受詔結幽鎮謀叛詔削同捷在身官爵以保義軍節度使李寰爲橫海軍節度使又詔發河東陳許徐州淄青四鎮兵各五百人助寰討賊仍

賜綾絹二萬匹充賞設

三年五月斬同捷

二年八月詔曰朕初撫天下實在便安故委同捷節旄處以華壤顧彼童孽豈宜當之然蔑棄君親不合容覆忠臣義士咸同忿嫉非朕生事致於興戎鎮州王庭湊承累朝恩榮據四郡士衆將爲率先問罪以圖策勲而乃影援逆寇干犯王旅諸道使命繫爲囚內兵滄州抗戰四境交支郡之管籥棄鄰好之姻

親無恩於家忘義於國而猶特遣中使許其轉禍詞
旨堅執曾無少悛近者又令宰臣遺書許以效順王

誥一去寂爾無聞

臣欽若等日王誥奉使滄州史失其官

朕以成德一

軍代建勲力聆風抃日待之實殊豈爲庭湊一人致
使傷及百姓今迫藩臣懇請連章繼來朕猶不能獨
斷宣示羣公卿士叅詳可否以觀衆情義不容誅列
狀斯在先朝曾效忠慤寵獎逾等驟至三公開其自
新以全令節朕之恩義亦不負矣其諸道與鎮州鄰
接處宜竝絕其進奉嚴加警備其有突犯及隨指揮
併合宜依詣旨處分諸道須有移軍出界竝不得焚

燒廬舍橫加殘害歸投者撫之拒命者禦之如有忠
臣義士以一州或城鎮降者竝依討滄州例處分其
上都進奏院宜令御史臺京兆府切加守提禁其出
入待後勅處分如庭湊翻然改悔乞效忠勲上表陳
誠須有聞奏亦委鄰界當時轉與進上不得停留於
戲朕示帝王至仁以安兆庶以黃老清淨用寧寰宇
文告屢施而不從兵革在郊而未弭致此費詞良多
愧歎時王庭湊黨助李同捷恣其奸計累以兵革糧
鹽濟實滄州又以兵拒朝命鄰境通使竝繫而不遣
逆狀顯露中外同請誅討故有是命

九月詔曰雷電霜雪上天所以成物明罰飭法聖人垂之易象豈春陽不可以獨化將輔理固在于刑威乎則過亂禁非法天齊俗諒有為而然也李同捷罪暴寰宇告之則恃寵之益凌亂君臣父子之紀綱棄覆育生成之恩義則綏討之命蓋不得已而王庭湊作我藩臣久膺寵命致爵位於擾叛之際齊恩澤於忘義之倫而首扇同捷使自纏縲黨惡之心劇於虎兇負法之醜逾於梟獍藩方統帥飛疏牙來朝右公卿懇章繼奏皆期鳴鼓問罪奮戈啟行朕道在包養志存含垢多立曲戶大開坦途諭之使致奇功告之

將酬重位而傲狠彌甚肆亮不悛恣惡言於報章資盜糧於狡寇屢有降卒備驗奸欺潛軍入援德棣縱燎以焚瀛莫河東易定被毒騷然若尙為包容則孰分逆順其王庭湊在身官爵竝宜削奪應諸道與鎮州接界處各逐便攻討其鎮州將士如有梟斬庭湊者六品已下官便授三品正員官先是五品已上官者節級超獎仍賜宅一所錢二萬緡如有能率所管兵馬以州郡來降超三資與官仍便正授刺史賜錢一萬緡以城鎮來降超三資與官仍賜錢五千緡如庭湊束身歸闕竝與洗雪若執迷安禍罪止其身其

餘脅汙一切不問

三年三月詔行營兵馬各量揀精銳深壁堅守分兵務農非按襲勿更決戰軍中老弱傷疾及揀留固守外竝抽歸本里訓勵營生應鄰道節度有鎮兵馬此令權授指麾竝宜依前在抽移之限李祐所統兵馬至多既逼德州自是本道糧饋不乏進取已深宜依前當處守禦

六月詔鎮州四面行營兵馬竝宜各歸本界且自休息其幽州河東易定齊德昭義魏博等俱要保境勿相往來唯庭湊以四郡之地三軍之衆率誠歸闕翻

然效順則不獨棄其舊惡兼亦別義新恩唯此一事

與達表章餘勿聽信

八月赦庭湊

武宗會昌三年九月制日定天下者致風俗於大同安生人者齊法度於畫一雖晉之樂趙家有舊勲漢之韓黥身爲佐命至於干亂紀律罔不梟夷禁暴除殘古今大義故昭義節度使劉悟頃居海島嘗列爪牙屬師道阻兵王師問罪三面開網一境離心乘此危機遂能歸命憲宗嘉其誠欵授以南燕穆宗待以腹心委之上黨招致死士固護一方迨於末年已廢臣節劉從諫生稟戾氣幼習亂風因跋扈之資以專

封壤恃紀綱之力以襲兵符暫展執圭之儀終無上
綬之請隙駒爲喻魏豹姑務於絕河井蛙自居孫
頗問于恃險誘受亡命妄作妖言中罔朝廷潛圖左
道接壤戎帥屢奏陰謀顧若卯之所矜豈泉魚之是
察暨乎沉痾曾靡哀鳴猶駐將盡之竟恣行邪僻之
志罔或舊較自樹狡童中使授醫莫覩其朝服近臣
御命不入於壘門逆節甚明人神共棄其贈官及先
所授官爵并劉稹在身官爵宜當竝削奪成德軍節
度使王元逵魏博節度使何弘敬或姻連王室或任
重藩維懇陳一至之誠願揚九伐之命吳漢任職受

詔而初無辯嚴卜式朴忠未戰而義形於內况成
軍常以驍騎橫陳首破朱滔戰氣方酣再迴魯陽之
日鼓音不息三周不注之山魏博軍順以大旆涉河
竟殲師道建十二郡之旗鼓以列降人削六十年之
厲階盡歸皇化士傳餘勇軍有雄名必能稟鄭侯之
指蹤成葛亮之心伐咨爾二帥朕所注懷元逵可本
官充北面招討澤潞使弘敬充東面招討澤潞使潞
府曩者烈祖在藩先天啟聖符瑞昭晰繪事煥於泗
亭鑿輅巡遊金石刻於代邸實謂可封之俗久爲仁
壽之鄉艱難以來頗著誠節必非同惡咸許自新其

昭義舊將士及百姓等如保初心竝赦而不問如能捨逆效順以州郡兵衆歸降者必厚加封賞如能送劉稹者別授土地以報勲庸頃隨劉悟鄆州舊將較子孫既有義心宜思改悔如能感諭劉稹束身歸朝必當待之如初特與洗雪爾等舊較亦並酬勞仍委夷行劉沔茂元各進兵同力攻討其諸道進軍並不得焚燒廬舍發掘墳墓擒執百姓以爲俘囚桑麻田苗各許本戶爲主罪止元惡務拯生靈於戲藩維大臣抗疏於外髦俊舊老昌言於朝戒朕以祖宗之法不可私一族刑賞之柄所以正萬邦宜用甲兵陳於原野雖朕以恩不聽而群臣以義固爭詢自僉謀諒非獲已布告中外明體朕懷仍以徐泗節度使李彥佐爲澤潞西南面招討使河陽節度王茂元以本軍屯萬善彥佐制下後踰月未出師朝廷疑其持重乃以天德軍使石雄爲彥佐之副

四年三月以晉絳副招討石雄爲澤潞西面招討使以汾州刺史李丕爲之副

八月劉
慎平

懿宗咸通九年七月徐州赴桂林戍卒五百人官使許佶趙可立殺其主將王仲甫以糧料判官龐勛爲都頭剽掠湘潭衡山兩鎮有衆千人擅還本鎮殺

征討三
度使崔彥曾遂出徐宿官庫錢帛召募克徒五萬討
徵河南河東山南諸道之師討之

十年正月以神武大將軍王晏權充武寧軍節度使
兼徐州北路招討使右神策大將軍康承訓充徐泗
行營都招討使又以將軍朱克義王宥李邵史忠用
馬澹董濤戴可師朱耶赤心王建曹翔馬舉高羅鏡
秦謨李播爲諸道行營招討使量分諸道之兵七萬
三千一十五人以討龐勛

二月詔司農卿薛瓊使淮南廬壽楚等州點集鄉兵
以自固九月廬

十四年三月雲朔暴亂殺刺史段文楚扶詔太原節
度使崔彥昭幽州節度使張公素出師討之
僖宗乾符三年七月草賊王仙芝寇掠河南十五州
其衆數萬詔河南藩鎮舉兵討之

四年三月以青州節度使宋威爲諸道招討草賊使
乃給禁兵三千甲馬五百匹

五年四月草賊黃巢黨尚讓大驅河南山南之民其
衆十萬大掠淮南侍中晉國公王鐸請自督衆討賊
詔以鐸爲荆南節度使諸道兵馬都統

六年八月以東都留守李蔚爲河東節度兼代北行

營招討供軍等使討雲朔李昌國廣明元年四月以前太府卿李琢為蔚朔等州諸道行營都招討使

東北面行營李孝昌李元禮諸葛爽王重榮朱玫等

兵馬及忻代土團並取琢處分中和元年二月敕昌國令討黃巢

中和元年正月帝在興元詔太原節度使鄭從謹發

本道之師與北面行營招討使諸葛爽代州刺史北

面行營馬步都虞侯朱玫夏州將李思恭等行營諸

軍並赴京師討賊時黃巢據京師

七月帝至西蜀以侍中王鐸為中書令充義成軍節

度使兼京城四面行營兵馬都統以太子太師崔安

潛為副忠武軍監軍揚復恭為天下兵為行營都監

以河中節度使王重榮義武軍節度使王處存鄜延

節度使李孝章朔方軍節度使拓拔思恭分京城四

面都統三年四月攻京城四年七月黃巢平

光啟元年三月蔡賊秦宗權據汴鄭以徐州節度使

時溥充蔡州四面行營兵馬都統以武宣軍節度使

朱全忠充蔡州西北面行營都統文德元年十二月平宗權

二年五月帝在興元邠寧節度使朱玫奉襄王煜為

帝遣將王行瑜率邠寧河南之師五萬屯鳳州十二

月密詔行瑜自鳳州率眾還長安斬朱玫及其黨數

百人以行瑜為邠寧節度使

昭宗文德元年六月以蜀賊王建大亂劔南陳敬瑄

告難以司空平章事韋昭度充劔南西川節度使兼

西川招撫制置使明年王建陷成都府自稱留後

大順元年五月以宣武軍節度使朱全忠等上表請

與河北三鎮及汴滑河陽之兵平定太原李克用應

朝廷命重臣一人都總戎事詔中書侍郎平章事張

濬為太原四面行營兵馬都統京兆尹孫揆副之率

神策軍三千赴行營又以華州韓建成德軍王鎔幽

州李康威雲州赫連鐸及朱全忠分為太原四路招

討使十一月李克用上表訴寃遂罷兵

二年八月以鳳翔李茂貞表章不遜帝不能容嗣單

王為京師西招討使神策大將軍李鐵副之九月師敗以茂

貞為秦王賜鐵券

乾寧二年七月太原節度使李克用舉兵渡河以討

王行瑜李茂貞韓建等稱兵向闕之罪詔以克用為

邠寧四面行營都招討使夏州李思謙充東北面招

討使涇原張鏞充西南面招討使是月削奪王行瑜

官爵改授李克用邠寧四面行營都統十一月殺行瑜

後唐莊宗同光三年四月潞州小轉楊立據城叛以

蕃漢馬步軍總管李嗣源陝西留後李紹貞為副率師以討之詔令河中馬步兵士五千人騎發赴潞州

五月收復潞州

九月大舉伐蜀制曰朕以夙荷丕基乍平偽室非不欲寵綏四海協和萬邦廣正朔以遐同俾人倫之有序其或地居陬裔位處驕奢殊乖事大之規但蘊偷安之計則必徵諸典訓振以皇威爰興伐罪之師冀遏亂常之黨蠢茲蜀主世負唐恩間者父總藩宣任君統制屬朱溫東離汴水致昭皇西幸岐陽而乃不務扶持反懷顧望盜據山南之土宇全虧閭外之臣

誠先皇帝早在并門將興霸業彼既會馳書幣此亦復展謝儀後又特發使人專持聘禮彼則更不迴一介之使答咫尺之書星歲俄移歡盟頓阻朕頃遵崇遺訓嗣統列藩追昔日之來誠繼先皇之舊好又專持信幣皆絕酬還緬惟背恩食言可忍棄同郎異今觀孽豎紹據山河委闡官以持權憑阻修而僭號早者曾上秦王絨札張皇蜀地聲塵形侮瀆之言辭誘親賢之勲德昨朕風驅銳旅電掃兇渠復已墜之宗祧繼中興之曆數捷音旋報復命仍稽使來而上抗書題情動而先誇險固加以宋光葆輒陳狂計別啓

奸謀將欲北顧秦州東窺荆渚人而無禮罪莫大焉
昨客省使李嚴奉使銅梁近歸金闕凡於奏對備述
端繇其宋光嗣相見之時於坐上便有言說先問契
丹強弱次數秦王是非度此包藏可見情狀加以疎
遠忠直朋比姦邪內則縱恣輕華競貪寵位外則滋
彰法令蠹耗生靈旣德力以不量在人祇之其憤今
命興聖宮使魏王繼岌充西川四面行營都統仍命
侍中樞密使郭崇韜充西川東北面行營都招討制
置等使荆南節度使高季興充西川東南面行營都
招討鳳翔節度使李勣充都供軍轉運應接等使同
州節度使李令德充行營招討副使陝府節度使李
紹琛充行營蕃漢馬步軍都排陣斬斫使兼馬步軍
都指揮使西京留守張筠充西川管内安撫應接使
華州節度使毛璋充行營左廂馬步都虞侯邠州節
度使董璋充行營右廂馬步都虞侯客省使李嚴充
西川管内招撫使總領闕下諸軍兼西面諸道馬步
兵士取九月十八日進發凡爾中外宜體朕懷

平

十一月
蜀

四年二月貝州屯駐兵士擅離本州入鄴推趙在禮
爲兵馬留後帝怒令宋州節度使元行欽率騎三千

赴鄴都招撫之下詔徵諸道之師進討以武德使王允平爲內侍省延州馬步軍都指揮使高允鐸爲丹州刺史並充鄴都行營招討使是月邢州左右步軍四百人據城叛推軍較趙大爲留後討東北面副招討使李紹貞率兵討之

三月平之

又命蕃漢總管李嗣源

統親軍赴鄴討趙在禮

三月鄴軍變立明宗

明宗天成二年二月制曰荆南節度使開府儀同三司守太尉尚書令南平王高季興可削奪官爵仍令襄州節度使劉訓充南面招討使知荆南行府事許州節度使夏魯奇爲副招討使統蕃漢馬步四萬人

進討以其叛故也又命湖南節度使馬殷以湖南全軍會合以東川節度使董璋充南面招討使新授岐州刺史西方鄴爲副招討使其領川軍下峽三面齊進

四月與劉訓等詔曰朕昨以妙選師臣往除兇孽自長驅於銳旅將併擊於孤城已發使臣疊頒詔諭料龍韜之此舉顧蟻蛭以卽平今已漸向炎蒸不可持久切在訓齊貔虎速進梯衝必期此月之中須殄干天之逆貴令戰士免至疲勞兼冀生民早諧蘇息惟卿忠烈體朕憂勤儻能克副於指呼便見立成其功

效固於酬獎予無恡焉癸卯有內臣自荆南至云
雨方甚兵士苦之及劉訓有疾乃命樞密使孔循

往荆南城下

五月破其
水寨而迴

三年四月北面副招討使王晏球以定州節度使王
都反狀聞制曰王者君臨八表子育萬民務匿瑕含
垢之仁引禁暴戢兵之德每存寬恕貴就和平其有
受國深恩承家舊履乖失臣節包藏禍心萌悖亂以
欺天恣貪殘而害物苟無征討曷示紀綱義武軍節
度觀察等使簡較太尉兼中書令守定州刺史太原
郡王王都猥以凡材託於盛族梟獍之兇早縱豺狼
之性不移位極人臣跡無忠孝自朕繼承大業懷輶
群方山河之寄愈堅帶礪之盟益甚凡於事體每務
優崇骨肉淪落者竝致歸還嗣息薦論者遍加任使
一門受寵九族同榮近以家艱疊頒國命行吊遠繫
於卿士奪情尋復於公侯繼下絲綸薦及垣翰在手
之分於爾何虧而屬者所爲頻彰逆狀徵發不從於
朝命賦租罔係於省司擅致軍都遍抽編戶專修城
壘潛造甲兵說誘佐命藩臣留滯歸朝刺史賴皆忠
順尋各奏聞曾令近侍馳書責使深思改過載惟
御敢怠含弘近乃長惡靡悛亂常尤甚遣姦人招

前節級出妖言惑管內生靈兼掛牒文已為邊患
境之蒸黎愁沮遠遣告陳鄰藩之主帥封章共期
定其王都宜削奪在身官爵仍令馬步兵士於州側
近權置行州招誘在州軍人百姓及安撫鄉川人戶
於戲不祥之器寧願舉於干戈無罪之民豈忍墜於
塗炭將行吊伐倍軫情懷勉施極赦之功勿致傷夷
之弊雖軍威須振在王道無虧凡百戎臣當體朕意
宣布遐邇咸使聞知庶諸道舊有定州兵士處並
安撫勿令憂疑又制北面行營權副招討歸德軍節
度使王晏球可充北面招討使權知定州軍州事北

面行營馬軍都指揮橫海軍節度使安審通充北面
行營副招討兼諸道馬軍都指揮使宣殿直翟令
等十五人起諸道軍伐定州以鄭州防禦使張虔劍
為北面兵馬都監

四年二月
平王都

九月詔武寧軍節度使房知溫兼荆南行營招討使
知荆南行府事以尚食使馬從斌守澤州刺史中外
命八道起軍赴襄陽

四年五月高
從誨歸順

十月詔邠州節度使李從敬攻慶州以刺史竇廷琬

拒命故也

十二月
平廷琬

長興元年四月皇子河中節度使從珂遣人口奏曰

今月五日閱馬於黃龍莊衙內指揮使楊彥溫據
謀叛尋時詰問稱奉宣命臣見在虞鄉縣狀候進止
帝謂安重誨曰亂臣賊子何代無之安得有此語重
誨曰奸賊之言也宜速進討卽命西京留守索自通
侍衛指揮使樂彥稠等率兵攻之仍授彥溫絳州刺
史與以誘而擒之彥稠辭帝謂之曰與吾生致彥溫
吾將面訊之遣左右羽林都指揮使張從賓率宿衛
兵七指揮赴河中

是月斬彥溫

九月利闐遂三州奏東川節度使董璋結連西川孟
知祥點聚鄉兵欲來攻逼州城探得發兵次安重誨

奏曰自今年三月後來山南東川諸州奏報董璋叛
逆者數十陛下以事機未發含垢匿瑕臣必知有此
事帝曰朕不負他以生靈之故須議興師問罪乃以
左驍衛上將軍趙在禮爲同州節度使兼西南行營
馬步軍都指揮使又下制曰王者興師討伐若行其
時雨農夫去草誅鋤務絕其本根具載格言式符戎
略而况天垂弧矢盡殪狼星國舉干戈當平賊子得
不胡申號令夕議削除安邦守正翊贊功臣劍南東
川節度使特進簡較太尉同中書門下平章事梓州
刺史董璋受國深恩殿邦重寄但恣貪殘之性莫分

宵旰之憂唯務包藏顯章侮慢朝廷每施舍垢具爲
掩瑕略無悛革之心轉有狂迷之狀伺便而侵漁仁
境何名而點發義軍仍於關防輒修堡砦兼傳書檄
招寇盜於晉州尋縱賊徒欲窺覷於遂府焚燒民舍
驅虜耕牛覽奏報以實繁數愆尤而莫盡豈有武度
裕身爲刺史輒敢糜留大程官手執宣頭略無遵稟
而又淫刑害物酷法作威鉄籠之炮炙未開金贖之
科罪竝發善人知懼惡貫已盈且擢髮以難窮宜燃
臍而不赦今則已徵師旅將掃妖氛舉烈火以燎毛
飛嚴霜而脫葉匪朝伊夕覆狡擒奸於戲無禮於君
奮鷹鷂而驅烏雀有功必賞誓帶礪而保山河殄寇
則理在必然興兵則是非獲已凡在遐邇宜體朕懷
其董璋在身官爵竝削奪又詔西川節度使孟知祥
兼東川西面供饋使天雄軍節度使石敬瑭充東川
行營都招討使武信軍節度使夏魯奇爲之副

十二月遣樞密使安重誨赴西面軍前時帝以蜀路
險阻進兵艱難潼關以西物價絕賤百姓般糧往利
州每費一斛不得一斗至今隳類壞壞逃竄山谷或
聚爲盜慮不堪命帝念饋輓之苦形于顏色謂近臣
曰關勞擾軍前未有成功孰能辦吾事者朕須自行

重謫奏曰此臣之責也臣今請行許之言訖面辭翼
月發赴軍前邠州節度使李敬周如京師羅延魯俱
奉官周務謙丁延微陳審瓊韓攻符彥倫等並從重
誨西行

二年正月以權知興元軍府事王思同為山南西道
節度使充西面行營馬步軍都虞候

三年正月以前彰國軍留後孫漢韶為相州節度使

充西面行營副都部署

六月董璋為孟知祥所敗
知祥遂入梓州因而罷兵

末帝清泰三年五月鄴都屯駐捧聖都虞候張令昭

逐節度使劉延皓據城叛以汴州節度使范延光為

天雄軍四面招討使知行府事以西京留守李周為

天雄軍四面副招討使兼兵馬都監

七月收復鄴都

晉高祖天福二年六月六宅使張言自魏府使迴奏

范延光叛命遣客省使李守真往延光所問罪尋以

侍衛使楊光遠克魏府四面都部署以東都巡簡使

張從兵為副

七月安州軍亂都指揮使王暉害節度使王環於理

所遣右衛上將軍李金全領千騎赴安州

八月王暉為部下所

殺九月以李金全為節度

十一月賜魏府都部署楊光遠空名官告自司空至

常侍凡四十道將士立功者得補之而後奏三年九月延光

五年五月安州節度使李金全叛詔新節度使馬全

節以維汴汝鄭鄆宋陳蔡曹濮十州之兵討之以前

鄆州節度使安審暉為副以內客省使李守貞為都

監仍遣供奉官劉彥瑤馳詔以諭金全彥瑤既至金

全麾下齊謙以詔送於淮南雲夢人齊峴斬謙歸其

詔於門六月收復安州

六年十一月襄州節度使安從進一軍叛以西京留

守高行周為南面軍前都部署前同州節度使宋彥

筠為副宣徽南院使張從恩監焉以護聖左第四軍指

揮使安懷浦為行營馬軍都指揮以奉國右第四軍

都指揮使杜希遠為行營步軍都指揮使以護聖左

第四軍都指揮使郭金海為先鋒使東京內作坊使

陳思讓監護焉七年八月平之

十二月三州節度使安重榮稱兵向門乃遣聖奉國

宗順與國威順等馬步軍三十九指揮擊之鄆州節

度使杜威為招討使邢州節度使馬全節為副兼排

陣使前貝州節度使王周為馬步軍都虞侯維州團

練使王令溫為馬軍都指揮使奉國左第二軍都指揮

使程福贇步軍都指揮使護聖右第六軍都指揮使

史文釗為先鋒都指揮使鄴都作坊使翟令奇為先

鋒都監

七年正月斬安
里榮復鎮州

少帝開運元年五月遣侍衛親軍都虞侯李守貞率

步騎二萬討楊光遠於青州以守貞為青州行營都

部署以河陽節度使符彥卿副之

閏十二月
平之

漢高祖即位稱天福十二年是年閏七月新授宋州

節度使杜重威據鄴都叛詔削奪重威官爵貶為庶

人以高行周為行營都部署率兵進討

十一月
重威降

隱帝乾祐二年三月河中節度使李守貞謀叛以陝

州節度使白文珂為河府城下一行都部署四月以

檀州節度使郭從義永興軍一行兵馬都部署時供

奉官時知化王益自鳳翔部署前永興軍節度使趙

贊部下牙兵趙思綰等三百餘人赴闕三月二十四

日行次永興思綰等作亂突入府城據城以叛故命

從義以討之又以侍衛步軍都指揮使尚洪千充行

營都虞侯以客省使王峻為兵馬都監

七月鳳翔節度使王景崇拒命不受代詔新除鳳翔

節度使趙暉充鳳翔行營都部署以討之

八月命樞密使同中書門下平章事郭威赴河中軍

前詔河府永興鳳翔行營諸軍一稟威節制二年七月思緒

守貞平三年正月王景崇平

周太祖廣順元年正月湘陰公劉贇丁元從右都押衙鞏廷美教練使楊溫等據徐州以拒命帝遣新授武寧軍節度使王彥超率兵赴之廷美等遷延不肯開門遂詔進攻仍曉諭城內軍民曰昨以鞏廷美楊溫等不認朝旨妄蓄疑心累令招携明示誠信雖有章奏尚未開門既無果決之心必是疑君之計今以指揮王彥超排此大軍攻討汝等若能誅斬元惡應接官軍上城者若是將較員寮只與超拜官資兼授

刺史百姓卽給厚賞穩便安排但收此絹書以為憑

信三月收復徐州

十月以并寇劉崇犯邊攻圍未解遣樞密使平章事王峻將兵援之

三年正月以兗州慕容彥超反狀已具無以招懷乃命侍衛步軍指揮使曹英為都部署起兵討之仍以齊州防禦使史延超為副皇城使向訓為都監陳州藥元福為行營馬步都虞侯龍捷右廂都指揮使王全斌為行營馬軍都指揮使控鶴都指揮使郭超為行營步軍都指揮使前貝州節度副使梁晉超為行

營馬軍都監前棣州刺史李萼坊州刺史斬霸懷州
刺史李萬超並佐營軍

五年帝赴兗州軍前慰勞是月破之專具帝王親征門

世宗顯德二年七月以鳳翔節度使王景崇兼西面

行營都招討使宣徽南院使鎮安軍節度使向訓兼

西南面行營兵馬都監收秦鳳二州先是晉末契丹

犯關秦州節度使何建以成秦階三州入蜀蜀人又

取鳳州至是秦鳳人戶怨蜀之苛政相次詣關乞舉

王師收復舊地乃有是命

時上言請且罷西師言在功並帝曰秦鳳二州

頃因賊臣叛入西蜀後蜀中朝多事未暇恢復量其土疆且非遐僻及此之地聲教未被朕實有所慙今若無朝廷軍力大難取也道舉備師即期收復卿等所言甚為然無三秦之慮也是年九月秦州降十一

月收復鳳

階成三州

十一月帝謂侍臣曰淮南獨據一方多歷年所外則

結連北虜與我為讐稔惡既深朕不敢赦今將命將

討除與卿等籌之乃以宰臣李穀為淮南道前軍行

營都部署兼知盧壽等州行府事以許州節度使王

彥超副焉又命侍衛馬軍都指揮使韓令坤已下一

十二將各帶征行之號以從焉是月勅淮南管内州

縣軍鎮官吏軍人百姓等朕自纘承基構統御寰瀛

方當恭已臨朝誕修文德豈欲與兵動眾專耀武功

顧茲昏亂之邦須舉弔伐之義蠢爾淮甸敢拒大邦

因唐室之凌遲接廣寇之喪亂飛揚跋扈垂六十年
盜據一方僭稱偽號倖數朝之多事與北虜而交通
厚啟戎心誘爲邊患晉漢之代寰海未寧而乃招納
叛亡芻助凶慝李金全之據安陸李守貞之叛河中
大起師徒來爲應援攻侵高密殺掠吏民迫奪閩越
之封疆塗炭湘潭之士庶以至我朝啟運東魯不庭
發兵而應接慕容觀釁而憑凌徐部沐陽之役曲直
可知尙示包荒猶稽問罪邇後惟楊一境連歲阻饑
我國家念彼災荒大許糴易前後擒獲將士皆遣放
還自來禁戢邊兵不令侵撓我無所負彼實多奸勾
誘契丹至今未已結連兵寇與我爲讐罪惡難名人
神其憤今則推輪命將鳴鼓出師徵浙右之樓船下
朗陵之戈甲東西合勢水陸齊攻吳孫皓之計窮自
當歸命陳叔寶之數盡何處偷生應淮南將士軍人
百姓等久隔朝廷莫聞聲教雖從僞俗應樂華風必
須善擇安危早圖去就如能投戈獻款舉郡來降具
牛酒以犒師奉圭符而請命車服玉帛豈恡旌酬土
地山河誠無愛惜刑賞之令信若丹青苟或執迷寧
免後悔王師所至軍政甚明不犯秋毫有同時兩百
姓父老各務安居剽虜焚燒必令禁止自茲兩地永

為一家凡爾蒸黎當體誠意
五年三月淮南平
事具帝王親征門

冊府元龜

巡按福建監察御史臣李嗣京訂正

知甌寧縣事臣孫以教參閱

知建陽縣事臣黃國琦較釋

帝王部 一百二十四

講武 修武備

講武

夫武者所以威四夷而遏亂略者也古者戎馬車徒
素具因蒐狩以習之皆於農隙以講武焉故周禮有
振旅芟舍治兵大閱之制教坐作進退疾徐旣數之

節是知雖有文德必有武備傳曰三時務農一時講武故征則有威守則有財夫子曰教民七年可以自戎矣又曰以不教民戰是謂棄之蓋虛墮軍實而輕人命也乃知士不素習以其將與敵非虛語也漢儀立秋之日始揚威武魏晉而下歷代因之司馬法曰國雖大好戰必亡天下雖平忘戰必危斯國之大事其可忽諸

周武王講武類禡作桓之詩桓志武也

宣王時能內修政事外攘夷狄復文武之境土修車馬備器械復會諸侯於東都因田獵而選車徒馬

東都

王城也詩人賦車攻以美之

後漢靈帝中平五年十月甲子帝自稱無上將軍耀

兵於平樂

平樂觀在雒陽城西

是時天下滋亂望氣者以為京

師當有大兵兩宮流血大將軍司馬許涼假司馬伍巖說何進曰太公六韜有天子將兵士可以威厭四方進以為然入言之於帝於是乃詔進大發四方兵講武於平樂觀下起大壇上建十二重五采華蓋高十丈壇東北為小壇復建九重華蓋高九丈列步兵騎士數萬人結營為陳天子親出臨軍駐大華蓋下進駐小華蓋下禮畢帝躬擐甲介馬稱無上將軍行

陣三匝而還

魏太祖建安二十一年既為魏王有司奏古四時講武皆於農隙漢承秦制三時不講唯十月都試車馬幸長水南門會五營士為八陳進退名曰乘之今奏革未偃士民素習自今以後無四時講武但以立秋擇吉日大朝車騎號曰治兵上合禮名下承漢制奏可是冬治兵魏王親執金鼓以令進退

文帝初嗣魏王延康元年六月辛亥立秋閱兵于東郊公卿相儀王御華蓋親令金鼓之節

明帝太和元年三月丙寅治兵於東郊

晉武帝泰始元年十一月丁酉臨宣武觀大閱諸軍甲辰乃罷

十年十一月庚午臨宣武觀大閱諸軍

咸寧元年十一月癸亥大閱於宣武觀至于巳巳

三年十一月丙戌臨宣武觀大閱至於壬辰

太康四年十二月庚午大閱于宣武觀

六年十二月甲午大閱于宣武觀旬日而罷自泰始以來帝皆日臨宣武觀大閱衆軍然不自令進退也自惠帝以後禮遂廢

元帝太興四年詔左右衛及諸管教習依大習例作

鴈羽仗

成帝咸和元年十一月壬子大閱於南郊詔內外諸軍戲兵於南郊之場故其地因名鬪場自後藩鎮桓庾諸方伯往往閱習然朝廷無事焉

後魏道武登國六年七月壬午講武於牛川八年七月庚寅臨幸新壇講武

天興二年七月辛酉大閱於鹿苑饗賜各有差

五年六月治兵於東郊將西討姚興

六年五月大簡輿徒將略江淮平荆楊之亂天賜三年四月庚申幸豺山宮占授者作郎王宜弟造兵法

孤虛立成圖三百六十

明元永興二年五月北伐蠕蠕還幸參合陂七月丁巳立馬射臺於陂西仍講武教戰

三年十一月丁未大閱於東郊

四年閏六月丙辰大閱于東郊

五年正月己巳大閱畿內男子十二以上悉集

庚寅大閱於東郊部署將帥以山陽侯奚斤爲前軍衆三萬陽平王熙等十二將各一萬騎帝臨白登躬自較覽焉

太武始光元年九月大簡輿徒治兵于東郊分諸軍

五萬騎將北討蠕蠕

二年十月治兵於西郊

三年七月幸雲中舊宮至和兜山七月築馬射臺於長川帝親登臺觀走馬王公諸國君長馳射中者賜金帛繒絮各有差

四年四月治兵講武將西討赫連昌

七月伐赫連昌築壇於柝嶺戲馬射賜射中者金繒帛絮有差

神麤二年四月治兵于南郊

延和元年五月大簡輿徒于南郊將討馮文通

大延元年五月丁丑治兵于西郊

太平真君四年六月癸巳大閱于西郊

九年九月乙酉練兵于西郊將討蠕蠕

十一年八月癸未練兵于西郊

文成興安二年七月築馬射臺於南郊

九月壬子閱武於南郊

大安四年七月壬子詔曰朕每歲以秋月閒日命群官講武平壤所幸之處必立官壇糜費之功勞損非一宜仍舊貫何必改作也

和平三年十二月乙卯制戰陣之法十有餘條因大

講武
儻耀兵以示威武更爲制令步兵陣於南騎士陣於北各擊鐘鼓以爲節度其步兵所衣青赤黃黑別爲部隊楯稍矛戟相次周迴轉易以相赴就有飛龍騰蛇之變爲函箱魚鱗四門之陳凡十餘法聽起前却莫不應節陣畢南北二軍皆鳴鼓角衆盡大譟各令騎將六人去來挑戰步兵更進退以相拒擊南敗北捷以爲盛觀自後踵以爲常

孝文延興四年八月戊申大閱于南郊

五年十月太上皇帝大閱於北郊

太和五年二月幸中山已酉講武于唐水之陽

三月幸肆州癸亥講武於雲水之陽所經考察守宰加以黜陟

九月庚午閱武於南郊

十六年八月癸酉詔曰夫文武之道自古並行威福之施必出相籍故三五至仁尚有征伐之事夏殷明獻未捨兵甲之行然則天下雖平忘戰者殆不教民戰是謂棄之是以周立司馬之官漢署將軍之職皆所以輔文強武威肅四方者矣國家雖崇文以懷九服修武以寧八荒然於習武之方猶爲未盡今則訓文有典教武闕然將於馬射之前先行講武之式可

勅有司豫修場壇其列陣之儀五戎之數別俟後勅
十七年六月丁巳講武

十八年八月幸陰山閱武臺臨觀講武

十九年正月南伐壬午講武於汝水之西大賚六軍
二十年九月戊辰閱武於小平津

二十二年八月講武於華林園

宣武景明三年九月幸鄴戊寅閱武於鄴南

後周太祖爲西魏柱國大將軍以大統九年十月大
閱於櫟陽

十年冬十月大閱於白水

十一年十月大閱於白水遂西狩岐陽

明帝武成元年三月癸未陳六軍帝親擐甲胄迎太
白於東方

武帝保定二年十月壬戌講武於少陵原

天和二年十月丁亥親率六軍講武于城南京邑觀
者輿馬彌漫數十里諸藩使咸在焉六年十月壬寅
親率六軍講武於城南

建德元年十一月丙午親率六軍講武於城南二年
十一月辛巳親率六軍講武城東集諸軍都督以上
五十人於道會苑大射帝親臨射宮大備軍容

三年六月丁未集諸軍將教以戰陣之法

十一月行幸同州巳巳大閱於城東

十二月癸卯集諸軍講武於臨臯澤

宣帝以宣政元年六月卽位十一月亥講武於道

會苑帝親擐甲胄

隋文帝開皇二年十二月辛未講武于後園

煬帝大業五年四月癸亥出臨津關渡黃河至西平

陳兵講武

唐高祖武德元年十月詔曰安人靜俗文教爲先禁

暴懲凶武略斯重比以喪亂日久黎庶凋殘是用務

本勸分冀在豐贍而人蠹未盡寇盜尙繁欲暢兵威

須加練習今農收已畢殺氣方嚴宜順天時申曜威

武可依別勅大集諸軍朕將躬自循撫親臨較閱五

年十一月丙申幸宜州簡閱將士

八年十一月幸宜州庚子講武於同官縣

九年三月幸昆明池辛卯觀習水戰

太宗以武德九年八月卽位九月丁未引諸衛驍兵

統將等習射于顯德殿庭謂將軍已下曰自古突厥

與中國更有盛衰若軒轅善用兵卽能北逐獯鬻周

宣驅駕方召亦能制勝太原下至漢晉之君洎於隋

代不使兵士素習干戈突厥來侵莫能抗禦致遣中國生民塗炭於寇手我今不使汝等穿池築苑造諸經費農民恣令逸樂兵士唯習弓馬若無賊來我則爲汝博士教汝弓射庶使汝等武藝優長若有賊來我卽爲汝將帥領汝鬪戰亦望使汝前無橫敵於是每日引數百人於殿前教射帝親自臨試每坐或至午時射中者隨賞弓刀布帛絲綿特加其上考

貞觀八年十二月乙卯太宗從高祖閱武於城西高宗顯慶五年三月己酉講武於并州城西帝御龍飛閣引群臣臨觀之左衛大將軍張延師爲左軍左

右及驍武六衛左羽林騎士屬焉左武侯大將軍梁建方爲右軍領武侯六衛右羽林騎士屬焉一鼓而誓衆再鼓而整列三鼓而交前左爲曲直圓銳之陣右爲方銳直圓之陣三挑而五變步退而騎進五合而各復其位許敬宗奏曰延師整而堅建方敢而銳皆良將也李勣曰甲冑精新將士齊力觀之者猶震恐况當其事乎帝曰講閱者安不忘危之道也梁朝衣冠甚盛人物亦多侯景以數千渡江一朝瓦解武不可驢兵不可棄此之謂也

麟德二年四月丙寅講武於邛山之陽帝御城北門

樓以觀之

玄宗先天二年十月癸亥親講武於驪山之下徵兵二十萬旌旗連亘五十餘里戈鋌金甲照曜天地列大陣於長川坐作進退以金鼓之聲節之三軍出入號令如一帝親擐戎服持沉香大鎗立於陣前威振宇宙長安士庶奔走縱觀填塞道路兵部尚書郭元振以虧失軍容坐于纛下將斬之宰相劉幽求張說跪於馬前諫曰元振翊戴上皇有大功於國雖犯軍令不可加刑伏願寬宥以從人望帝乃捨之配流新州給事中知禮儀事唐紹以草軍儀有失坐于纛下

斬之禮畢乃下制曰傳不云乎兵之設久矣所以威不軌而昭文德聖人以興亂人以廢皆兵之繇也故文事必有武備曜德在於觀兵所以外清蠻貊內輯華夏其經濟之致歟自有隋失道三靈改卜我唐受命百姓與能四罪而天下服一戎而天下定航海梯山罔不率俾休牛歸馬永不復用德貸羣物刑清百年然而制軍爲旅先王分職在祀與戎前史垂訓則未學也孰可棄之往以韋氏構逆兇魁作禍則我之宗祀危如綴旒故斬長蛇截封豨戮梟鏡掃撓捨使武之不修則兆人何又朕以薄德皆奉聖謨濟邦家之

多難畏君父之嚴旨自撫茲億兆若臨淵谷雖重譯
 雲歸和親日至遂五兵之不教慮七德之未康今蓋
 玄冬戒時農事爰隙驪山之下鴻門在望橫層阜以
 南屬耿長川而北流嚴霜初隕疾風始至以時而命
 羣師得地以講武功料其勝負詳其進退以振國威
 用蒐軍實故披堅執銳干戈有容練卒陳師金鼓有
 節上應於天也下順於人也三光之靈可接五行之
 德斯用將孫吳不遠頗牧同時非熊所期怒蛙知勸
 布三令調九章且閱宣場之儀若觀莘墟之禮情兼
 慰賞義弘寵錫惟此畿甸比經水旱總集士馬頗有

煩勞中念元元更資勤恤其講武使各賜物一百段
 將軍各八十段中郎將各六十段郎將及左右軍長
 史各四十段折衝果毅各三十段押官六品以下各
 二十段新豐百姓宜免來年地稅置頓使賜物一百
 段綠頰踏踐麥苗給米酬直時帝既怒唐紹左右猶
 望寬之會有金吾衛將
軍李邈遽請宣勅遂命斬之時人皆痛惜紹而
 深咎於邈等尋有制罷邈官以是遂廢終身
 肅宗至德二年八月帝在鳳翔癸巳六軍大閱帝御
 府城樓觀軍陣之容

三年正月庚寅於會元殿陳兵大閱帝御樓鸞閣觀
 之

代宗寶應元年九月壬寅大閱兵馬于明鳳門街
後唐明宗天成二年十月癸未御興教門觀兵自卯
至午隊伍方絕

晉高祖天福二年十月勅習戰講武歷代通規選士
練兵其來舊制宜以每年農隙時講武仍准令式處
分

六年十二月帝習射於後苑諸軍都督指揮使已上
悉預焉

少帝開運二年二月帝次滑州丙子大閱諸軍於成
城帝親臨之

修武備

周官大司馬之職制軍詰禁以糾邦國仲尼曰有文
事者必有武備蓋五材竝用孰能去兵天下雖寧不
可忘戰自大道之隱爭心孔熾必賴兵力以寧禍亂
期以庇民而靖國保世而永命者也漢氏而下莫不
內嚴師兵之營衛外固溝池之垣翰簡閱以供時使
屯戍以防外虞益繕戎噐增治戰具申之命令優其
募格誕揚武烈以貞師律稽古前訓以成善志固足
以壯中權而威不軌震天聲而聳殊俗者矣傳所謂
備豫不虞古之善教者也其可忽諸

漢高祖二年令諸侯子在關中者皆集櫟陽為衛天下既定又踵秦置材官於郡國京師有南北軍之屯

六年十月令天下縣邑城縣之與邑皆令築城

武帝建元三年初置期門平帝元始中更名虎賁郎

太初元年初置建章營騎後更名羽林以天有羽林之星故取名焉又取從軍死事之子孫養羽林官教以五兵號曰羽林孤兒

二年五月藉吏民馬補車騎馬平百粵內增七較中壘

屯騎步兵越騎長水胡騎射聲虎賁凡八較尉胡騎不嘗置故此言七也外有樓船歲時

講肄修武備云

後漢光武中興海內人民可得而數裁十二三蕭條

靡有孑遺鄣塞破壞亭燧絕滅建武二十一年始

中郎將馬援調者分築烽候保壁稍興立郡縣十餘

萬戶或空置太守令長招還流民帝笑曰今邊無人

而設長吏治之難如春秋素王矣乃建立三營屯田

廩穀弛刑謫徒以充實之也

安帝建光元年初置漁陽營兵伏侯古今注曰置營兵千人也

靈帝中平元年張角反詔公卿出馬弩

五年初置西園八較尉小黃門蹇碩為上軍較尉賁中郎將袁紹為中軍較尉

屯騎較尉鮑鴻為下軍較尉議郎曹操為典軍較尉趙融為助軍左較尉馬芳為助軍右較尉諫議大夫

帝王部

夏年為左較尉淳于瓊為右較尉
凡八人謂之西園軍皆統於碩

魏太祖初為曹公以漢建安十三年正月還鄴作
武池以肄舟師

十四年曹公至譙作舟治水軍

文帝黃初中詔曰昔軒轅建四面之號周武稱予有
亂臣十人斯蓋先聖所以體國君民亮成天工多賢
為貴也今內有公卿以鎮京師外設牧伯以監四方
至於元戎出征則軍中宜有柱石之賢帥輜重所在
又宜有鎮守之重臣然後車駕可以周行天下無內
外之慮吾今當征賊欲守之積年其以尚書令賴鄉

侯陳羣為鎮軍大將軍尚書僕射西鄉侯司馬懿為
撫軍大將軍若吾臨江授諸將方略則撫軍當留許
昌督後諸軍錄後臺文書事鎮軍隨車駕當董督眾
軍錄行尚書事皆假節鼓吹給中軍兵騎六百人吾
欲去江數里築宮室往來其中見賊可擊之形便出
奇兵擊之若或未可則當舒六軍以遊獵饗賜軍士
明帝景初元年詔青兗幽冀四州大作海船

晉惠帝元康五年十二月丙戌新作武庫大調兵器
後魏道武天興元年二月更選屯衛

五年正月帝聞姚興寇邊庚寅大簡輿徒詔并州諸

軍積穀于平陽之乾壁

天賜元年五月置山東諸治發州郡徒謫造兵甲

明元永興五年春正月己巳大閱畿內男子十二以上悉集

大武神麿三年帝聞宋將寇遼乃詔冀定相三州造三千艘簡幽州已南戍兵集于河以備之

延和元年五月車駕將討馮文通七月庚申遣安東將軍奚斤發幽州民及密雲丁零萬餘人運攻具出南道

太平真君六年八月詔發天下兵三取一各當戒嚴以須後命

九年九月乙酉練兵于郊

孝文承明元年六月甲子詔中外戒嚴分京師見兵爲三等第一軍出遣第二兵二等兵亦如之

太和元年十月宋葭蘆戍主楊文度遣弟鼠據仇池詔皮喜討平之又詔喜等曰卿受命專征命薄伐邊寇軍威所及卽皆平蕩仇池國之要蕃防守尤須完實從前以來駱谷置鎮是以奸賊息闕關之心邊城無危敗之禍近繇徙就建安致有往年之役卿等表求築城豈不更勞兵將孰若因今兵勢卽令就之一

勞未逸事不再舉也今更給軍糧一月速於駱谷築城使四月盡必成就訖若不時營築及築之不成成而不固以軍法從事

十九年八月乙巳詔選天下武勇之士五萬人為羽林虎賁以充宿衛

十月詔徐兗光南青荆雒六州嚴募戍備應須赴集二十年十月戊戌以代遷之士皆為羽林虎賁

宣武景明元年十月詔壽春置兵四萬人四年六月發冀定瀛湘并濟六州二萬人馬千匹增

配壽春

永平二年二月詔曰比軍役頻興仗多毀敗在庫戎器見有無幾安不忘危古人所戒五兵之器事須充積經造既殷非衆莫舉今可量造四萬人雜仗

延昌二年五月壽春大水遣平東將軍奚康生等步騎數千赴之

三年十二月出師伐蜀詔中護軍元遙為征南將軍東道都督鎮遏梁楚

孝莊建義元年六月詔直寢紀業持節募新免收戶有投名效力者授九品官

永安三年爾朱世隆等攻京邑詔諸舊代人赴華林

園帝將親簡敎以撫軍金紫光祿大夫高乾邕侍中
為河北大使招集驍勇是年五月詔募士征葛榮
前廢帝普泰元年三月巳卯詔右衛將軍賀拔勝并
尚書一人募伎作及雜戶從征者正入出身皆授實
官有私馬者優一大階

後周武帝天和元年七月築武功郿斜谷武都留谷
津坑諸城以置軍人

建德三年十二月詔荆襄安延夏五州總管內有能
率募衆軍者授官各有差
四年初置營軍器監

隋文帝潛有吞陳之志轉朔州總管吐萬緒為徐州
總管令修戰具

唐高祖武德二年七月壬申詔曰天生五材司牧資
其器用武有七德撥亂所以定功故黃帝垂衣尙有
阪泉之戰放勳光宅猶稱丹浦之師禁暴安人率繇
茲道創業垂統莫此為先是以周置六軍每習蒐狩
漢增八較畢選驍雄故能化行九有威震百蠻姦宄
不萌虔劉息志自季葉凌替軍政湮亡卒列不修旌
旗雜伍符籍之內空有調發之名逗撓之間竟無討
襲之用遂使戎狄放命盜賊交侵戰爭多虞黔黎殄

喪朕受天明命撫育萬方爰自義師克成帝業至如
超乘之士莫匪百金穀騎之才豈唯七萃今雖關塞
寧謐荒裔肅清伊維猶蕪江湖尙梗役車未息戎馬
載馳武備之方尤宜精練所以各因部較序其統屬
改授鉦鼓創造徽章取象天官定其名號庶使前矛
後勁類別區分玉帳絳宮刑德允備蹈茲湯火譬彼
椒蘭大定戎衣止戈斯在於是置十二軍分關內諸
府以隸焉萬年道爲參旗軍長安道爲鼓旗軍富平
道爲玄戈軍醴泉道爲井鉞軍同州道爲羽林軍華
州道爲騎官軍寧州道爲折威軍岐州道爲平道軍
幽州道爲招搖軍麟州道爲苑游軍涇州道爲天紀
軍宜州道爲天節軍時帝以天下未定實資武力將
舉關中之衆以臨四方故興此制也每軍一人副一
人取威名素重者爲之督以耕戰之務自是士馬精
強無敵於天下矣

高宗儀鳳三年正月遣左金吾衛將軍曹懷舜金吾
將軍李知十分往河南北道以募猛士

玄宗先天二年正月睿宗誥曰往者皇運伊始戎政
肇修兩置軍旅初分府衛計戶充兵纔足周事遂使
二十一人入募六十出軍旣憚劬勞咸規避匿不有

整革將何置理其天下衛士取年二十五以上者充十五年卽放出頻經征鎮者十年放出自今已後羽林飛騎並於衛中簡補又勅河北諸州加團練兵令州刺史押當

開元二年八月辛巳上以河隴之故命有司大募壯勇士從軍旣募引見置酒於朝堂享之詔曰朕光宅四海撫御百蠻屬疆場未寧軍國多費每欲指揮方略親率軍師故召募爾等擬從朕行知爾等材力冠羣藝能拔萃但以不教人戰豈知金鼓之聲授以兵律方辯干戈之勢所以且遣薛訥等於隴右防禦使

令教習爾等旣練韜鈴須明隊伍使投石拔劍以厲威鋒裹糧坐甲待清逋寇若能因機立效遇敵邀勳酌以官榮必超格例然後陪朕輿駕從戎塞垣俾爾先驅敬聽後命今宴勞爾等并賜錢三千貫可節級領取卽宜好去十月薛訥克吐蕃帝遂停親征詔曰比來緣邊鎮軍每年更代兵不識將將不識兵豈有緣路疲人蓋是以卒與敵其以西北軍鎮宜加兵數先以側近兵人充並精加簡擇其有勞考等色所司具以條例奏聞戰兵別簡爲隊伍專令教練不得輒有使役仍令兵部侍郎裴璿太常少卿姜晦往軍州

計會便簡支配有見集後軍兵宜令兵部侍郎韋抗紫微舍人王珽卽簡擇以聞

八年八月詔曰國家偃武教修文德百年于茲矣自運屬清平人忘爭戰俎豆之事嘗聞之矣軍戎之禮我所未暇且五材竝用誰能去兵四方雖安不可忘戰故周禮以軍禁糾邦國以蒐狩習戎旅不教人戰是謂棄之宜差使於兩京及諸州且揀取十萬人務求灼然驍勇不須限以蕃漢皆放蕃役差科唯令圍伍教練辨其旗物簡其車徒習攻取進退之方陳威儀貴賤之等俾夫少長有禮疾徐有節將以伐叛懷

服將以保大定功叶于師貞以弘武備應須集期及有蠲免所司明爲條制別作優異法奏聞仍勅幽州刺史邵寵於幽易兩州選二萬灼然驍勇者充幽州經略軍健兒不得雜使租庸資課竝放免

十一年四月勅曰王者之師有征無戰將以懷柔服叛非欲黷武窮兵犯令凌政則杜之賊賢害人則伐之維其封疆辨其旗物此皆夏官之政也咨爾兵部尙書同中書門下三品朔方軍節度大使上柱國中

山郡開國公王峻寅亮天地弼予一人頻總元戎克

濟河朔師徒效力武威遠振遺疇懷仁以思順殊類

望聲而款服勲載王室朕甚嘉焉蓋六月出車周美
仲甫古訓是式俾修我戎宜以來月巡朔方兼往河
西隴右河東河北等諸軍簡較兵馬點閱器械各與
所管節度處置務令得所備預之道其在茲乎
十一月詔曰同華兩州精兵所出地資輦轂不合外
吏自今已後更不得取同華人充兵防又勅宜於京
兆蒲同岐華等州府兵內及白丁中簡一十二萬人
各爲長從宿衛准五尺八例一年兩蕃州縣不得更
議雜驅使仍令尙書左丞蕭嵩與本州官長同揀擇
以聞

二十五年五月癸未詔曰自天下一統方隅底平交
趾西界於庸岷流沙東泊於遼碣烽亭旣廣徭戍轉
增朕永念征夫無忘盱食是用懷柔憬俗賓禮戎臣
降子女以適其氈裘捐繒玉以申其惠好二十五年
于茲矣而情周萬寓信結群蠻羗狄爲父子之邦旣
貊成冠帶之國海內無事邊方底寧加以志道而一
理得清心而庶務簡和氣來應穰歲以臻羣生樂業
而自怡有司措刑而不用今欲小康戎旅大致昇平
減停征徭與人休息諸方將相三事公卿宜協朕心
勉成良筭宜令中書門下與諸道節度使各量軍餉

閑劇審利害計兵防健兒等作定額委節度使放諸
色征行人內及客戶中召募取丁壯情願充健兒長
任邊軍者每歲加於常例給田地屋宅務加優恤使
得存濟每年逐季本使具數報中書門下至年終一
時錄奏長駕遠馭事藉經久無害始慮之謀以規苟
且之利

天寶十四年正月詔河南置白亭管軍武士健兒五
千人馬一千匹

代宗大曆二年正月詔潼關置鎮兵三千人四年正
月遣內侍魚朝恩使于鳳翔之麟遊縣置

七年正月丙辰詔諸道軍數每年秋末冬首一申春
夏不須申其官健逃亡非承正制勅不得輒召募
德宗貞元三年七月庚辰遣決勝軍使唐良臣以其
衆六百人自咸陽戍潘原堡神策副將蘇太平率其
衆五百人戍隴州

八月以宣武行營兵馬使簡較禮部尙書劉昌爲本
軍京西行營節度使初昌衆憚戍靈臺剽三原後各
欲散歸昌招撫之乃定因加昌以董之改戍麟遊

憲宗元和四年四月中書敘錄諸道將士總八十八
萬五千人舉大數其邊遠未至者亦有焉

八年十月普潤鎮兵四千人割屬涇原節度使

九年三月乙亥賜振武軍弓甲三百馱

七月甲戌命淮南浙西浙東江西荆南造甲以進仍付之樣

八月乙亥朔丙子以戎械賜宥州

十年五月詔修宥州城

十二月以馬三百匹及軍器給徐州軍又以馬三百匹給汝州行營

十一年九月丁卯桂州防禦使奏准詔以兵五百戍邕州丙戌以樓煩監馬一百五十五匹給昭義軍

十二月癸卯以振武征馬二百匹給義武軍是月方討吳元濟丙辰以襄州兵三千會于唐州

十二年正月辛酉河東節度使張弘靖奏准詔置子弟兵三千

三月義武軍節度使陳楚新置子弟義軍一萬請衣及賜可之

敬宗寶曆二年九月出內庫錢一萬貫令內園召募力士

文宗太和二年七月內出弓箭及刀三千四百隻口令度支差人送銀州防禦營田

五年五月內出陌刀一百五十口馬甲一百領器械
一百萬斫刺刀一百口賜鹽州

九年十一月汝州奏頃年河北用兵東都慮有寇盜
以當州將士二百人權隸東都留守府今請却屬本
州可之

宣宗大中五年五月勅如聞諸道軍將及官徒等近
日所在將帥多務因循當召募之時已不選擇及收
補之後曾莫教招遂使名在戎行少能知其弓矢職
居列較罕見識于韜鈴緩急忽有徵差便取見在應
數惟憂就役豈暇圖功虛費資糧莫尅讐敵爲弊頗

久須有舉明自今已後委諸道觀察節度都防禦團
練經略等使每道慎擇會兵法及能弓馬解槍弩及
筒射等軍將兩人充教練使每年至合教習時分番
各以本藝閱試其間或有伎藝超異者量加優賞仍
作等第節級與進改職各每至年終都具所教習馬
步及各執所藝人數申兵部及中書門下仍委兵部
簡勘都開件聞奏所與各盡伎能自成勁銳其支郡
有兵處亦委本道點簡訓練准詔處分

僖宗光啟元年三月詔曰政在有經動惟可久事能
師古安則易持今者初復舊京須申定制大漢之術

兼王霸先儒之權有弛張重舉綱條且務輯睦未遑
改作尤貴適時夫萬乘抗威四方從令雖資強幹是
切安人迎駕諸軍都士等扈從經年鄉闕積念永言
忠力合假恩優節級議功爵秩無恡其情願住京邑
者便充填兩軍欲歸本道者卽仰所司各與公牒到
本道後遞加糧賜別立名額給復終身如諸都中人
數稍多優賞未徧卽令所司計其積欠指揮某郡某
縣或各逐將較任去處上供財賦令自差人請領神
策軍自經亂離久未訓整孤兒漸散壯騎多亡羽林
之垂象空存天陣而疾雷不震雖言無戰豈忘有虞
宜委中書門下與本軍商量案舊籍裁減元數惟務
撫實仍令三司資助各修營壘貴使繕完又金吾諸
衛等城禁日嚴檄巡務切須令集事不可闕人亦宜
條錄修補

四月以從駕五十四都分爲十軍

昭宗天復三年五月宰臣崔裔奏募置左右軍士共
六千六百人從之

後唐末帝清泰二年正月詔諸州府本處牢城防禦
兵士都將內人數不足團併或闕稍多量許招添其
就糧禁軍內本指揮將較選偉壯長於武藝者據人

數差節級部送京師

三年七月置水軍五都以董思鐸馬暉何溫安韜史希儼爲指揮使尹居璠爲都指揮起鄴城先是范延光進軍攻城以濠水濶溺兵士故立此軍

八月詔應州起兵戍茹越口詔欣州堽石嶺關左右道路

晉高祖天福三年五月昭義奏舊有銅鞮等五縣收拾到甲仗兵共六千七十副已勒作院添修旋送軍前次始帝建義自晉入雒趙德鈞兵敗奔至上黨故有此遺棄戈甲至是再令繕補齎往鄴下

少帝以天福七年卽位九年勅天下鳩集鄉兵徧民七戶共資一卒兵仗器具均以出之

開運元年八月將作使周仁美獻三接雲梯懸空橋梁高三百餘尺遣使送青州行府

周太祖廣順元年四月河中言送器械至隰州付汾州刺史王繼勳太祖收河中得繼勳聶遇皆西北山賊之魁時劉崇侵撓乃用聶遇爲石州刺史繼勳爲汾州刺史各就險阻設虎落爲行州招收賊寇禦邊患焉

五月戊子河陽李暉言奉詔置水軍五百詔諸州於

州兵內選勇壯并家屬赴京師

十月以寇侵軼平陽遣中使分押虎捷兵士赴河陽
陝州守禦

三年六月遣中使修懷州城池

世宗顯德元年十月謂侍臣曰侍衛兵士累朝已來
老少相半強懦不分蓋徇人情不能選練今春於高
平與劉崇及蕃軍相遇臨敵有指揮不前者苟非朕
親當堅陳幾至喪敗况百戶農夫未能贍得一甲士
且兵在精不在衆今已令一一點選精銳者昇在上
羣法弱者任從安便庶期可用又不虛費也侍臣咸
曰若非陛下天縱睿謀無以有此英斷先是自用兵
已來勲武得志至於偏裨之間鮮舉雄勇率以親舊
互用而有懦怯不能自奮者其行伍可知矣上案兵
於高平觀其退縮慨然有懲革之意

四年二月帝再征淮南令右驍衛大將軍王環率舟
師數千以從焉先是帝用師於壽春城下觀吳人銳
於水戰時我舟師未備無以制之帝憤激及還京遂
於京城西汴河之浚造戰船數百艘及成又命於降
卒中選木工數百與我師同習水戰數月之後縱橫
出沒殆勝於吳師矣至是命環董之俾自蔡河南入

手賴以泝淮上馬

三月甲午詔發近縣丁夫數千人鎮淮軍有三城夾淮相對仍令徙下蔡浮橋維於其間

五年三月巳酉命右神武統軍宋延渥帥舟師三千泝江而上以江北初定巡警故也

五月壬午賜淮南行營招收馬步軍軍號馬軍曰雄健步軍曰武健

冊府元龜

冊府元龜

巡按福建監察御史臣李嗣京 訂正

新建縣舉人 臣戴國士參閱

知建陽縣事 臣黃國琦較釋

帝王部 一百二十五

料敵

夫王者之兵先勝而後戰蓋夫慮敵而動見可而進斯謂出奇無窮伐謀爲上者也眇觀載籍三代而下撥亂經綸之後仗義征伐之君何嘗不制勝於廟堂之中決幾於萌朕之表沉謀秘略先天奪人臨事

敵望表知裏用能救元元之命定天下之業夷兇靖
難令聞長世自非英識內蘊雄威兼厲洞察情偽練
達戎昭智慮造乎精微規摹極於宏遠又曷能臻此
哉

漢高祖初爲漢王二年四月西過梁地至虞謂謁者
隨何曰公能說九江王布使奉兵畔楚項王必留擊
之得留數月吾取天下必矣隨何往說布果使畔楚
八月遣酈食其說魏王豹豹不聽乃以韓信爲左丞
相與曹參灌嬰俱擊魏食其還漢王問魏大將誰也
酈曰柏直王曰是口尚乳臭不能當韓信騎將誰也

曰馮敬曰是秦將馮無擇子也雖賢不能當灌嬰步
卒將誰也曰項它曰不能當曹參吾無患矣

武帝元狩四年匈奴入右北平定襄殺略漢千餘人

其明年帝與諸將議曰翁侯趙信爲單于畫計常以

爲漢兵不能度幕輕留

言輕易漢君故留而不去也
一日謂漢兵不能輕入而久

留也今大發卒其勢必得所欲帝令大將軍青驃騎將

軍去病出塞大斬首虜

後漢光武建武四年賊帥劉永將董憲時在郟其將
賁休舉蘭陵城降憲聞之自郟圍休時蓋延及龐萌
在楚請往救之帝勅曰可直往擣郟則蘭陵必自解

延等以賁休城危遂先赴之憲逆戰而陽敗延等遂退逐因拔圍入城明日憲大出兵合圍延等懼遽出突走因往攻郟帝讓之曰間欲先赴郟者以其不意故耳今既奔走賊計已立圍豈可解乎延等至郟果不克而董憲遂拔蘭陵殺賁休

吳漢征公孫述攻拔廣都遣輕騎燒成都市橋武陽以東諸小城皆降帝戒漢曰成都十餘萬衆不可輕也但堅據廣都待其來攻勿與爭鋒若不敢來公轉營迫之須其力疲乃可擊也漢乘利遂自將步騎二萬餘人進逼成都去城十餘里阻江北爲營作浮橋使副將武威將軍劉尚將萬餘人屯於江南相去二十餘里帝聞大驚讓漢曰比勅公千條萬端何意公臨事勃亂既輕敵深入又與尚別營事有緩急不復相及賊若出兵綴公以大衆攻尚尚破公卽敗矣幸無它者卽引兵還廣都詔書未到述果使其將謝豐袁吉將衆十餘萬分爲二十餘營竝出攻漢使別將萬餘人劫劉尚使不得相救漢與大戰一日兵敗走入壁豐因圍之

隗囂據天水帝命將征之帝聞得略陽甚悅左右惟帝數破大敵今得小城何足以喜然帝以略陽囂所

依阻心腹已壞則制其支體也

朱浮爲幽州牧時彭寵反攻浮涿郡太守張豐亦反浮以爲天子必自將兵討之而但遣鄧隆助浮浮以爲帝怠於敵不能救之乃上疏詔報曰往年赤眉賊虜長安吾策其無穀必東果來歸降今度此反虜勢無久全其中必有內相斬者今軍資未充故須後麥耳後豐寵竝自敗

初彭寵攻朱浮於薊帝使游擊將軍鄧隆救薊隆軍路南浮軍雍故遣吏秦狀帝讀激怒謂使吏曰營相去百里其勢豈可得相及比若還北軍必敗矣寵果盛兵臨河以拒隆又別發輕騎三千襲其後大破隆軍浮遠遂不能救引而去

鄧禹遣馮愔宗歆守桐邑二人爭權相攻愔遂殺歆因反擊禹禹遣使以聞帝帝問使人情所親愛爲誰對曰護軍黃防帝度愔防不能久和勢必相忤因報禹曰縛馮愔者必黃防也乃遣尙書宗廣持節降之後月餘防果執愔將其衆歸罪

魏太祖時田豐爲袁紹別駕逢紀憚其亮直數讒之於紹紹於是有害豐之意後太祖聞豐不從戎喜曰紹必敗矣及紹奔遁復曰向使紹用其別駕計尙未可知也

文帝黃初二年鎮西將軍曹真命衆將及州郡兵討破叛胡治元多盧水封賞等斬首五萬餘級獲生人

十萬羊一百一十一萬口牛八萬河西遂平帝初聞胡決水灌顯美謂左右諸將曰昔隗囂灌略陽而光武因其疲弊進兵滅之今胡決水灌顯美其事正相似破胡事今至不久旬日破胡告檄到帝大笑曰吾策之於帷幕之內諸將奮擊於萬里之外其相應若合符契前後克獲虜未有如此也

三年孫權破劉備於夷陵初帝聞備兵東下與權交戰樹柵連營七百餘里謂群臣曰備不曉兵豈有七百里營可以拒敵者乎苞原隰險阻而爲軍者爲敵所擒此兵忌也孫權上事今至矣後七日破備書到

明帝初卽位黃初七年八月孫權攻江夏郡太守文聘堅守朝議欲發兵救之帝曰權習水戰所以敢下船陸攻者幾掩不備也今已與聘相持夫攻守勢倍終不敢久也先時遣治書侍御史荀禹慰勞邊方禹到於江夏發所經縣兵及所從步騎千人乘山舉火權退走之

太和二年正月蜀大將諸葛亮攻邊天水南安安定三郡叛應亮是時朝臣未知計所出帝曰亮阻山爲固今者自來旣合兵書致人之術且亮貪三郡知進而不知退今因此時破亮必也乃部勒兵馬步騎五

萬拒亮遣大將曹真都督關右竝進兵右將軍張郃擊亮於街亭大破之亮敗走三郡平

五年三月蜀將諸葛亮攻天水詔司馬宣王拒之初亮出議者以爲亮軍無輜重糧必不繼不擊自破無爲勞兵或欲自芟上邽左右生麥以奪軍食帝皆不從前後遣兵增宣王軍又勅使護麥宣王與亮相持賴得此麥以爲軍糧

青龍元年六月保塞鮮卑大人步度根與叛鮮卑大人軻比能私通并州刺史畢軌表輒出軍以外威比能內鎮步度根帝省表曰步度根已爲比能所誘有自疑心今軌出軍適使二部驚合爲一何所威鎮乎促勅軌已出軍者慎勿越塞過句注也比詔書到軌已進軍屯陰館遣將軍蘇尚董弼追鮮卑比能遣子將千餘騎迎步度根部落與尚弼相遇戰於樓煩二將沒步度根部落皆叛出塞與比能合寇邊驍騎將軍秦朗將中軍討之虜乃走漠北

二年四月諸葛亮出斜谷屯渭南司馬宣王率諸軍拒之詔宣王但堅壁拒守以挫其鋒彼進不得志退無與戰久停則糧盡虜略無所獲則必走走而追之以逸待勞全勝之道也

景初二年正月帝議遣司馬宣王討公孫淵發卒四萬人議臣皆以爲四萬兵多役費難供帝曰四千里征伐雖云用奇亦當任力不可稍計役費遂以四萬人行及宣王至遼東霖雨不得晴故羣臣或以爲淵未可卒破宜詔宣王還帝曰司馬懿臨危制變擒淵可計日待也卒皆如所策

九月蜀陰平太守廖惇反攻守善羗侯巖葦營雍州刺史郭淮遣魏廣太守王贊南安太守遊奕將兵討惇淮上書贊奕等分兵夾山東西圍雒賊表破在旦夕帝曰兵法惡離促詔淮勅奕諸別營非要處者還令據便地詔勅未到奕軍爲惇所破贊爲流矢所中死

晉宣帝初爲魏國軍司馬時蜀將關羽圍曹仁於樊于禁等七軍皆沒而仁圍甚急是時漢帝都許昌魏武以爲近敵欲徙河北帝諫曰禁爲水所沒非戰守之所失於國家大計未有所損而便遷都旣示敵以弱又淮沔之人大不安矣孫權劉備外親內疎關羽之得意權所不願也可喻權使令倚其後則樊圍自解魏武從之權果遣將呂蒙西襲公安拔之羽遂爲蒙所獲明帝卽位以帝爲魏驃騎將軍明帝問吳蜀

二虜宜討何者爲先對曰吳以中國不習水戰故敢散居東關凡攻敵必扼其喉而椿其心夏口東關敵之心喉若爲六軍以向皖城引權東下爲水戰軍向夏口乘其虛而擊之此神兵從天而墮破之必矣天子竝然之魏太和四年蜀諸葛亮入攻帝爲驃騎大將軍破亮于祁山鹵城時軍師杜襲督軍薛悌皆言明年麥熟亮必來攻隴右無穀宜及冬豫運帝曰亮再出祁山一攻陳倉挫衄而反縱其後出不復攻城當求野戰必在隴東不在西也亮每以糧少爲恨歸必積穀以吾料之非三稔不能動矣又諸葛亮使至

帝問曰諸葛公起居何如食可幾米對曰三四升次問政事曰二十罰已上皆自省覽帝旣而告人曰諸葛孔明其能久乎竟如其言正始三年吳將諸葛恪屯皖邊鄙若之帝爲太傅督諸軍南征時帝欲自擊恪議者多以賊據堅城積穀欲引致官兵今懸軍遠攻其救必至進退不易未見其便帝曰賊之所長者水也今攻城以觀其變若用其所長棄城奔走此爲妙勝也若敢固守湖水冬淺船不得行勢必棄水相救繇其所短亦吾利也帝軍次于舒恪焚燒積聚棄城而遁五年大將軍曹爽伐蜀帝謂夏侯玄曰春秋

責大德重昔武皇帝再入漢中幾至大敗君所知也
今興平路勢至險蜀已先據若進不獲戰退見微絕
覆軍必矣將何以任其責玄懼言於曹爽引軍退費
禕進兵據三嶺以截爽爽爭嶮苦戰僅乃得過所發
牛馬運轉者死失略盡羌胡怨嘆而關右悉虛耗矣
景初二年遼東太守公孫淵反時帝爲太尉都督雍
州徵帝詣京師天子曰此不足以勞君事欲必克故
以相煩耳君度其作何計對曰棄城預走上計也據
遼水以拒大軍次計也坐守襄平此成禽耳天子曰
其計將安出對曰惟明者能深度彼已預有所棄此
非其所及也今懸軍遠征將謂不能持久必先距遼
水而後守此中下計也天子曰往還幾何對曰往百
日還百日攻百日以六十日爲休息一年足矣
文帝魏正始中爲散騎常侍大將軍曹爽之伐蜀也
以帝爲征蜀將軍副夏侯玄出駱谷次于興勢蜀將
王林夜襲文王營文王堅卧不動林退帝謂玄曰費
禕以據險拒守進不得戰攻之不可宜亟旋軍以爲
後圖爽等引旋禕果馳兵趣三嶺爭險乃得過
嘉平四年爲安東將軍蜀將姜維攻隴右揚聲欲攻
狄道以帝行征西將軍次長安雍州刺史陳泰欲先

敵據狄道帝曰姜維攻羗收其盾任聚穀作邸閣訖而復轉行至此正欲了塞外諸羗爲後年之資耳若實向狄道安肯宣露令人知今揚聲言出此欲歸也維果燒營而去甘露二年楊州刺史諸葛誕反帝以大將軍討於淮南進軍丘頭吳使文欽唐咨全端等來救誕諸將逆擊不能禦吳將朱異帥輕兵至藜漿異爲石苞周泰所擊敗走吳人殺異帝曰異不得至壽春非其罪也而吳人殺之適以壽春而堅誕意使其猶望救耳若其不爾彼當突圍決一旦之命或謂大軍不能久省食減口冀有他變料賊之情不出此三者今當多方以亂之備其越逸此勝計也因命合圍分遣羸疾就穀淮北廩軍士大豆五三升欽聞之果喜帝愈羸形以示之多縱反間揚言吳救方至誕等益寬恣食俄而城中乏糧石苞王基并請攻之帝曰誕之逆謀非一朝一夕也聚糧完守外結吳人自謂足據淮南欽旣同惡相濟必不便走今若急攻之損遊軍之力外寇卒至表裏受敵此危道也今三叛相聚於孤城之中天其或者將使同戮吾當以長策縻之但堅守三面若賊陸道而來軍糧必少吾以遊兵輕騎絕其轉輸可不戰而破外賊外賊破欽等必

成擒矣

後魏道武皇始元年討慕容寶進運中山引騎圍之
帝謂諸將曰朕量寶不能出戰必當憑城自守偷延
日月急攻則傷士久守則費糧不如先平鄴信都然
後還取中山於計爲便若移軍遠去寶必散衆求食
民間如此則人必離阻攻之易尅諸將稱善宣武時
任城王澄爲鎮南大將軍伐梁將攻鍾離詔曰鍾離
若食盡三月已前固有可尅如至四月淮水泛長舟
行無礙宜善量之前事捷也此實將軍經略勲有常
焉如以水盛難圖亦可爲萬全之計不宜昧利無成
以貽後悔梁冠軍將軍張惠紹遊擊將軍殷暹驍騎
將軍趙景悅龍驤將軍張景仁等率衆五千送糧鍾
離澄統軍王足劉思祖等邀擊惠紹等大破之獲惠
紹殷暹景仁及其屯騎較史文淵等軍王已上二十
七人旣而遇雨淮水暴長引歸壽春還旣狼狽失兵
四千餘人頗表解州帝不許有司奏軍還失路奪其
開府又降三階

後周太祖初爲後魏尙書僕射闕西大行臺時魏帝
方圖齊神武太祖乃傳檄方鎮謂諸將曰高歡雖智
不足而詐有餘今聲言欲西其意在入雒吾欲令寇

雜率馬步萬餘自涇州東引王羆率甲士一萬先據華州歡若西來王羆足得抗拒如其入雜寇雜卽襲汾晉吾便速駕直赴京邑使其進有內顧之憂退有被躡之勢一舉大定此爲上策衆咸稱善

永熙二年七月太祖率衆發自高平前軍至於弘農而齊神武稍逼京邑魏帝親總六軍屯於河橋令左衛元斌之領軍斛斯椿鎮武牢遣使告太祖太祖謂左右曰高歡數日行八九百里况兵者所忌正須乘便擊之而主上以萬乘之重不能決戰方緣津據守且長河萬里扞禦爲難若一處得度大事去矣卽以大都督趙貴爲別道行臺自蒲坂濟趣异州遣大都督李賢將精騎一千赴雜陽會斌之與斛斯椿爭權不協斌之遂棄椿還紹帝云高歡兵至帝遂從雜陽率輕騎入關後帝爲大將軍大統三年旣平弘農因館穀五十餘日時戰士不滿萬人聞齊神武將渡乃引軍入關齊神武遂渡河逼華州刺史王羆嚴守知不可攻乃涉雜軍於許原西太祖據渭南徵諸州兵皆會乃召諸將謂之曰高歡越山渡河遠來至此天亡之時也吾欲擊之何如諸將咸以衆寡不敵請待歡更西以見其勢太祖曰歡若得至咸陽人情轉駭

援今及其新至便可擊之卽造浮橋於渭令軍人齊
三日糧輕騎渡渭輜重自渭南夾而西冬十月壬辰
至沙苑距齊神武軍六十餘里神武聞太祖至引軍
來會癸巳旦候騎告齊神武軍且至太祖召諸將謀
之李弼曰彼衆我寡不可平地置陳此東十里有渭
曲可先據以待之遂進軍衆至渭曲皆水東西爲陳
偃於葭蘆中間鼓聲而起申時齊神武至望太祖軍
少競馳而進不爲行列總萃於左軍兵將交太祖鳴
鼓士皆奮起于謹等六軍與之合戰李弼等率鐵騎
橫擊之截其軍爲二遂大破之斬六千餘級臨陳降
者二萬餘人齊神武夜遁追至河上復大尅獲

唐太宗初爲唐國內史總兵十萬徇東都兩月而旋
帝籌之曰賊見吾還必相追躡設三伏以待之俄而
隋段達學萬餘人自後而至帝發伏以擊之賊師大
敗親自追奔至於城下斬四千餘級又高祖武德元
年十一月降薛仁杲於折撫城虜其衆數萬隴右悉
平初帝師次高撫賊堅不動諸將咸稱戰帝曰我士
卒新經挫衄銳氣猶少賊以勝自驕必輕進好鬪我
且堅壁以折之待其氣衰而後奮擊可一戰而破此
萬全之計也因令軍中日敢言戰者斬相持者久之

帝曰可戰矣夜遣將軍龐玉擊賊驍將宗羅侯兩軍
酣戰帝以勁兵出賊不意擊大破之乘勝遂逼折墜
城竇抗等執馬苦諫曰賊主猶據堅城雖破羅侯未
可卽逐請按兵以候其變帝曰筭之久矣今日舅不
須言破竹之勢不可失也大軍已敗餘衆何足爲虞
凶魁之計畫於此矣遂率軍而進至夜半軍臨賊城
守陴者皆亂爭自投而下仁杲窮蹙開門請降頓頭
於道左高祖聞之大悅遣內史舍人崔確齎錦袍賜
賚有功者

貞觀二年九月己未突厥寇邊朝臣或言宜修古長
城發人乘塞者帝曰頡利國中盛夏降霜五日竝出
三月連明赤氣滿野鬼哭於路而不修德暴虐滋甚
此所謂不畏天時也遷徙無嘗六畜多死所謂不愛
地利也其俗死則焚之今起墳墓背其父祖之命此
所謂不敬鬼神也突利卽其兄子不能輯睦屢相懷
貳此所謂不和民人也有此四過能不亡乎以朕察
之殆將不遠當爲公等廓定沙場安用勞民遠修亭
障也

十五年十一月薛延陁攻李思摩十部帝詔兵部尙
書李勣爲朔州道行營總管率兵六萬騎千二百屯

朔州右衛大將軍李大亮爲靈州道行軍總管率兵四萬騎五千屯靈武右屯衛大將軍張士貴率兵一萬七千爲慶州道行軍總管出雲中涼州都督李襲譽爲涼州道行軍總管以經略之諸將奉辭帝誠之曰延陁負其兵力踰漠而來途經數千馬已疲瘦夫用兵之道見利速進不利速退其掩思摩不能疾擊旣入長城又不能速退吾先勅思摩燒薙秋草糧食日盡野無所獲頃者偵人來云其馬畜齧嗽林木枝皮略盡卿等犄角思摩不須前戰俟其將退一時奮擊制勝之舉也又遣右屯衛將軍姜行本率左右飛騎及左右衛引强者數千人受李勣節度十二月甲辰李勣擊延陁破之

十八年九月高昌破焉耆而虜其生口七百初王師之滅高昌也盡以還之焉耆王背德懷二歸誠於咄陸可汗詔安西都護郭孝恪伺機便以討之辛卯帝謂侍臣曰孝恪近奏稱率兵三千以八年十一月詣焉耆二十日應至必以二十二日破之朕計其行程使人今日應到言未畢驛騎至云郭孝恪已破焉耆十九年帝征遼次安市城六月丁巳高麗靺鞨之衆十五萬來援安市城帝謂侍臣曰高延壽之來也其

策有三若引兵直前連安市城以爲壘據高山之險食城中之粟兼縱靺鞨寇吾牛馬攻之則不可卒下欲歸則泥濘爲滯此其上策若抽城中之人與之宵遁此其中策若不量其能近城列陣將與吾交鋒者此其下策卿其觀之是必用下策若得縱兵決戰所謂成擒者也賊中有一對盧年習事謂延壽曰吾聞中國大亂英雄竝起秦王聖武所向無敵遂平天下南面爲帝北夷請服西戎獻款今者傾國而至唐兵之壯健者悉來其鋒不可當也今爲計者莫若頓兵不戰曠日持久分遣驍雄斷其餽運不過旬日軍糧必盡求戰不得欲歸無路此不戰而取勝也延壽不從引軍直進遣馬候之云去安市城四十里帝以爲兵家之勢以逸待勞猶慮其低徊不至詔左衛大將軍阿史那社爾總突厥千騎以誘之誠曰鋒交而佯北其必乘爾而來也高麗常令靺鞨居前社爾與之纔交而退高麗相謂曰此易與耳競馳進軍於安市城東南八里依山麓而陳帝召長孫無忌及侍臣將軍等謂曰夷兵旣至塵埃亘數十里彼衆我寡卿等所知國家猛將謀臣竝從朕在此破賊萬全之策云何無忌奏稱古來帝王亦有以干戈靜亂而臨天下

者多委將帥身非經略陛下往時平定海內年踰成
童莫不披堅執銳躬先士伍翦除千紀救蒼生之命
鴻名遠震海外咸服今所從行將士多是幕府舊人
雖遠涉夷鄉而喜陪神武橫戈思敵人百其戰古人
云將戰必觀士卒之情臣適行經諸營衛士等聞高
麗已至無不抽刀結旆喜見於色往平王世充及竇
建德等臣皆從征至於竒謀異筭多出睿旨用陛下
妙筭無不就擒偶違成規必致負敗今陛下親臨邊
碣擐甲辰鄉滅高麗之機在此一舉臣等愚短破陣
萬全之策不敢克當特乞陛下指縱臣等奉以行事
帝笑謂曰卿等旣推筭於朕朕當爲君料量因與無
忌李勣等翼數百騎乘高以觀之見其山川可以用
竒兵處遣使給延壽曰我以爾強臣篡弑故來問罪
卽欲交戰非吾本意天子入境芻粟不能於中國轉
運破爾數城以取廩食禮苟修則所失必復矣延壽
信之竟夕而俟帝夜召文武躬自指麾遣李勣步騎
一萬五千於賊西嶺爲陳無忌率將軍牛進達等精
兵一萬一千以爲竒兵自山北於狹谷出以衝其後
帝自率步騎四千潛鼓角偃旌幟趣賊營北高峯之
上勅諸將聞鼓角聲而齊進因令所司張受降幕於

朝堂之側曰明日午時納降虜於此矣遂率軍而進
戊午延壽獨見李勣兵欲與戰帝遙望無忌軍塵起
命鼓角竝作旌幟齊舉賊衆大懼將分兵承之而其
陣已亂時有雷電助我軍威李勣率步卒一萬擊之
延壽衆退長孫無忌縱兵乘其後帝又引軍臨之賊
因大潰斬首三萬餘級延壽等率其餘寇依山自保
迴望我軍擊其黨類悲號相召其聲甚哀於是詔無
忌勣等引兵圍之無忌徹川梁以斷其歸路帝按軍
行觀賊營壘謂侍臣曰高麗傾國而來存亡所繫一
麾而敗天祐我也因下馬再拜以謝天已未高延壽
高惠貞率三萬六千八百人請降帝營於安市城南
令李勣攻安市城甚急城中每見帝旛旗必乘城鼓
噪帝怒甚李勣曰請破城之日男子盡坑城內聞之
人皆死戰詔令江夏王道宗督兵築土山攻其城東
南隅高麗亦裨城增雉以相抗詔遣衛兵分番攻之
日六七合抱石撞車壞其樓雉城中隨有隳壞卽立
木柵忽聞城中雞彘驚鳴帝謂李勣曰圍城多日城
中煙火日微今雞猪甚喧此其饗士也卿宜嚴兵虜
今夜當出矣及夜高麗數百人縋城而下帝聞之從
四五騎至城下召兵急擊斬首數十級高麗奔退

後唐莊宗初為晉王公子梁兵侵劉守文於滄州攻甚急幽州劉仁恭遣使乞師使車結轍武皇恨其翻覆不時許之帝白曰此吾復振之道也不得以嫌怨介懷且九分天下朱氏今有六七趙魏中山在他庶下賊所憚者仁恭與我合勢興復本朝是以逞其兵威將令弭服絕彼結託使我勢孤然後顯行逼奪賊之成敗我之興衰繫此一舉不可失也武皇乃徵兵于燕攻取潞州及軍之起也居浹旬杳無音驛物議憂之帝謂賓友曰我聞朱氏猜嫌丁會久矣斯人嘗不自安如援兵未至必來歸我既而丁會果以城降及為晉王

天祐十三年

唐哀帝天祐元年後是朱梁建國改號開平其莊宗只稱天祐

與梁將

劉鄩戰于洹水數日兵不交寂若無聲我遣邏騎覘之無斥候者摩壘而觀之則營中有班馬之聲而無煙火之狀望其壘鳥止於上又有旗幟循堦往來覘者還以事聞帝曰我聞劉鄩一步百變營外不見賊軍必以詭計悞我命覘者入其城中乃以芻為人縛旗上以驢負之循堦而行故旗幟嬰城不息問城中羸老者曰軍去已二日矣覘者還以聞帝曰劉鄩使兵短於決戰愛乘人不備謂我大軍一盡於此料晉

陽城內全無備兵必欲出奇絕我根本虛營設詐懼有追兵計彼行程繞及山下旣而有人自賊中來言劉鄩兵趣黃澤矣帝遽發奇軍追之十五年大舉赴汴州帝問戰備周德威曰賊軍倍道而來未成營壘我今營寨已備固守有餘旣入深賊疆須決萬全之策機須懸料未可輕行此去汴州不越信宿賊之父母妻子盡在其間人之嘗情孰不以家國爲念以我深入之人不以方略制之恐難嘗勝王宜以親軍步卒警其衆按軍以殿臣以其軍擾之使彼不得下營晡晚之後進退無據糧爨不給人心恐懾因以乘之彼不戰而自潰破賊之道也帝曰河上終日排布恨不見賊今見不殺知復何待德威之言一何怯也顧李存審曰勅輜重先發予爲爾殿後殺之帝御新軍驟出德威命其子曰吾未知其死所矣及軍出未成列梁軍已結陣而來橫亘數十里亦以陣抗之帝與李存審總河東天雄之衆居其中德威以幽薊之師當其西鎮定之師當其東梁將賀環王彥章中軍兩軍旗鼓相當短兵按戰帝御銀鎗軍突入賊中斬擊十餘里賀環王彥章單騎走濮陽時我軍輜重在陣西與梁騎相雜衆見朱旗驚走德威

軍自相蹈藉不能制止故德威一軍敗績陂中有土山迤邐相屬梁餘衆數萬登山帝帥中軍追至山下梁軍戒嚴不動旗幟甚盛帝呼諸軍曰今日之戰得山者勝賊已據山乘高四望平野觀之罔測衆人乍見皆有懼心吾與爾等各馳一騎以奪之帝率騎先登銀鎗步卒繼進策馬大呼一時登山賊紛紜而下帝御衆登山賊在土山西結陣數里時已日暮或曰諸軍未齊不如還營詰朝可戰閻寶進曰深入賊廷逢其大敵期於進銳以決雄雌况賊帥奔亡衆心方恐據山而猶委棄結陣更復何爲今登高擊下勢如破竹芟除殘孽正在今日銀鎗大將軍建及披甲橫槊而進曰賊軍大將先已奔亡王之騎軍一無所損賊衆晡晚大半思歸擊此疲敗之軍易如拉朽王且登山縱觀責臣以破賊之效於是李嗣昭領騎軍自山之北略賊陣王建及呼士衆曰今日所失輜重並在山下况彼思歸則一取若拾遺與公等奮稍一呼自然披靡建及大呼入賊陣諸軍繼之賊衆大敗時元城令吳瓊貴卿令胡裝各部役徒萬人於山下曳柴揚塵鼓譟助其勢賊不之測自相騰籍棄甲山積俘斬萬計賊衆殆盡

漢高祖以天福十二年四月漢高祖於晉少帝開運四年二月即位却稱天

福十二年收復承天軍軍太原東鄙土門路所衝也是歲

二月帝率兵將下井陘以晉太后過嘗山議還乃留

步卒一千戍之備其不虞時以虜還守者怠為虜所

偵潛來攻我我眾驚潰虜乃焚其井邑一日之中狼

煙百餘舉帝曰必虜之將退張虛勢也乃遣親將葉

仁魯領步騎三千趣之會虜黨發擄掠取不意軍至

為我所敗斬級獲馬各千餘而還一路遂平安

周世宗顯德五年南伐攻楚州率戰士持火炬以焚

其城樓克之帝計其敗卒必將南遁因親領衛士及

驍騎數百於南城逐之又殺數千人楚州遂平

册府元龜

冊府元龜

巡按福建監察御史臣李嗣京 訂正

分守建南道左布政使臣胡維霖 參閱

知建陽縣事 臣黃國琦 較釋

帝王部 一百二十六

納降

王者之師有征無戰三驅之禮來者不射豈不以居
司牧之重法天地之量務揆光大之德以叶亭育之
義哉乃有經綸開創之始繼統守文之代天下未一
四夷未服於是乎蒐軍實厲戎容或建節親征或謀

帥授律先之以支告示之以威武而能究變通之理
識仁義之師率眾以請命束身而效款莫不推在宥
之惠開自新之路榮之以爵秩安之以田宅義征德
勝之道不其盛歟傳曰叛而伐之服而舍之是之謂
矣

漢高祖為沛公秦二世三年六月引兵圍宛城南陽之縣

南陽守欲自剄以刀割頸為剄其舍人陳惓曰死未晚也舍人親近

左右之通稱也後遂以為私屬官號乃踰城見沛公約降七月南陽守

騎降引兵西無不下者至丹水高武侯鯁襄侯王陵

降

二年十月陳餘怨項羽獨不王已從田榮藉助兵藉

也 以擊常山王張耳耳敗走降漢王

三月漢王自臨晉渡河舊縣名其地居河之西濱東臨晉境本列國時秦所名地

也即今之同魏王豹降至脩武陳平亡楚來降

五年十二月灌嬰追斬項羽楚地悉定獨魯不下漢

王引天下兵欲屠之為其守節禮義之國乃持羽頭

示其父兄魯乃降

後漢光武初為更始破虜將軍行大司馬事持節鎮

慰河北卜者王郎詐稱成帝子輿立為天子都邯鄲

光武自饒陽過滹沱河馳赴信都太守任光開門出

迎光武因發旁縣得四千人先擊堂陽貫縣皆降之

堂陽貫並屬鉅鹿郡堂陽在堂水之陽今冀州縣故城在今冀州鹿城縣西南王莽和戎卒

正邳彤亦舉郡降王莽分鉅鹿為和戎郡卒正職如太守又昌城人劉

植宋子人耿純昌城縣屬信都國故城在今冀州西北宋子縣屬鉅鹿郡故城在今趙州

平棘各率宗親子弟據其縣邑以奉光武於是北降

下曲陽縣名屬鉅鹿郡常山郡有上曲陽故此言下眾稍合附者至有數

萬人王郎平更始封光武為蕭王是秋光武擊銅馬

諸賊追至館陶大破之館陶縣屬魏郡今魏州縣受降盡而高湖

重連從東南來與銅馬餘眾合光武復與大戰於滹

陽悉破降之降者猶不自安光武知其意勅令各歸

營勒兵乃自乘輕騎按行部陣降者更相語曰蕭王

唯赤心置人腹中安得不投死乎投死猶言致死由是皆服

悉將降人分配諸將眾遂數十萬故關西號光武為

銅馬帝又云岑彭更始時遷潁川太守會春陵劉茂起兵略下潁川彭不得之關乃與麾下數百

人從河內太守邑人韓歆會光武徇河內歆義欲城守彭止不聽既而光武至懷歆迫急迎降光武知其

謀大怒收歆置鼓下將斬之召見彭彭因進說曰今赤眉入關更始危殆權臣放縱矯稱詔制道路阻塞

四方蜂起群雄競逐百姓無所歸命竊聞大王平河北開王業此誠皇天祐漢士人之福也彭幸蒙司徒

公所見全濟未有報德旋被禍難永恨於心今復遭遇願出身自効光武深接納之彭因言韓歆南陽士

人可以用為用乃賞歆以為鄧禹軍師

建武元年八月辛亥辛河陽更始廩丘王田立降

縣屬東郡城在今九月辛卯朱鮪舉洛陽城降先

濮州雷澤縣北敗於長安其將朱鮪等堅守洛陽詔廷尉行大將軍

事岑彭與大司馬吳漢大司空王梁建議大將軍朱

祐右將軍萬脩執金吾賈復驍騎將軍劉植楊化將

軍堅鐔積射將軍侯進偏將軍馮異祭遵王霸等圍

之數月鮪等不肯下帝以彭嘗為鮪校尉令往說之

鮪在城上彭在城下相勞苦歡語如平生彭因曰彭

往者得執鞭侍從蒙薦舉拔擢常思有以報恩今未

眉已得長安更始為三王所反皇帝受命平定燕趙

盡有幽冀之地百姓歸心賢俊雲集親率大兵來攻

洛陽天下之事逝其去矣公雖嬰城固守將何待乎

鮪曰大司徒被害將鮪與其謀又諫更始無遺蕭王

比伐誠自知罪深彭還具言於帝帝曰夫建大事者

不忌小怨鮪今若降官爵可保況誅罰言乎河水在

此吾不食言彭復往告鮪鮪從城上下索曰必信可

乘此上彭趣索欲上鮪見其誠即許降後五日鮪將

輕騎詣彭顧勅其部將曰堅守待我我若不還諸君

徑將大兵上轅轅歸報鄧王鄧王更始將尹尊也乃

拜鮪為平狄將軍封扶溝侯

二年八月帝自將征五校幸內黃縣名屬魏郡大破

五校於蕪陽降之蕪陽城名屬魏郡故城

三年閏正月乙未征西大將軍馮異與赤眉戰於嶧

底大破之嶧山名底級也一名嶽岑餘衆南向宜陽

縣名屬弘農郡韓國都也故城帝自將征之己亥幸

宜陽甲辰親勒六軍大陳戎馬大司馬吳漢精卒當

前中軍次之驍騎武衛分陳左右赤眉望見震怖遣

劉恭乞降曰劉盆子將百萬衆降陛下何以待之帝

曰待女以不死耳樊崇乃將盆子及丞相徐宣以下

縣屬東郡城在今
濮州雷澤縣北
九月辛卯朱鮪舉洛陽城降

先敗於長安其將朱鮪等堅守洛陽詔廷尉行大將軍

事岑彭與大司馬吳漢大司空王梁建議大將軍朱

祐右將軍萬脩執金吾賈復驍騎將軍劉植揚化將

軍堅鐔積射將軍侯進偏將軍馮異祭遵王霸等圍

之數月鮪等不肯下帝以彭嘗為鮪校尉令往說之

鮪在城上彭在城下相勞苦歡語如平生彭因曰彭

往者得執鞭侍從蒙薦舉拔擢常思有以報恩今未

得已得長安更始為三王所反皇帝受命平定燕趙

盡有幽冀之地百姓歸心賢俊雲集親率大兵來攻

洛陽天下之事逝其去矣公雖嬰城固守將何待乎

鮪曰大司徒被害將鮪與其謀又諫更始無遣蕭王

比伐誠自知罪深彭還具言於帝帝曰夫建大事者

不忌小怨鮪今若降官爵可保況誅罰言乎河水在

此吾不食言彭復往告鮪鮪從城上下索曰必信可

乘此上彭趣索欲上鮪見其誠即許降後五日鮪將

輕騎詣彭顧勅其部將曰堅守待我我若不還諸君

徑將大兵上轅轅歸報鄧王鄧王更始將尹尊也乃

面縛與彭俱詣河陽帝即解其縛而釋之復令彭夜

及鮪歸城明旦悉其衆出降
拜鮪為平狄將軍封扶溝侯

二年八月帝自將征五校幸內黃縣名屬魏郡大破

五校於蕪陽降之蕪陽城名屬魏郡故城

三年閏正月乙未征西大將軍馮異與赤眉戰於嶧

底大破之嶧山名底級也一名嶽岑餘衆南向宜陽

縣名屬弘農郡韓國都也故城帝自將征之己亥幸

宜陽甲辰親勒六軍大陳戎馬大司馬吳漢精卒當

前中軍次之驍騎武衛分陳左右赤眉望見震怖遣

劉恭乞降曰劉盆子將百萬衆降陛下何以待之帝

曰待女以不死耳樊崇乃將盆子及丞相徐宣以下

肉袒降上所得傳國璽綬更始七尺寶劍及玉璧各

一積兵甲宜陽城西與熊耳山齊宜陽縣故城韓國城也在今洛州福

昌縣東洛水之北有熊耳山雙巒競舉狀同熊耳帝令縣厨賜食衆積困餒

十餘萬人皆得飽飫明日大陳兵馬臨洛水令盆子

君臣列而觀之謂盆子曰自知當歿不對曰罪當處

歿幸上憐赦之耳帝笑曰兒大黠宗室無出者又謂

崇等曰得無悔降乎朕今遣卿歸營勒兵鳴鼓相攻

決其勝負不欲彊相服也徐宣等叩頭曰臣等出長

安東都門君臣計議歸命聖德百姓可與樂成難與

圖終故不告衆耳今日得降猶去虎口歸慈母誠歡

誠喜無所恨也帝曰卿所謂鐵中錚錚傭人佼佼者

也錚錚金也鐵之錚錚言微有剛利也佼佼也於凡傭之人稍為勝也又曰諸卿大

無道所過皆夷滅老弱溺社稷汚井竈然猶有三善

攻破城邑周徧天下本故妻婦無所改易是一善也

立君能因宗室是二善也餘賊立君迫急皆持其首

降自以為功諸卿獨完全以付朕是三善也乃令各

與妻子居洛陽賜宅人一區田二頃七年冬盧芳所

置朔方太守田颺雲中太守喬扈各舉郡降

八年閏四月潁川盜賊寇沒屬縣九月帝自征潁川

盜賊皆降

十四年九月平城人賈丹殺盧芳將尹由來降

魏太祖漢建安四年十二月廬江太守劉勳率衆來降

五年十月袁紹遣車運穀使淳于瓊等五人將兵萬餘人送之太祖留將曹洪守自將破瓊紹初使其將張郃高覽攻洪聞瓊破遂來降紹衆大潰冀州諸郡多舉城邑降者

晉元帝時杜弢叛亂帝命王敦陶侃等討之弢請降遺應詹書曰天步艱難始自吾州州黨流移在於荆土其所遇值蔑之如遺頓伏死亡者畧復過半備嘗荼毒足下之所鑒也客主難久嫌隙易構不謂樂鄉起變出於不意時與足下思散疑結求擒其黨帥惟患筭不經遠力不陷堅耳及在湘中懼死求生遂相結聚欲守善自衛天下小定然後輔誠盟府尋山公鎮夏口即且陳之此公鑒開塞之會察窮通之運納吾於衆疑之中非高識玄覩孰能若此西州人士得沐浴於清流豈惟滌蕩瑕穢乃骨肉之施此公慶斯事中廢賢愚痛毒竊心自悼欲遣滕永文張休豫詣太府備列起事以來本末但恐貪功徇名之徒將讒間於聖主之聽戮吾使於市朝以彰叛逆之罪故

未敢遣之而甘陶卒至水陸十萬旌旗曜於山澤
艦盈於三江威則威矣然吾衆竊未以爲懼晉文伐
原以全信爲本故能使諸侯歸之陶侃宣赦書而繼
之以進討豈所以崇奉明詔示軌憲於四海逼向義
之夫以爲叛逆之虜歟思善之衆以拯不赦之責非
不戰而屈人之筭也驅略烏合欲與必死者求一戰
未見爭衡之機權也吾之赤心貫於明神西州人士
卿粗悉之耳寧當令抱柱於時不澄於太府邪昔虞
卿不榮大國之相與魏齊同其安危司馬遷明言於
李陵雖刑殘而無慨足下抗威千里聲播汶衡進宜
爲國思靜難之畧退與舊交措枉直之正不亦綽然
有餘裕乎望卿騰吾箋令時達盟府遣大使光臨使
吾得披露肝膽沒身何恨哉伏想盟府必結紐於網
紀爲立功於聖世使吾厠列義徒負弩前驅迎皇輿
於閭闔埽長蛇於荒裔雖死之日猶生之年也若欲
先清方夏却定中原吾得一年之糧便沂流西歸夷
李雄之逋寇修禹貢之舊獻展微勞以補往愆復州
邦以謝隣國亦其志也惟所裁處耳吾遠州衰士與
足下出處殊倫誠不足感神交而濟其傾危但顯吾
誠則汶嶽荷忠順之恕衡湘無伐叛之虞隆足下

納之望極吾徒滔溺之艱焉可金玉其音哉然願順
十餘萬口亦勞瘁於警備思放逸於南畝矣衡嶽江
湘列吾左右若往言有貳血誠不亮益梁受殃不唯
鄙門而已詹甚哀之乃啓呈弢書并上言曰弢益州
秀才素有清望文理旣優幹事兼美往因使流寓居
詹郡界其身心堅白詹所委究李驤爲變樂鄉劫畧
良善弢時出家財招募忠勇登壇歃血義誠慷慨會
驤攻繞南平弢遂東流巴漢與湘中鄉人相遇推其
素望遂相馮結論弢本情非首作亂階者也然破湘
川實弢之罪亦由兵交其間遂使滋蔓按弢今書血
誠亦至矣昔朱鮪自疑於洛陽光武指河水以明心
鮪感義歸誠終展力報施受封侯之寵由恕過以錄
功也詹竊謂今者當厄運之會思弘遠猷故齊赦射
鈎之誅晉貫斬祛之戮用能濟翼戴之高勲隆一成
之美譽况弢等素無斯愆而稽顙投命邳以爲可遣
大使宣揚聖旨雲澤沾之於上百姓沐浴於下則上
下交泰江左無風塵之虞矣帝乃遣前南海太守王
運受弢降

孝武帝太元十年滎陽人鄭爨以郡來降符堅國亂
使使奉表請迎

後魏明元神端元年六月晉冠軍將軍太山太守
研弟輔國將軍領東平太守陽平趙鸞廣威將軍平
昌太守羅卓斗城屠各師張文興等率流民七千餘
家內屬

二年二月晉瑯琊太守劉劭率二千餘家內屬
泰常二年姚泓尙書東武姚敞弟鎮遠將軍僧光右
將軍姚定世自洛來奔是年汝南民胡譁等萬餘家
相率內屬

九月晉平西將軍荊州刺史司馬休之息譙王文思
章武王子司馬國璠司馬道賜輔國將軍溫楷竟陵
內史魯軌荊州治中韓延之殷約平西參軍桓燧及
桓溫孫道度子渤海刁雍陳郡袁式等數百人來降
姚泓匈奴鎮將姚成都與弟和都舉鎮來降八年正
月河東薛定薛輔率五千餘家內屬

獻文天安元年九月宋司州刺史嘗珍奇以懸瓠內
屬徐州刺史薛安都以彭城內屬宋將張永沈攸之
擊安都詔北部尙書尉元爲鎮南大將軍都督諸軍
事鎮東將軍城陽公孔伯恭爲副出東道救彭城殿
中尙書鎮西大將軍河西公元石都督荆豫南雍州
諸軍事給事東京兆侯張寤奇爲副出西道救懸瓠

十一月壬子宋兗州刺史畢衆敬遣使內屬
皇興元年宋青州刺史沈文秀冀州刺史崔道固並遣使請舉州內屬詔平東將軍長孫陵平南將軍廣陵公侯窮奇赴援之

二月詔使持節都督諸軍事征南大將軍慕容白曜督騎五萬次於碣礮爲東道後援

孝文太和四年八月以齊角城戍主請舉城內屬詔徐州刺史假梁郡王嘉起赴援之

九月齊汝南太守常元貞龍驤將軍胡青苟率戶內屬

八年冬十月齊雙城戍主王繼宗內屬

十八年帝南伐沈文秀文秀族子陵攜族孫智度歸降引見于行宮

宣武景明二年齊零陵戍主華侯率戶內屬

三年三月南齊建安王寶寅來降

永平四年四月琅琊民王萬壽斬梁輔國將軍琅琊東莞二郡太守劉晰首以朐山來降徐州刺史盧昶

遣琅琊戍主傅文驥率衆援之

延昌二年二月梁郁州民徐玄明等斬送梁鎮北將軍青冀二州刺史張稷首以州內附詔前南兗州刺

史樊魯率衆赴之

出帝永熙二年正月梁州刺史曹鳳荊州刺史雷能勝等舉城內屬

後周武帝天和二年閏六月陳湘州刺史華皎率衆來附遣襄州總管衛國公直率柱國綏德公陸通大將軍田弘權景宣元定將兵援之

唐高祖建義隋義寧二年李密之將王君廓以其衆來降

武德元年六月丙申隋信都郡丞麴稜以冀州來降南郡丞呂子臧以郡來降

八月隋趙郡通守張志昂以郡來降

十月景午薛仁果所署尚書左僕射鍾俱仇以河州來降

十一月隋東郡丞王軌以滑州來降

十二月李密舊將敬德逸魯彈塵以新鄭來降梁師都所署定南王賀遂新平以其地來降

二年正月景寅李密所署伊州刺史張善相遣使來降是月我行人魏徵說李密所署魏州總管元寶藏執宇文化及將軍於士澄以魏州來降

二月王世充慈澗鎮將裴師亮率其屬來降壬辰王

世充將賈六郎率衆數千人來降癸巳隋樂安郡丞張志靖以郡來降是月李密許州刺史崔樞並遣使來降衛州人趙叔機執王世充所署刺史廉循道以州來降

閏三月河內人李厚德殺其殷州長史趙景休以獲嘉來降是月王世充慈澗人執其守將賈仁果以城來降隋漁陽太守田善集以郡來降甲寅隋夷降郡丞許紹率黔安武陵灃陽等諸郡酋帥並遣使來降是月宇文化及僞置蜀王宇文士及并其內史令封德彝自濟北來降又可達寒賊朱粲遣使請降帝遣前御史大夫段確使於朱粲

三月甲戌王公正以安昌丁伯德以濟源背王世充來降庚辰隋北海通守鄭處符文登縣令惠整東海賊帥蔣弘度濟郡賊帥王簿鄆州賊帥霍小漢張青將任州賊帥徐師順平陸賊帥張當金壽張賊帥閻漢涉須昌賊帥孫善遇並以其地來降丁亥隋渤海郡丞王孝師以衆來降王世充疆山鎮將羅注率男女六千人以鎮來降丁酉齊州渠帥李義滿率衆三千以章丘來降又淮南一十五州遣使來降

四月己亥王世充將宋君德殺其鎮北將軍王文廓

率衆數千以硤石鎮來降甲辰王世充將衛須拔率衆以陝州來降丁未王世充將段德瑗率衆八百來降

七月蕭銑辰州刺史田猷以州來降

八月王世充趙士達率其部及圃田縣並來降

九月王世充將傅才率所部來降

十月王世充將路則率所部來降

三年正月黎州總管李世勣於竇建德中自拔來歸

世勣本姓徐李密據洛口以爲東海公宇文化及之

弑逆也引師北上密遣世勣守黎陽倉化及攻之不

尅數月而去密解兵還金墉尋爲世充所敗世勣以

黎陽之衆北連洛相東極海隅南達淮海盡李密之

境並相率來降遇竇建德陷我山東之地進軍攻世

勣戰不利力屈降之建德收其父蓋從軍爲質乃令

世勣復守黎陽世勣與其官屬郭恪柳得文等謀曰

地陷父質身爲賊首欲立功歸國而力不遂如何郭

恪曰今新被賊使動即見疑宜擊世充自展誠効情

相體信然後可得行其志耳世勣然之乃襲破獲嘉

虜世充之衆以獻於建德由是親之因又遣人說建

德曰曹戴兩州戶口全實賊帥孟海公據有其地聲

屬僞鄭內實攜離進兵吞之立便可得既併海公以
臨徐交可不戰而定河南矣建德然之自南略前達
其大將曹旦齊善行等領兵渡河世勣以衆會之謀
至河南而翻破建德冀得其父總取賊地立功以請
朝遇建德妻產久而不至且在河南多所侵擾李密
胡等諸部怨之商胡與世勣素結爲兄弟升堂拜親
商胡之母泣謂世勣曰竇家無道如何事之世勣曰
願毋勿憂待一月內謹當殺取總歸唐國耳世勣辭
去毋謂其子曰東海公許我共圖此賊事須早斷何
用待來事久變生不如即決於是起兵襲破建德水
軍方遣人往報世勣世勣與曹旦並營郭恪勸襲且
世勣未能決而旦已知之營中嚴警不可犯於是與
恪等馳數十騎來奔高祖大喜遣使者迎勞之
二月辛亥王世充伊闕縣副王三都殺其鎮將以衆
來降
三月己卯王世充將趙知遠許恪奴率其所部來降
荊州庸州黔州兗州並遣使來降
四月丙辰陝州總管于均自宋金剛所來降
五月癸未長子縣丞長卿斬劉武周安州刺史宋德
壽來降

八月庚子鄧州豪執王世充所署刺史子剛來降癸卯梁師都石堡留守張舉率其男女千餘口來降九月庚午梁師都督劉晏來降癸酉王世充顯州總管田瓚以其部二十五州來降丁丑王世充蔚州刺史時德淑以其地來降壬午王世充濮州刺史杜才幹斬其滑州行臺僕射景元貞以濮陽來降

十月甲午王世充將張鎮州來降戊戌世充將王舉以迴洛東城來降庚戌世充管州總管楊慶以州來降景辰王世充榮州刺史魏陸執世充大將軍張志等四將以來降

十二月辛卯河南許亮等十有一州背王世充來降辛丑王世充隨州總管徐毅以其地來降

四年正月丁卯竇建德行臺尚書令胡大恩以大安鎮來降辛巳王世充梁州總管程嘉會以其地來降二月庚戌王世充兄子大棄河陽而遁其所部將以其城來降乙卯王世充懷州刺史陸善宗以城來降是月王世充將劉元氣以青城宮來降

四月戊午王世充出兵攻竇軌師不利賊入其營太宗率精騎突之所向皆靡獲其大將葛彥璋賊敗績斬首二千餘級降其甲卒萬餘人丙午王世充平

州刺史周仲隱以城來降

五月甲子王世充之鞏縣偃師並來降乙丑世充將

王德仁棄故洛陽城而遁其亞將趙季卿以城來降

戊辰世充率其將吏降洛陽平

庚午周法朗以蘄春等四郡來降壬申洛相魏等州

來降

戊寅王世辨以徐宋等三十八州降世充故地悉定

竇建德博州刺史王羨來降

壬午竇建德尚書右僕射裴知兵部尚書曹旦等以

傳國等八璽來降

六月戊戌蔣善人以鄆州孟噉鬼以曹州來降

七月庚申王世充兄子偽魏王弘烈宋王太行臺右

僕射豆盧行褒左僕射蘇世長以襄州來降以其地

置襄州道

又云龐王京兆涇陽人隋監閣李密之據洛也王統關中精銳以擊之隸於王世充

與賊連戰者百餘陣及密敗歸于東都太宗之徇洛陽王率精兵萬餘來降又云田瓚淮安人初為賊帥楊士林長史後為士林所忌懼不自安遂殺士林而叛歸王世充偽署顯州總管尋以地來降復其本土

十月辛卯蕭銑鄂州刺史雷長穎以魯山來降丁酉

蕭銑江州總管蓋彥舉以州來降戊申徐圓朗昌州

治中劉善行斬總管夏寶以須昌來降

十月己亥隋始安太守李襲志以桂州來降

五年正月丙戌同安賊帥殷恭遠以舒州來降已酉
嶺南俚首楊世略以循潮二州來降

二月戊辰金鄉人楊孝誠率眾三千背徐圓劄以城
來降

四月戊寅廣州賊帥鄧文進隨合浦太守甯宣平南
太守李峻等並遣使來降

五月庚寅瓜州豪右王幹斬賀拔行威來降瓜州方
始得平

六年正月己卯饒陽人葛德威執劉黑闥以城降山
東悉平

五月癸巳馬邑賊高滿政所部將張天明請降遣右
武衛大將軍李遷以兵援之己亥梁師都將高成郎

以所部來降戊午滿政斬突厥二百人以馬邑來降

滿政馬邑人也劉武周僭號以滿政為將及武周之
敗范君章復據馬邑滿政懷歸國之計遂舉兵以襲
君章覺變方奔突厥滿政
斬君章之子以城來降

七月辛巳沙州高開道所部弘陽統漢二鎮相率來
降

九月乙未西沙州賊帥竇伏明斬賀拔威以城來降

十月己未逆賊張大智侵洛州刺史田世康益州行

臺尚書郎行方開州刺史冉仁德討之大智以眾來

降

太宗貞觀十九年六月征遼是月丁酉攻白巖城李
勣攻其西南帝臨其西北城主孫伐音潛令腹心人
請降乃臨堞投亦戲以爲信曰奴願降其中有王者
言曰以我旗幟示必降逮之城主伐音所遣人得而
樹之於城高麗以爲唐兵登也衆悉從之初遼東之
陷也城中懼而請降既而中悔帝怒其反覆許以城
中人物分賜將士至是李勣見且受降率甲卒數十
人請於帝曰戰士奮厲爭先不顧矢石者貪獲虜耳
今城垂拔奈何更許其降無乃孤將士之心成黠虜
之計帝下馬而謝曰將軍言是也然縱兵殺戮虜其
妻孥朕所不忍將軍麾下有功者朕以庫物賞之庶
因將軍贖此一城勣乃止遂受降獲士女一萬勝兵
一千四百倉廩二萬八千石帝御旌宮於水渚高麗
降衆重列而拜者二千餘人優勞之高麗舞躍叫呼
聲震山谷命太官賜食解牲體而羅之不置亦高麗
手擘口齧骨肉俱盡城中人年八十以上賜帛各有
差及諸城堡人帝悉加慰諭給以糧仗任其所往城
中父老僧尼貢夷酪昆布米餅蕪荑鼓等帝悉爲少
受而賜之以帛高麗喜甚皆仰天下拜曰聖天子之

恩非所望也丙辰次於安市城北丁巳高麗高惠真率衆十五萬來援於安市城東南八里而陣帝令李勣率步卒擊之高延壽衆退長孫無忌縱兵乘其後太宗又引軍臨之賊大潰斬首二萬餘級己未高延壽高惠真率三萬六千餘人請降帝引八轅門延壽膝行而前拜手請命帝謂延壽等曰東夷英少壽張海曲至於摧堅破敵故當不及老人而今而後更敢與天子戰否延壽等咸伏地而不對辭簡穉薩已下及酋首三千五百人授以戎秩遷之內地餘人並釋俘放還平壤其謝恩於天子並雙舉手以額頓地惟叫之聲聞數十里外收靺鞨三千三百人盡坑殺之獲馬五萬匹牛五萬頭光明甲一萬領他戰器械稱是唐肅宗至德二年十二月安祿山僞御史大夫嚴莊來降元帥廣平王領送西京賊所侵河東河西諸郡皆歸順賊將盡投河北唯能元皓在北海高秀巖在大同並相次送款

乾元元年二月丁卯逆賊孫孝節來降詔百官於朝觀之

代宗永泰元年僕固懷恩大將僕固名臣以千餘騎來降

大曆十年五月乙未魏州田承嗣部將霍榮國以破
州歸順是年十一月田承嗣所營瀛州刺史希光

其以城降有兵萬餘人積穀二十萬斛

史失

後唐莊宗初爲晉王討幽州劉守光天祐十年二月

東北面行營周德威上言蘇州降將成行言陳萬達

羅景溫來降

三月乙丑幽州劉守光將張方信賈全節挈族二百

五十口來降

四月甲申劉守光將校李暉王行安王元迪王行周

李在殷王文豐延陵位劉行遇楊令暉劉行宇王元

福尹謙李暉段文祐李行禮馬令紹賈從暉韓令珪

等並攜家屬來降周德威引軍逼幽州南門賊將鄭

宗遇王居俸趙行立鄭賽管丙來降

七月壬子劉守光將楊師貴等五十人來降

八月賊將李進劉建章劉唐珪張在禮劉敬德等來

降

九月燕將史德讓衛章李彥暉董行立等來降

十月燕將王居爽軍使孟在章一百六十人來降

十五年八月己酉梁交州節度使張萬進遣使歸款

同光元年八月帝自鄴御軍至朝城與梁軍相遇戊

戊梁將左右先鋒指揮康延孝領騎百人來投

本晉

陽人家世部族少隸太祖軍負罪奔於梁漸至徧祖性剛烈負氣不居人下知梁朝終敗來奔帝虛懷引見賜御錦袍玉帶屏人問之對曰臣竊觀汴人兵衆不少論其君臣將較終見敗亡趙巖趙鵠張漢傑居中專政締結官掖賄賂公行每命一統軍必先入金銀千錠不由勲德以賂取人段凝智勇俱無一朝便爲大將是由入銀爲賂便付兵權霍彥威王彥章皆宿將名臣却出其下切齒側目勢不奈何自將兵已來率斂行伍曲心事賂阿媚取容自彥章獲德勝齒城梁主亦稍獎使此人立性剛暴不奈凌制梁主每發軍卽令近臣監當進止可否悉取監臨處分彥章悒悒形於顏色自通津失利段凝彥章又獻謀策欲數道舉軍令董璋以陝號澤潞之衆趨石會閔以寇太原霍彥威統關西汝洛之衆自衛相邢洛以寇鎮定段凝杜晏球領大軍以攻鄆州決取十月大舉又自滑州南決破河堤使水東注曹濮之間至於汝陽彌漫不絕以限北軍臣在南中側聞此議臣亦料其難斷曰不疑且密喻藩鎮各令戒嚴餘無憂矣帝憐然壯其陳述然聞汴軍大舉心亦憂之延孝之來其母妻子在滑密約同奔及延孝至亦自滑浮舟東下至於鄆城

晉高祖天福元年閏十一月己卯車駕至河陽北節

度使萇從簡來降

三年八月魏府軍前澶州刺史馮暉自遞城來降

九月己酉宮苑使焦繼勳自軍前押魏博節度使范

延光牙將馬諤齋歸命待罪表到闕壬子延光領部

下兵士素服於本府門俟命有詔釋罪

六年九月十一日以襄州投降賊軍馬軍七百餘人

戊梁將左右先鋒指揮康延孝領騎百人來投

本晉陽人家世部族少隸太祖軍負罪奔於梁漸至編

性剛烈負氣不居人下知梁朝終敗來奔帝虛懷引

見賜御錦袍玉帶屏人問之對曰臣竊觀汴人兵衆

不少論其君臣將較終見敗亡趙巖趙鵠張漢傑居

中專政締結官掖賄賂公行每命一統軍必先入金

銀千錠不由勲德以賂取人段凝智勇俱無一朝便

為大將是由入銀為賂便付兵權霍彥威王彥章皆

宿將名臣却出其下切齒側目勢不奈何自將兵已

來率斂行伍曲心事賂阿媚取容自彥章獲德勝

城梁主亦稍獎使此人立性剛暴不奈凌制梁主每

一發軍即令近臣監當進止可否悉取監臨處分彥

章悒悒形於顏色自通津失利段凝彥章又獻謀策

欲數道舉軍令董璋以陝虢澤潞之衆趨石會閔以

寇太原霍彥威統關西汝洛之衆自衛相邢洛以寇

鎮定段凝杜晏球領大軍以攻鄆州決取十月大衆

又自滑州南決破河堤使水東注曹濮之間至於汶

陽彌漫不絕以限北軍臣在南中側聞此議臣亦料

其兵力聚則不少分則無餘陛下但待彼分則諸

鎮鐵騎五千自鄆州移程直抵宋汴不旬日天下事

定斷曰不疑且密喻藩鎮各令戒嚴餘無憂矣帝擇

然壯其陳述然聞汴軍大舉心亦憂之延孝之來其

母妻子在滑密約同奔及延孝至亦自滑浮舟東下

晉高祖天福元年閏十一月己卯車駕至河陽北節

度使萇從簡來降

三年八月魏府軍前澶州刺史馮暉自遞城來降

九月己酉宮苑使焦繼勳自軍前押魏博節度使范

延光牙將馬諤齎歸命待罪表到闕壬子延光領部

下兵士素服於本府門俟命有詔釋罪

六年九月十一日以襄州投降賊軍馬軍七百餘人

名彰順步軍一千一百餘人名歸順並令汝州收管
開運元年十二月青州楊光遠降光遠子承勳等斬
觀察判官丘濤牙將白延祚楊瞻杜延壽等首級送
於招討使李守貞乃縱火大譟劫其父於私第以城
納款遣卽墨縣令王德柔貢表待罪楊光遠亦遣節
度判官楊麟奉表請死詔釋之

漢高祖卽位稱天福十二年五月車駕離晉陽澤州
刺史翟令奇以郡來降至絳州本州刺史李從勳以
郡降初契丹遣偏校成霸卿曹可璠等守其郡帝建
義之始不時歸命及車駕至帝耀兵於城下不令攻
擊從勳等遂降

周太祖初爲漢樞密使以乾佑二年奉命討李守貞
五月九日賊河西水砦主周光遜以砦及將校兵士
一千一百三十二來降賊南面都監王仁岳之下十
六人指揮使石公進草賊都頭惡長官聶知遇王三
鐵之下十六人副兵馬使軍頭十將長行共一千四
十七人賊火城內乘船投來都頭劉瓊安建武之下
三十七人並來奔十日太祖率騎部領降將周光遜
等兵士三千人入長連城以徇尋有賊職員八人來
奔其夜又賊將胡進超已下三百餘人歸

九月元... 納降

世宗顯德元年三月親征河東四月乙卯河中節度使王彥超上言偽汾州防禦使董希顏以城歸順丙辰偽遼州刺史張漢超以城歸順先帝遣萊州防禦使康延紹率師討遼州又遣密州防禦使田瓊率師攻沁州先以宣旨招諭如不受命即進軍伐之二州皆拒命延紹及瓊請益兵及治攻具以迫之帝可其奏各益之以步卒三千仍詔主將期以三日克之是日田瓊遣潞州行軍司馬安友規上言沁之禦備甚堅賊皆死戰攻取未下帝暴怒疑其逗撓亟命延駕欲親至其所群臣以偏郡孤危請車駕不行會中使自遼州至言賊城已歸順乃止五月丙子偽代州防禦使鄭處謙上表歸順時契丹大將楊衮自高平之敗奔至代州及聞王師至太原意處謙等有變謀奪其州一日立召處謙計事處謙懼不敢赴衮使虜騎數十守其城門處謙與軍民共擊殺之因閉壁以拒蕃戎遣使歸命且乞援兵時劉崇所署偽樞密直學士王得中自虜中使迴至代州遇變亦上表歸命二年王師伐蜀九月癸丑西南面都監向訓上言秦

州以城降

初鳳州重圍既合日已危蹙蜀人乃遣偽秦州節度使高處儔領兵自秦州出將解

鳳州之圍處儔聞堂倉之敗且懼追兵將至因潰歸秦州偽觀察判官趙玘閉城拒之處儔遂西遁玘遣

丹... 帝王部

卷之二十三

二十三

州人也初補集賢院書吏後調選出官因從知於階
成間開運末戎虜盜國節度使何建以城入蜀後受
偽命為秦州觀察判官及聞處儔敗走盡召秦州官
屬諭之曰今大朝兵甲無敵於天下自用師西征戰
無不勝蜀中所遣將校皆武勇者所發兵士皆驍銳
者然殺戮逃遁之外幾無孑遺我輩安坐受其禍去
危就安當在今日聞者皆
俯伏聽命玘遂以城降

四年再征淮西三月辛卯夜偽監軍使朱元賊將朱
仁裕孫璘等相次各舉其砦來降其卒萬餘眾帝慮
其餘黨沿流東潰遽令步將趙晁率舟師數千沿淮
而下逐之

十二月帝幸淮上乙卯泗州守將范再遇以其城降
獲降卒三千餘人庚申招討使李重進上言偽濠州
團練使郭延謂已下以其城降濠州平降其卒萬餘

眾獲軍糧數萬石乙丑漣水縣偽雄武軍使知縣事
崔萬廸以其縣來降

六年幸滄州四月辛丑次益津關偽守將終廷輝以
其城來降

癸卯至瓦橋關偽守將姚內斌率其部眾五百餘人
以城來降八于瓦橋關駐蹕於行宮甲辰偽鄭州刺
史劉信上表歸順

冊府元龜 納降 卷之三百二十六

冊府元龜

冊府元龜

巡按福建監察御史臣李嗣京 訂正

知長樂縣事臣夏允彝參閱

知建陽縣事臣黃國琦較釋

帝王部 一百二十七

明賞

夫賞國之典也所以褒有功勸能者為國之大柄茲在盟府而不可廢焉歷代而下致治之后曷嘗不旌勞顯庸錄勤聳善報之以封爵寵之以名秩賚之以金帛賜之以車服頒之於公朝而不僭載之於史策

冊府元龜 帝王部 卷之三百二十七

而弗忘是故懋功之義明而邦典有敘為善之效速而人倫知勸蓋周官之以庸制祿先王之加膳飲賜率是道也其百世所不易者哉

周惠王二年五大夫奉子頹以伐王王奔温冬立子

頹明年鄭伯殺子頹王與之武公之畧自虎牢以東

略界也鄭武公傳平王賜之自虎牢以東後失其地故惠王令復與之虎牢河南城皇縣

漢高祖四年令侯公說項羽羽與漢約中分天下歸

太公呂后軍皆稱萬歲乃封侯公為平國君

五年項羽兵敗自剄王翳取其頭亂相蹂蹈爭羽相

殺者數十人最後楊喜呂馬童郎中呂勝楊武各得

其一體故分其地以封五人皆為列侯

是年漢王即皇帝位論功行封群臣爭功歲餘不決

帝以蕭何功最盛先封為鄼侯食邑八千戶羣臣皆

曰臣等身被堅執銳多者百餘戰少者數十合攻城

略地大小各有差今蕭何未有汗馬之勞徒持文墨

議論不戰顧居臣等上何也顧猶反也帝曰諸君知獵乎

曰知之知獵狗乎曰知之帝曰夫獵追殺獸者狗也

而發縱指示獸處者人也發縱謂解絀而放之也指示者以手指示之今俗言

放狗縱音子用反而讀者乃為蹤蹟之蹤非也今諸書本皆不為蹤字自有逐蹤之狗不待人發也今諸

君徒能走得獸耳功狗也至如蕭何發縱指示功人

也且諸君獨以身從我多者三兩人蕭何舉宗數十人皆隨我功不可忘也羣臣皆莫敢言列侯畢已受封奏位次皆曰平陽侯曹參身被七十創攻城略地功最多宜第一帝已撓功臣言多封何至位次未有以復難之然心欲何第一關內侯鄂千秋時為謁者進曰群臣議皆誤夫曹參雖有野戰略地之功此特一時之事夫帝與楚相距五歲失軍亡衆跳身遁者數矣跳身謂輕身走出也然蕭何常從關中遣軍補其處非帝所詔令召而數萬衆會帝乏絕者數矣夫漢與楚相守滎陽數年軍無見糧蕭何轉漕關中給食不乏陛下雖數亡山東蕭何嘗全關中待陛下此萬世功也今雖無曹參等百數何缺於漢數音所具反漢得之不必待以全奈何欲以一旦之功加萬世之功哉蕭何當第一曹參次之帝曰善於是乃令何賜帶劍履上殿入朝不趨帝曰吾聞進賢受上賞蕭何功雖高待鄂君迺得明於是因鄂千秋故所食關內侯邑二千戶封為安平侯是日悉封何父母兄弟十餘人皆食邑公孫戎高祖東圍項羽聞樊噲反旄頭公孫戎明之卒不反封戎二千戶

孝文元年十月詔曰前呂產自置為相國呂祿為上

將軍擅遣將軍灌嬰將兵擊齊欲代劉氏嬰留榮陽

與諸侯合謀以誅呂氏呂產欲為不善丞相平與太

尉勃等謀奪產等軍朱虛侯章首先捕斬產太尉勃

身率襄平侯通通紀通也持節承詔入北軍典客揭揭劉揭也

奪呂祿印其益封太尉勃邑萬戶賜金五千斤丞相

平將軍嬰邑各三千戶金二千斤朱虛侯章襄平侯

通邑各二千戶金千斤封典客揭為楊信侯賜金千

斤六月脩代來功自代時來有功者詔曰方大臣誅諸呂迎

朕朕狐疑皆止朕狐之為獸其性多疑每渡水河唯且聽且渡故言疑者而稱狐疑

中尉宋昌勸朕朕已得保宗廟以尊昌為衛將軍其

封昌為壯武侯諸從朕六人皆至九卿又曰列侯從

高祖入蜀者六十八人益邑各三百戶吏二千石以

上從高祖潁川守尊等十人食邑六百戶淮陽守卓

屠嘉等十人五百戶衛尉定等十人四百戶申屠嘉從高祖

擊項籍遷為隊率從擊黥布為都尉孝惠時為淮陽守至是舉故以二千石從高祖者悉以為關內侯食邑二十四人而加食邑五百戶

武帝元朔元年車騎將軍衛青出雲中取河南地為

朔方郡以三千八百戶封青為長平侯校尉蘇建為

平陵侯張次公為岸頭侯帝曰匈奴逆天理亂人倫

暴長虐老以盜竊為務行詐諸蠻夷造謀籍兵數為

邊害從蠻夷借兵鈔邊故興師遣將以征厥罪詩不云乎薄

伐獫狁至于太原出車彭彭城彼朔方今車騎將軍

青度西河至高關獲首二千三百級車輜畜產畢收

為鹵已封為列侯遂西定河南地案榆谿舊塞上郡之北

有諸次山諸次水出焉東經榆林塞為榆谿言軍尋此塞而行也絕梓嶺梁北河討

蒲泥破符離絕度也為北河作橋梁也蒲泥符離二王號也符離塞名斬輕銳之

卒捕伏聽者伏於隱者聽軍虛實三千一十七級執訊獲醜敵

馬牛羊百有餘萬全甲兵而還益封青三千八百戶

五年春車騎將軍衛青將三萬騎出高關衛尉蘇建

為游擊將軍左內史李沮為彊弩將軍沮音太僕公

孫賀為車騎將軍代相李蔡為輕車將軍皆領屬車

騎將軍俱出朔方大行李息岸頭侯張次公為將軍

俱出右北平匈奴右賢王當青等兵以為漢兵不能

至此飲醉漢兵夜至圍右賢王右賢王驚夜逃獨與

其愛妾一人騎數百馳潰圍北去漢輕騎校尉郭成

等追數百里弗得得右賢裨王十餘人裨王小王也若言裨將也

裨音頻眾男女萬五千人畜數十百萬數十萬以於

是引兵而還至塞天子使使者持大將軍印即軍中

拜青為大將軍即就也諸將皆以兵屬立號而歸帝曰

大將軍躬率戎士師大捷獲匈奴王十有餘人益封

帝王部

青八千七百戶而封青子伉為宜春侯伉音抗又子音工師反

不疑為陰安侯子登為發干侯青固謝曰固謂再臣三也

幸得待罪行間賴陛下神靈軍大捷皆諸校力戰之

功也陛下幸已益封臣青臣子在襁褓中未有勤勞

上幸裂地封為三侯非臣待罪行間所以勸士力戰

之意也伉等三人何敢受封帝曰我非忘諸較功也

今固且圖之乃詔御史曰護軍都尉公孫敖三從大

將軍擊匈奴常護軍傳較獲王傳讀曰附言敖總護諸軍每附部校以至

克捷而獲王也校者營壘之稱故謂軍之一部為一

校或曰幡旗之名非也每軍一校或別為幡耳不名

校封敖為合騎侯猶冠軍從都尉韓說從大軍出寶

渾塞名也寶音田渾音魂至匈奴右賢王庭為戲下戲讀曰

反言在大將軍搏戰獲王封說為龍額侯額字或騎

將軍賀從大將軍獲王封賀為南窳侯茂陵中書云南窳侯此本

字也窳音普教反窳亦同字輕車將軍李蔡再從大將軍獲王封

蔡為樂安侯校尉李朔趙不虞公孫戎奴各三從大

將獲王封朔為陟軹侯不虞為隨成侯戎奴為從平

侯將軍李沮李息及較尉豆如意中郎將綰皆有功

賜爵關內侯沮息如意食邑各三百戶校尉張騫以

知水草處得不乏封博望侯

元狩三年霍去病為驃騎將軍將萬騎出隴西有功

帝曰驃騎將軍率戎士踰烏韃諭與踰同韃古戾討字也烏韃山名也

邀濮邀古速字也邀濮濮匈奴部落名也涉狐奴水名也歷五王國輜重

人衆懾讐者弗取懾讐謂振動失志氣言距戰者幾誅服者則赦也讐音之涉反

獲單于子幾音巨永反轉戰六日過馬支山千有餘里合

短兵鏖臯蘭下鏖字本從金鏖聲轉寫訛耳鏖謂若擊而多殺也臯蘭山名也言苦戰於

臯蘭山下而多殺虜也鏖音意曹反今俗猶謂打擊之甚者曰鏖殺折蘭王斬盧侯

王折蘭匈奴中姓也今鮮卑有是蘭姓者即其種也折音上刑反說捍者誅全甲獲

醜執渾邪王子及相國都尉捷首虜八千九百六十

級收休屠祭天金人今之佛像是也休屠音儲師率滅什七

漢兵失亡之數益封去病二千二百戶其夏去病出

北地遂深入合騎侯失道不相得去病至祁連山山即天山也匈奴呼天為祁連祁音上夷反捕首虜甚多帝曰票騎將軍

涉鈞耆濟居延鈞耆居延皆水名也淺曰涉深曰濟涉謂人馬涉渡也濟謂以舟船也

遂臻小月氏攻祁連山揚武平鯨得鯨得匈奴中地名張掖縣轉取

其名得單于單栢單栢音才由反塗音塗及相

國都尉以衆降下者二千五百人可謂能舍服知成

而止矣捷首虜三萬二百獲五王王母單于闕氏王

子五十九人相國將軍當戶都尉六十三人師大率

滅什三益封去病五千四百戶賜較尉從討小月氏

者爵左庶長鷹擊司馬破奴趙破奴再從票騎將軍斬

邀濮王捕稽且王且音子右千騎將王王母各一人

王子以下四十一人捕虜三千三百三十人前行捕

虜千四百人前行謂在軍封破奴為從票侯從票騎將軍有

功因以為號校尉高不識從票騎將軍捕呼于者王王子

以下十一人捕虜千七百六十八人封不識為宜寇

侯較尉僕多有功封為輝渠侯其秋渾邪降去病將

兵往迎之於是帝嘉去病之功曰票騎將軍去病率

師征匈奴西域王渾邪王及厥眾萌咸犇於率萌字與吐

同犇古奔字也以軍糧接食并將控弦萬有餘人言能引弓皆堪戰陳

誅獍捍獍徒行輕貌也字或作超悍勇捷首虜八千

餘級降異國之王三十二戰士不離傷離遺也十萬之

眾畢懷集服仍興之勞爰及河塞庶幾忘患重與軍旅之勞

及比河沙塞之表可得寧息無憂患也以千七百戶益封票騎將軍

隴西地上郡戍卒之半以寬天下繇役廼分處降者

於邊五郡故塞外而皆在河南因其故俗為屬國

四年霍去病出征匈奴騎兵車重與大將軍軍等直重

用而亡裨將悉以李敢等為大校當裨將出代右北

平二千餘里直左方兵直當也所斬捕功以多於青旄

皆還帝曰票騎將軍去病率師躬將所獲輦狁之士

堯曰獯鬻周曰玁狁秦約輕齎絕大幕涉獲單于章

日匈奴輦輦字與熏同

渠章渠單于之近臣也涉水而破獲之以誅北車者王號也轉擊左大

雙獲旗鼓歷度難侯山名也濟弓盧水名也獲屯頭王韓

王等三人皆匈奴王號將軍相國當戶都尉八十三人封

狼居胥山禪於姑衍登臨瀚海積土增山曰封為壇祭地曰禪執訊

獲醜七萬有四百四十三級師率減什二取食於敵

卓行殊遠而糧不絕以五千八百戶益封票騎將軍

右北平太守路博德屬票騎將軍會興城不失期從

至檣余山檣音籌其字從木斬首捕虜二千八百級封博德

為邳離侯北地都尉衛山從票騎將軍獲王封山為

義陽侯故歸義侯因淳王復陸支樓剌王伊即軒音居言反皆從票騎將軍有功封陸支為壯侯伊即

軒為衆利侯從票侯破奴昌武侯安稽從票騎有功

益封各三百戶漁陽太守解較尉敢皆獲鼓旗賜爵

關內侯解食邑三百戶敢二百戶校尉自為爵左庶

長軍吏卒為官賞賜甚多而青不得益封吏卒無封

者唯西河太守嘗惠雲中太守遂成受賞遂成秩諸

侯相賜食邑二百戶黃金百斤惠爵關內侯

元封元年東粵王餘善反遣橫海將軍韓說出句章

樓船將軍楊僕出武林討東粵發兵距險使徇北將

軍守武林敗樓船軍數校尉殺長史樓船軍卒錢塘

帝王部

猿終古斬狗北將軍等會稽縣也猿姓終古名也猿音袁封為語兒

侯越中地也今吳南亭是語字或作禦其音同也自兵未往故粵衍侯吳陽

前在虞漢使歸諭餘善不聽及橫海軍至陽以其邑

七百人反攻粵軍於漢陽及故粵建成侯敖與繇王

居股謀俱殺餘善以其眾降橫海軍封居股為東成

侯萬戶封敖為開陵侯封陽為卵石侯橫海將軍說

為按道侯橫海較尉福為繚嫫侯繚音遼嫫音於耕反福者城

陽王子故為海嘗侯坐法從軍爵亡故以宗室故侯

及東粵將多軍多軍名漢兵至棄軍降封為無錫侯故

甌落將左黃同斬西于王封為下邳侯邳音

二年左將軍荀彘等擊朝鮮王右渠朝鮮相陶啖路

人皆亡降漢路人道歿三年夏尼谿相參廼使人殺

朝鮮王右渠來降王守險城未下故右渠之大臣成

已又反覆改變左將軍使右渠子長古渠之子名長降相路

人子最相路人前已降漢而歿於道故謂之降相最者其子名告諭其民誅成

已故遂定朝鮮為貞番臨屯樂浪玄菟四郡封參為

漑清侯漑音獲陶為秋苴侯功臣表秋苴屬渤海苴音千餘反啖為平

州侯長為幾侯最以父歿頗有功為涅陽侯

太初四年貳師將軍李廣利斬大宛王首獲汗血馬

來乃下詔曰匈奴為害久矣今雖徙幕北與旁國謀

共絕大月氏使遮殺中郎將江故鴈門守懷危須

西及大宛皆合約殺期門車令危須國名也漢使期門郎也車令姓名也

中郎將朝及身毒國使隔東西道貳師將軍廣利征

討厥罪伐勝大宛賴天之霧從沂河北涉流沙通西

海山雪不積士大夫徑度獲王首虜珍怪之物畢陳

於闕其封廣利為海西侯食邑八千戶又封斬郗成

王者趙弟為新時侯軍正趙始成功最多為光祿大

夫上官桀敢深入為少府李哆有計謀為上黨太守

哆音昌野反軍官吏為九卿者三人諸侯相郡守二千石

百餘人千石以下千餘人奮行者官過其望以適遇

行者皆黜其勞通讀士卒賜直四萬錢或以他財充之故云

征和二年戾太子反軍敗武帝曰侍郎莽通獲反將

如侯長安男子景建從獲少傅石德可謂元功矣大

鴻臚商丘成力戰獲反將張光其封通為重今侯建

為德侯成為秬侯秬音妬在濟陰城武今有亭戾太子兵敗亡至

湖湖縣名今號州閩鄉湖城二縣皆其地也臧匿泉鳩里泉鳩水今在閩鄉縣東南十五

里見有戾太子冢在澗東也主人家貧常賣履以給太子太子有

故人在湖聞其富贍使人呼之贍足也而發覺吏圍捕

太子太子自度不得脫度音大各反即入室距戶自經山

陽男子張富昌為卒足蹋開戶新安令史李壽趨抱

解太子主人公遂格闔歿皇孫二人皆并遇害上既傷太子乃下詔曰蓋行疑賞所以申信也其封李壽

為邗侯邗在河內為其解張富昌為題侯邗音于

三年城父令公孫勇與容胡倩等謀反倩詐稱光祿大夫從軍騎數十言使督盜賊止陳留傳舍太守謁

見欲收取之淮陽大守田廣明覺知發兵皆捕斬焉而公孫勇衣繡衣乘駟馬車至圍圍使小吏侍之亦

知其非是守尉魏不害與廐嗇夫江德尉史蘇昌共收捕之帝封不害為當塗侯德轅陽侯昌蒲侯初四

人俱拜於前小史竊言武帝問言何對曰為侯者得東歸不帝曰汝欲不貴矣言汝意欲歸不吾令女

名為何對曰名遺鄉帝曰用遺汝也遺弋於是賜小

史爵關內侯食遺鄉六百戶

後元元年侍中僕射莽何羅與弟重合侯通謀為逆

莽音莫霍光與金日磾上官桀等共誅之功未錄武

帝遺詔封金日磾為秬侯上官桀為安陽侯光為博

陸侯博大陸平取其嘉名無此皆以前捕反者功封

昭帝始元六年使匈奴移中廡監移中廡名蘇武至京師

詔武奉一太牢謁武帝園廟拜為典屬國秩中二千

石賜錢二百萬公田二頃宅一區常惠徐聖趙中根

明賞

共絕大月氏使遮殺中郎將江故鴈門守攘危須以

西及大宛皆合約殺期門車令危須國名也漢使期門郎也車令姓名也

中郎將朝及身毒國使隔東西道貳師將軍廣利征

討厥罪伐勝大宛賴天之霧從沂河北涉流沙通西

海山雪不積士大夫徑度獲王首虜珍怪之物畢陳

於闕其封廣利為海西侯食邑八千戶又封斬郿成

王者趙弟為新時侯軍正趙始成功最多為光祿大

夫上官桀敢深入為少府李哆有計謀為上黨太守

哆音昌軍官吏為九卿者三人諸侯相郡守二千石

百餘人千石以下千餘人奮行者官過其望以適過

行者皆黜其勞日謫士卒賜直四萬錢或以他財充之故云

征和二年戾太子反軍敗武帝曰侍郎莽通獲反將

如侯長安男子景建從獲少傅石德可謂元功矣大

鴻臚商丘成力戰獲反將張光其封通為重今侯建

為德侯成為稗侯稗音妬在濟陰城武今有亭戾太子兵敗亡至

湖湖縣名今號州閩鄉湖城二縣皆其地也臧匿泉鳩里泉鳩水今在閩鄉縣東南十五

里見有戾太子主人家貧常賣履以給太子太子有

豕在澗東也故人在湖聞其富贍使人呼之贍足也而發覺吏圍捕

太子太子自度不得脫度音大各反即入室距戶自經山

陽男子張富昌為卒足蹋開戶新安令史李壽趨抱

冊子元帝王部

解太子主人公遂格闔歿皇孫二人皆并遇害上既

傷太子乃下詔曰蓋行疑賞所以申信也其封李壽

為邗侯

邗在河內為其解救太子也邗音于

張富昌為題侯

三年城父令公孫勇與容胡倩等謀反倩詐稱光祿

大夫從軍騎數十言使督盜賊止陳雷傳舍太守謁

見欲收取之淮陽大守田廣明覺知發兵皆捕斬焉

而公孫勇衣繡衣乘駟馬車至圍圍使小吏侍之亦

知其非是守尉魏不害與廐嗇夫江德尉史蘇昌共

收捕之帝封不害為當塗侯德轅陽侯昌蒲侯初四

人俱拜於前小史竊言武帝問言何對曰為侯者得

東歸不帝曰汝欲不貴矣

言汝意欲歸不吾令貴汝謂賜之爵也

女

名為何對曰名遺鄉帝曰用遺汝也

遺弋

於是賜小

史爵關內侯食遺鄉六百戶

葬音莫

後元元年侍中僕射莽何羅與弟重合侯通謀為逆

帝遺詔封金日磾為秬侯上官桀為安陽侯光為博

陸侯

博大陸平取其嘉名無此縣也食邑北海河東城

皆以前捕反者功封

昭帝始元六年使匈奴移中廐監

移中廐名

蘇武至京師

詔武奉一太牢謁武帝園廟拜為典屬國秩中二千

石賜錢二百萬公田二頃宅一區常惠徐聖趙中根

皆拜為中郎賜帛各二百匹其餘六人老歸家賜錢

人十萬復終身

復音方
目反

武自孝武時使匈奴留單于

庭十九年帝即位匈奴與漢和親遣使求武等單于

召會武官屬

會謂集
聚也

前以降及物故凡隨武還者九

人

物故謂歿也言其同於鬼物而故也一說不欲斥
言但云其所服用之物皆已故耳而說者妄欲改

物為勿
非也故有是命

元鳳元年十月誅上官桀等詔曰左將軍安陽侯桀

票騎將軍桑落侯安御史大夫桑弘羊皆數以邪枉

干輔政大將軍不聽而懷怨望與燕王通謀置驛往

來相約結燕王遣壽西長孫縱之等賂遺長公主丁

外人謁者杜延年大將軍長史公孫遺等交通私書

共謀令長公主置酒伏兵殺大將軍光徵立燕王為

天子大逆母道故稻田使者燕倉先發覺以告大司

農敞敞告諫大夫延年延年以聞丞相徵事任宮手

捕斬桀丞相少史王壽誘將安入府門皆已伏誅吏

民得以安封延年倉宮壽皆為列侯

三年匈奴遣右賢王犁汗王入寇張掖都尉大擊破

之屬國千長義渠王騎士射殺犁汗王

千長者千賜
人之長

黃金二百斤馬二百匹因封為犁汗王屬國都尉郭

忠封成安侯

四年詔曰度遼將軍范明友前以羗騎校尉將羗王侯君長以下擊益州反虜後復率擊武都反氏今破烏桓斬虜獲生有功其封明友為平陵侯

平樂廐監傅介子使西域刺殺樓蘭王持首還詣闕公卿將軍議者咸嘉其功帝廼下詔曰樓蘭王安歸

嘗為匈奴間候遮漢使者言為匈奴之間使而候伺發兵殺略衛

司馬安樂光祿大夫忠期門郎遂成等三輩及安息

大宛使盜取節印獻物此安息大宛遠遣使獻漢而樓蘭王使人盜取所獻之物

大宛等使所獻也樓蘭既殺漢使又殺諸國使者甚逆天理平樂監傅介子

持節使誅斬樓蘭王安歸首縣之北闕以直報怨

以直報怨以德報怨於我者則直道而報之故詔引之也不煩師眾其封介子

為義陽侯食邑七百戶士刺王者皆補侍郎

宣帝本始元年論定策功益封大將軍光萬七千戶

車騎將軍光祿勳富平侯安世封益萬戶丞相陽平

侯義度遼將軍平陵侯明友前將軍龍額侯增太僕

建平侯延年太常蒲侯昌諫大夫宜春侯譚當塗侯

平杜侯屠耆堂長信少府關內侯勝邑戶各有差封

御史大夫廣明為昌永侯後將軍充國為營平侯大

司農延年為陽城侯少府樂成為爰氏侯光祿大夫

遷為平丘侯賜右扶風德典屬國武廷尉光宗正德

大鴻臚賢詹事畸光祿大夫吉京輔都尉廣漢爵皆

關內侯德武食邑舊關內侯無邑也以蘇武守節外國劉德宗室俊彥故特令食邑又

傳云帝即褒賞大臣曰延年以定策安宗廟益戶三千三百與始封所食邑凡四千三百戶詔有司論定

策功大司馬大將軍光功德過太尉絳侯周勃車騎將軍安世丞相楊敞功比丞相陳平前將軍韓增御

史大夫蔡誼功比穎陰侯灌嬰太僕杜延年功比朱虛侯劉章後將軍趙充國大司農田延年少府史樂

成功比典客劉揭遂封侯

地節四年霍氏誅下詔曰大司馬禹與母顯及從昆

弟諸壻謀為大逆男子張章先覺發以語期門董忠

忠告左曹楊惲惲告侍中金安上惲召見對狀後章

上書以聞侍中史高與金安上建發其事言其立言意發之

無入霍氏禁闥卒不得遂其謀也遂成也皆讎有功也讎等也言

其功相封章為傅成侯忠高昌侯惲平通侯安上都

成侯高樂陵侯安上為侍中頗與發舉楚王延壽反謀賜爵關內侯食邑三百戶後霍氏

反安上傳禁門闥無內霍氏親屬封為都成侯

元帝元光二年秋隴西羌多姐旁種反以光祿勳馮

奉世為右將軍擊之任千秋為奮武將軍以助焉羌

虜大破斬首數千級餘皆出走塞明年二月奉世還

京師更為上將軍光祿勳如故錄功拜爵下詔曰羌

虜桀黠賊吏民攻隴西府寺燔燒置亭置謂直驛之所絕道

橋甚逆天道左將軍光祿勳奉世前將兵征討斬捕

首虜八千餘級鹵馬牛羊以萬數賜奉世爵關內侯
食邑五百戶黃金六十斤將較三千餘人皆拜

成帝永始二年十二月詔曰前將作大匠萬年知昌

陵卑下不可為萬歲居奏請營作建置郭邑妄為巧

詐積土增高多賦歛繇役興卒暴之作卒讀曰猝

徒蒙辜死者連屬屬音之百姓罷極天下匱竭罷讀曰疲

匱空也常侍閔前為大司農中丞數奏昌陵不可成

侍中衛尉長數白宜早止徙家反故處長厚于朕以

長言下閔章以衛尉長數白罷故因公卿議者皆合

長計首建至策閔典主省大費司農中丞主錢穀民

以康寧閔前賜爵關內侯黃金百斤其賜長爵關內

侯食邑千戶閔五百戶

三年十一月尉氏男子樊並等十三人謀反尉氏陳

殺陳畱太守劫略吏民自稱將軍徒李譚等五人共

格殺並等皆封為列侯

哀帝以綏和二年四月即位六月詔曲陽侯根前以

大司馬建社稷策益封二千戶王根也建議立太僕

安陽侯舜輔道有舊恩益封五百戶王舜及丞相孔

光大司空汜鄉侯何武益封各千戶

後漢光武建武二年正月甲子吳漢率大司空王梁

建義大將軍朱祐大將軍杜茂執金吾賈復揚化將軍堅鐔偏將軍王霸騎都尉劉隆馬武陰識共擊擅鄉賊於鄴東鄣水上大破之降者十餘萬人帝使使者璽書定封漢為廣平侯食廣平斥漳曲周廣年凡四縣庚辰詔曰人情得足苦於放縱快須臾之欲忘慎罰之義惟諸將業遠功大誠欲傳於無窮宜如臨深淵如履薄冰戰戰慄慄日慎一日其顯効未酬名籍未立者大鴻臚趣上朕將差而錄之

六年二月大司馬吳漢拔胸獲董憲龐萌山東悉平諸將還京師置酒賞賜

是年竇融為涼州牧與弟奉車都尉友從弟太中大夫士共擊隗囂眾大潰城邑皆降帝高融功下詔以安豐陽泉蓼安安風四縣封融為安豐侯弟友為顯親侯遂以次封諸將帥武鋒將軍竺曾為助義侯武威太守梁統為成義侯張掖太守史苞為褒義侯金城太守庫鈞為輔義侯酒泉太守辛彤為扶義侯封爵既畢乘輿東歸悉遣融等西還所鎮

十三年夏四月大司馬吳漢自蜀還京師於是大饗

將士班勞策勲

班布也謂徧布勞來之其有功者功以策書紀其勲也勞音力到反

臣增邑更封凡三百六十五人其外戚恩澤封者四

十五人

明帝永平十三年男子燕廣告楚王英有逆謀英自殺於是封燕廣為折姦侯

周澤為太嘗後北地太守廖信廖音力 弔反坐貪穢下獄

沒入財產明帝以信藏物班諸廉吏唯澤及光祿勳

孫堪大司農嘗冲特蒙賜焉是時京師翕然在位者

咸自勉勵

章帝建初元年耿恭為戊巳校尉北匈奴圍之恭固

守漢遣兵迎之及恭至雒陽鮑昱奏恭節過蘇武宜

蒙爵賞於是拜為騎都尉以恭司馬石修為雒陽市

丞張封為雍營司馬軍吏范羗為共丞共今衛州餘

九人皆補羽林恭母先卒及還追行喪制有詔使五

官中即將齋牛酒釋服

和帝永元二年七月車騎將軍竇憲既破北單于乃

振旅還京師于是大開倉府勞賜士吏其所將諸郡

二千石子弟從征者悉除太子舍人

安帝永初二年西羗零昌種眾寇益州遣中郎將尹

就將南陽兵因發益部郡諸屯兵擊零昌黨呂叔都

等至秋蜀人陳省羅橫應募刺殺叔都皆封侯賜錢

五年鄧遵募上郡全無種羗雕何等刺殺狼莫賜雕

何為羗侯封遵武陽侯三千戶

其年漢陽人杜琦及弟季貢同郡王信等與羗通謀聚入上邽城琦自稱安漢將軍於是詔購募得琦首者封列侯賜錢百萬羗胡斬琦者賜金百斤銀二百斤漢陽太守趙博遣刺客杜習刺殺琦封習討姦侯賜錢百萬

順帝初為太子安帝延光三年車騎將軍閻顯中嘗侍江京等構陷帝廢為濟陰王明年北鄉侯薨中嘗侍孫程等迎帝於德陽殿西鍾下即位近臣尚書以下從輦幸南宮者皆增秩賜布各有差

郭鎮為尚書及中黃門孫程誅江京等立帝鎮率羽林士擊殺閻景以成大功再遷尚書令太傅三公奏尚書鎮冒犯白劔手刃賊臣姦黨於滅宗廟以寧功比劉章章齊王肥子也高帝孫誅諸呂有功封朱虛侯宜顯爵土以勵忠貞乃封鎮為定穎侯食邑二千戶

桓帝延熹二年八月詔曰梁冀姦暴濁亂王室孝質皇帝聰敏早茂冀心懷忌畏私行殺毒永樂太后親尊莫二和平元年有司奏太后所居皆以永樂為稱置官屬太僕少府焉冀又過絕

禁還京師使朕離母子之愛隔顧復之恩禍害深大罪釁日滋賴宗廟之靈及中嘗侍單超徐璜具瑗左

棺唐衡尚書令尹勲等激憤建策內外協同漏刻之
 間桀逆梟夷斯誠社稷之祐臣下之力宜班慶賞以
 酬忠勲其封超等五人為縣侯勲等七人為亭侯
 獻帝建安元年車駕歸洛陽封衛將軍董承輔國將
 軍伏完侍中丁冲种輯尚書僕射鍾繇尚書郭溥御
 史中丞董分彭城相劉艾馮翊韓斌東郡太守楊衆
 議郎羅郡伏德趙縶等十三人為列侯賞有功也

魏大祖以建安十二年春二月下令曰吾起義兵誅
 暴亂於今十九年所征必克豈吾功哉乃賢士大夫
 之力也天下雖未悉定吾當要與賢士大夫共定之
 而專饗其勞吾何以安焉其促定功行封於是大封
 功臣二十餘人皆為列侯其餘各以次受封及復成
 事之孤輕重各有差太祖曰忠正密謀撫寧内外文
 若是也公達其次也文若增邑千戶合二千戶公達

增邑四百并前七百戶

太祖自柳城還過攸舍稱述攸前後謨謀勞勲曰今天下

事略已定矣孤願與賢士大夫共享其勞昔高祖使張子房自擇邑三萬戶今孤亦欲君自擇所封焉

轉為中軍師

文若荀彧公達荀攸

文帝黃初四年八月論征孫權功諸將已下進爵增
 戶各有差

明帝太和二年四月己巳論討諸葛亮功封爵增邑

各有差亮初出祁山盪寇將軍張郃位特進遣督將軍拒亮將馬謖於街亭謖依阻南山不下據城郃絕其汲道擊大破之南安天水安定郡反應亮郃皆破平之詔曰賊將以巴蜀之衆當虓虎之帥將軍被堅執銳所向克定朕甚嘉之益邑千戶并前四千三百戶

景初二年司馬宣王征公孫淵遼東郡縣悉平錄討淵功宣王以下增邑封爵各有差又以遼東平定以參謀之功各進爵中書監劉放方成侯中書令孫資中都侯

高貴鄉公甘露二年五月己卯詔曰諸葛誕造攝逆亂迫協忠義平寇將軍臨渭亭侯龐會騎督偏將軍路蕃各將左右斬門突出忠莊勇烈所宜加異其進會爵鄉侯蕃封亭侯六月大論淮南之功封爵行賞各有差

陳留王景元四年西蜀譙周說劉禪降魏劉氏無虞一邦蒙賴周之謀也時晉文王爲相國以周有全國之功封陽城亭侯

咸熙元年七月癸巳詔曰前逆臣鍾會構造反亂聚集征行將士劫以兵威始吐姦謀發言桀逆逼脅衆

人皆使下議倉卒之際莫不驚懾相國左司馬夏侯和騎士曹屬朱撫時使在成都中領軍司馬賈輔郎中羊琇各參會軍事和琇撫皆抗節不撓拒會凶言臨危不顧詞旨正烈輔語散將王起說會姦逆凶暴欲殺將士又云相國已率三十萬衆西行討會欲以稱張形勢感激衆心起出以輔言宣語諸軍遂使將士益懷奮勵宜加顯寵以彰忠義其進和輔爵爲鄉侯琇撫爵關內侯起宣傳輔言告令將士所宜賞異其以起爲部曲將

晉武帝泰始六年涼州爲虜所沒帝臨朝歎曰誰能爲我討此虜乎司馬督馬隆曰臣能平之公卿僉曰不可從也帝弗納以隆爲武威太守隆西渡溫水轉戰千里殺傷以千數自隆之西音聞斷絕朝廷憂之或謂已沒後隆使夜到帝撫掌歡笑詰朝召羣臣謂曰若從諸卿言是無秦涼也乃詔曰隆以偏師寡衆奮不顧難冒險能濟其假節宣威將軍加赤幢曲蓋鼓吹涼州旣平朝議將加隆將士勲賞有司奏隆將士皆先加顯爵不應更授衛將軍楊珧駁曰前精募將士少加爵命者此適所以爲誘引今隆前軍獨尅西土獲安不得便以前授塞此後功宜皆聽許以明

要信乃從玅議賜爵加秩各有差

太康元年平吳下詔曰使持節都督揚州諸軍事安東將軍京陵侯王渾督率所統逐逼秣陵令賊孫皓救死自衛不得分兵上赴以西軍之功又摧大敵張悌使皓塗窮勢盡面縛乞降遂平定秣陵功勳茂著其封八千戶進爵爲公封子澄爲亭侯弟湛爲關內侯賜絹八千匹轉征東大將軍王濬爲東平將軍縛吳孫皓送京師以濬爲安東將軍爲王渾所嫉及濬至京都有司奏濬表旣不列前後所被七詔月日又赦後違詔不受渾節度大不敬付廷尉科罪詔曰濬前受詔徑造秣陵後乃下受渾節度詔書稽留所下不至便令與不受詔同責未爲經通濬不即表上被渾宣詔此可責也濬有征伐之勞不足以一眚掩之有司又奏濬赦後燒賊船百三十五艘輒勅付廷尉禁推詔曰勿推拜濬輔國大將軍領步兵較尉舊較唯五置此營自濬始也有司又奏輔國依此未爲違官不置司馬不給官騎詔依征鎮給五百大車增兵五百人爲輔國營給親騎百人官騎十人置司馬爲襄陽縣侯邑萬戶封子彝陽鄉亭侯邑千五百戶賜絹萬匹又賜衣一襲錢三十萬及食物又詔曰廣

武將軍唐彬受任方隅東禦吳寇南臨蠻越撫寧疆
場有禦綏之績又每慷慨志在立功頃者征討扶疾
奉命首啓戎行獻俘授馘勲効顯著其以彬爲右將
軍都督巴東諸軍事徵拜叅軍較尉改封上庸縣侯
食邑六千戶賜絹六千匹又詔曰尚書關內侯張華
前與故太傅羊祜共創大計遂典掌軍事部分諸方
筭定權略運籌決勝有謀謨之勲其進封爲廣武縣
侯增邑萬戶封子一人爲亭侯千五百戶賜絹萬匹
於是論功行封賜公卿以下帛各有差

明帝太寧二年王敦平以王導爲始興郡公邑三千
戶賜絹九千匹丹陽尹溫嶠建寧縣公尚書卞壺建
興縣公中書監庾亮永興縣公北中郎將劉遐泉陵
縣公奮武將軍蘇峻邵陵縣公邑各一千八百戶絹
各五千四百匹尚書令郗鑿高平縣侯護軍將軍應
詹觀陽縣侯邑各千六百戶絹各千八百匹建威將
軍趙裔湘南縣侯右將軍卞敦益陽縣侯邑各千六
百戶絹各三千二百匹其餘封賞各有差

成帝咸和四年蘇峻平三月壬子以征西大將軍陶
侃爲太尉封長沙郡公車騎將軍郗鑿爲司空封南
昌縣公平南將軍溫嶠票騎將軍開府儀同三司封

始安郡公其餘封拜各有差右光祿大夫陸曄不以
凶威變節加衛將軍給千兵百騎又以勲進爵爲公
封次子嘏新康子

孝武太元十年論淮淝之功追封謝安廬陵郡公封
謝石南康公謝玄康樂公謝琰望蔡公桓伊永修公
自餘封拜各有差

安帝義熙十年十月桓玄敗車駕反正論興復之功
封車騎將軍劉裕爲豫章郡公撫軍將軍劉毅南平
郡公右將軍何忌安成郡公自餘封賞各有差

十一年論平蜀功封劉義隆彭城公朱齡石豐城公
後魏道武登國二年正月班賜功臣長孫嵩等七十
三人各有差

三年六月北征康莫奚大破之獲其四部雜畜十餘
萬渡弱落水班賞將士各有差

六年十月北征蠕蠕追之及於大磧南林山下大破
之班賜從臣有差

十年十月大破慕容寶衆於參合陂班賞大臣將較
各有差

孝文大和六年二月癸丑賜王公以下清勤著稱者
穀帛有差

宣武景明初傳永爲汝陽鎮將時裴叔業將以壽春歸國密通於永永具表聞及將迎納詔永爲統軍與揚大眼奚康生等諸軍俱入壽春同日而永在後故康生大眼二人並賞列士永唯加清河男

前廢帝普泰元年八月庚子詔隴西王爾朱光天下文武討宿勤明達者泛三級

後廢帝中興元年十月齊獻武王大破爾朱兆於廣阿虜其卒五千餘人詔將士泛五級畱守者一級

二年齊獻武王拔鄴擒刺史劉誕詔諸將士泛四級封侯增邑九十七人各有差

後周武帝建德五年十二月以平齊諸有功者封授各有差

六年二月論定齊諸軍勲置酒於齊太極殿會軍士以班賜有差王勇本名胡仁爲衛大將軍殷州刺史邛山之戰勇率敢死之士三百人並執短兵大呼直進出入衝擊殺傷者甚多敵人無敢當者是役也大軍不利唯勇及王文達耿令貴三人力戰皆有殊功帝於是賞帛二千匹令自分之軍還皆拜上州刺史以雍州岐州北雍州擬授勇等然州頗有優劣又令探籌取之勇遂得雍州文達得岐州令貴得北雍州

仍賜勇名爲勇令貴名豪達名傑以彰其功
隋文帝時段達爲車騎將軍高智惠李勣之亂達率
衆一萬擊方淦二州賜縑千段遷儀同又破汪文進
於宣州加開府賜奴婢五十口綵絹四千段
煬帝時突厥圍馬門鴻臚少卿蘇憂於鎮城東南爲
弩樓東箱獸圈一夕而就帝見善之以功進位通議
大夫

冊府元龜

巡按福建監察御史臣李嗣京 訂正

知 閩 縣 事 臣 曹鼎臣 參閱

知 建 陽 縣 事 臣 黃國琦 較釋

帝王部 一百二十八

明賞第二

唐高祖義師平京師義寧二年正月論功行賞其登
京城第一勲授光祿大夫開國郡公物一千段雖第
一勲而身歿者亦准此其官迴授子弟宅奴婢仍並
量給第二勲人各授三轉物二百段第三勲人從朝

散加

武德二年四月甲寅出庫物一百五十萬段以分賜太原元從人

太宗武德九年八月甲子即位九月己酉詔曰褒賢昭德昔王令典旌善念功有國彝訓吏部尚書上黨縣公長孫無忌中書令臨淄侯房玄齡右武侯大將軍尉遲敬德兵部尚書建平男杜如晦左衛大將軍椒子侯君集等或夙預謨謀綢繆帷幄竭心懇到備申忠益或早從任位契闊戎麾誠著艱難績宣內外義貫終始志貞金石誓以河山實允朝議無忌可齊

國公君集可潞國公食邑各三千戶又真食邑各有差遣侍中陳叔達於殿下唱名示之謂朕叙公等勳量定封邑不能盡當宜各自言帝從父淮安王神通進曰義旗初起臣率兵先至今房玄齡杜如晦等刀筆之人功名第一臣竊不伏帝曰義旗初起人皆有心叔父雖得率兵未嘗身履行陣山東未定受委專征建德南侵合軍咸沒於後劉黑闥翻動叔父望風而敗今計勳行賞玄齡等有籌謀帷幄畫定社稷之功所以漢之蕭何雖無汗馬指縱推轂故得功居第一也叔父於國至親誠無所愛但以不可緣私濫與

勲臣同賞耳初丘師利等訴者極多或懷袂指天以

手畫地見淮安不得理由是皆息自相謂曰陛下以

至公行賞不私其親吾屬何妄訴又云秦府副護軍尉遲敬德從平隱

太子巢刺王論功行賞敬德及長孫無忌為第一各賜絹一萬匹齊府國司州幣器物封其全邸物與敬

德賜吳國公真寶封一千二百戶

馬三寶為太子監門率領平道軍將帝嗣位有沙門

法雅謀為妖逆三寶知而奏之法雅竟坐誅於是拜

大將軍賜帛五百匹進爵為公

竇靖為夏州都督屬突厥攜貳諸將出征多詣其所

靖素知虜中虛實具言方畧諸將因之每致尅捷帝

稱善賜物五百段

高宗總章元年十二月破高麗以僧信誠為銀青光

祿大夫賞先降也特進東代都督玄菟郡公泉南生

為右衛大將軍進卞國公賞其鄉導有功也左驍衛

大將軍簡較右羽林軍兼簡較司文正卿郿國公契

苾何力為鎮軍行左衛大將軍徙封涼國司空英

國公勣加授兼太子太師仍加實封通舊一千一百

戶其嫡孫敬業授朝散大夫右武衛將軍薛仁貴為

威衛大將軍封平陽郡公右監門將軍五原郡公李

謹行為右武衛大將軍賞平高麗之功也

睿宗景龍四年即位六月辛丑以平韋氏功論所賞
封薛宗暉爲立節郡王鍾紹京銀青光祿大夫行中
書侍郎賜爵潁川郡公劉幽求爲中書舍人仍參知
機務賜爵中山縣男白餘封各有差

玄宗先天二年七月誅竇懷貞等賞定策功臣下制
曰大臣立事夷險不易良相升朝安危所繫兵部尙
書同中書門下三品郭元振偉材生代宏量鎮時經
綸文章今之王佐出入將相古之人傑夙侍帷扆
咨廟堂思志堯舜以期管樂朕往在儲闈洎登寶位
每觀其人聞義感激願判忠邪立誠慷慨密陳弘益
爾其至矣朕實嘉之頃者梟獍興謀干戈作釁太上
皇命朕除討元振又馳奉宸極始則賚予爲弼終則
寧朕問安可謂格于皇天貫于白日元惡旣翦物共
爲新昌言是圖朕豈忘舊宜開井邑永誓河山元振
可封爲代國公食實封四百戶賜物一千段以前中
書侍郎王琚爲戶部尙書封趙國公食實封三百戶
殿中監張皎爲工部尙書封楚國公食實封五百戶
太僕少卿王守一爲太常卿封晉國公食實封五百
戶殿中少監李令問爲殿中監封宋國公食實封五
百戶庚午琚皎令問皆以崇寵固辭乃以琚復爲中

書侍郎加實封二百戶通舊五百戶皎爲殿中監
內外閑廐使加實封二百戶通舊七百戶令問復爲
殿中少監兼知尙書加實封二百戶通舊五百戶進
將軍王毛仲爲霍國公賜實封一百戶通舊三百戶
賜吏部侍郎兼雍州長史齊國公崔日用實封二百
戶通舊四百戶又制曰侍中兼太子左庶子梁國公
魏知古中書侍郎同中書門下三品陸象先頃屬
虞殲殄凶醜咸能倉卒之際志不顧身訐謨之初邪
莫干正有罪斯服抑惟王典無言不酬以勸臣節俾
加茅土式寵鹽梅知古賜食實封二百戶物二百段
象先封兗國公食實封二百戶賜物五百段又賜美
皎王守一王琚李令問王毛仲甲第各一區並加上
柱國

八月己亥以中書令張說郊王傳兼國子祭酒褚
量輔導有功制曰無量執經傳禮敷暢微言俾予遊
夫子之門知先生之道者侍講之功也說又定策
撫謀始危言防萌屯難慮終竭節以身許國其誠動
天夫爵有德封有功眷彼茂勤宜弘賞典以桓榮之
稽古況蕭何之指縱是用欽若朝經差其井賦說可
封燕國公食實封三百戶無量可右散騎嘗侍兼國

子祭酒封舒國公食實封三百戶

開元二年四月戊午進封郭虔瓘爲太原郡開國公食邑二千戶封郭知運爲介林縣開國公食邑一千戶以賞功也制曰賞有功報有德者政之慧也若功不賞德不報則何謂哉右驍衛將軍兼北庭都護瀚海軍經略使金山道副大總管招慰營田等使太原縣開國子郭虔瓘右驍衛中郎將簡較伊州刺史兼伊吾軍使郭知運等早負名節見稱義勇頃者抑中金蒲偏師禦敵蕭條窮漠之外奔迫孤城之下疆寇益侵援兵不至旣守而戰背秋涉冬櫜馬長嘶戍人遠望謀以十勝成其九拒遂能摧日逐之遺種斬驕之愛息豈耿恭班超獨高前史將廉頗李牧與朕同時眷言茂勲是所嘉歎信可疇其井邑昭示遐邇俾勞臣勸而懦夫立焉庚申又以虔瓘爲左驍衛大將軍知運爲右驍衛將軍仍賜衣一襲以崇其寵九年夏四月庚寅胡賊康待賓搃長泉縣作逆秋七月巳酉擒待賓至京師腰斬之巳丑朔方道行軍大總管兵部尙書清涼縣開國男王琚進封清源縣開國公食邑一千戶兼與一子官賜物五百匹天興軍節度大使右羽林軍將軍簡較并州長史攝御史大

夫燕國公張說與一子官賜物一百匹天興軍蕃
討擊使特進史獻與一子官賜物二百五十匹賞平
胡之勲也十月癸未以攝左羽林軍隴右防禦使薛
訥爲右羽林軍大將軍上柱國封河東郡開國公賜
物三百段銀五百兩錢三萬貫賞功也以隴右防禦
副使雲麾將軍左羽林軍將軍介休縣公郭知運進
階冠軍進封太原郡公仍兼臨洮軍使賜物三百匹
錢三十萬銀四百兩左武衛將軍清涼縣侯白道恭
進封清涼縣公賜物二百匹錢二十萬銀二百兩以
右威衛將軍杜賓客爲靈州刺史充豐安軍使封建
平縣開國男賜物二百段銀二百兩錢二十萬右
門衛將軍臨洮軍使安思順爲洮州刺史充莫門使
賜物二百段銀三百兩錢五十萬右威衛郎將楊楚
客爲右領軍衛中郎賜物二百段錢十萬銀二百兩
並賞破吐蕃之功也

十七年三月瓜州刺史墨離軍使張守珪沙州刺史
賈思順領伊沙等州兵入吐蕃大同軍大破吐蕃驅
剪不可勝紀帝降書謂守珪曰吐蕃小寇干我邊鄙
頻經喪衄竟不悛懲卿等早懷勇烈久司戎旅各効
忠誠暗申計略遠聞決勝嘉慰良深守珪及思順並

宜賜紫其立功人敘錄具狀奏聞必須據實勿使濫
濫今內出緋紫袍卿等領取量功分賞其被傷人仍
給醫藥使得安全陣亡人具名錄奏當加優贈

二十三年十二月命十道採訪使舉良刺史縣令以
陝州刺史崔希逸潞州刺史宋昇濮州刺史趙冬曦
越州刺史元彥冲澤州刺史李植洛州刺史徐嶠之
易州刺史盧暉莫州刺史鄭倩之隴州刺史武崇節
廬州刺史竺承構嵩州刺史許齊物江州刺史李尚
辭河南府陸渾縣令李嘗河南府長水縣令乙速孤
令從陝州河北縣令李抗懷州脩武縣令唐昭明京
兆府高陵縣令裴迴京兆府熱屋縣令戴休琬京兆
府奉先縣令李知止京兆府涇陽縣令韋伯祥太原
府祁縣令李志遠太原府清源縣令高播蒲州永濟
縣令裴肫解縣令李戒之齊州臨邑縣令上官貢涇
州定安縣令王履璉洛州邯鄲縣令畢彥孫趙州平
棘縣令霍栖梧梓州射洪縣令王休言蘇州崑山縣
令李叔括州括蒼縣令祝紹荊州當陽縣令趙廣微
荊州松滋縣令李修荊州枝江縣令董琅襄州安養
縣令李泳等聞上降書宣慰刺史各賜帛八十匹縣
令五十匹勅之曰卿等各能用心副朕所委今茲歲

明賞二
會風政有歸是用激揚以勵清操

天寶三年制唐元功臣締構之初竭其忠欵錄功
舊情所不忘普恩之外更加一階其身沒者各贈一
官

十三年三月隴右節度使哥舒翰破吐蕃洪濟大夏
門等城并牧九曲其將咸來策勲翰採撫具奏乃以
隴右十將特進兼右金吾衛員外大將軍兼大拔州
都督燕王郡王火拔歸仁加驃騎大將軍餘如故河
源軍使左武衛員外大將軍王恩禮隴右兵馬使右
武衛員外大將軍彭元曜並如故加特進隴右同節
度副使右羽林車員外大將軍張擢隴右都虞侯左
武衛員外大將軍兼安鄉郡太守管崇嗣隴右同節
度副使右武衛員外大將軍兼漢門軍使臨洮郡太
守成如璆隴右同經略副使右金吾衛員外大將軍
兼寧塞郡太守康承獻隴右討擊副使右領軍衛員
外大將軍魯炤右領軍衛員外大將軍兼高蘭府都
督渾惟明並加雲麾軍將軍如故積石軍使臧奉忠
爲左金吾衛員外大將軍鎮西軍使郭光朝爲右金
吾衛員外大將軍河西經略副使蘇法昇爲威衛員
外大將軍隴右討擊副使郭英乂彭體盈並爲左羽

林軍員外將軍並充本道驅使以安西節度使衛尉少卿員外置同正員兼安西副大都護攝御史中丞封清有功進加六階自朝議大夫授銀青光祿大夫仍遷鴻臚卿員外置同正員攝御史大夫餘如故並與一子五品更與一子官亡父亡母妻並加追贈及賜莊宅各一所

肅宗至德二年十二月大赦天下詔乘輿幸蜀天步多艱人心且搖臣節斯見太子太師幽國公韋見素開府儀同三司內侍監齊國公高力士開府儀同三司右龍武大將軍潁川郡公陳玄禮開府儀同三司

左龍武大將軍田長文開府儀同三司右龍武大將軍張崇俊右龍武大將軍杜休詳等勇不顧歿危能致命或竭誠羽翼仰北辰而環拱或叶契心膂聚東井以全歸疇其錫社之封永以誓河之義見素加開府儀同三司實封三百戶力士加實封三百戶玄禮進封蔡國公實封三百戶長文進封鴈門郡公崇俊進封南陽郡公休詳進封馮翊郡公各實封二百戶朕恭承天罰誓兵朔野幸興一旅之衆遂成九有之師言念經綸豈忘締構銀青光祿大夫尚書右僕射裴冕識字冲深體局貞固輸忠佐命肇啓興王加開

府儀同三司封冀國公食實封三百戶光祿大夫殿
中監同正員判行軍李輔國志除君惡忠誠濟危加
開府儀同三司殿中監依前判行軍事封成國公實
封五百戶銀青光祿大夫宗正卿兼工部侍郎李遵
義切維城勲參定國加特進封鄭國公實封二百戶
開府儀同三司兼鴻臚卿同正員中軍都知兵馬副
大使管崇嗣能訓戎律以佐兵權進封鉅鹿郡公實
封二百戶中軍都虞侯特進鴻臚卿同正員李昇加
開府儀同三司進封保定公加雲麾將軍右武衛大
將軍右羽林軍宿衛內供奉王兢加特進太原縣侯
仍各封實封一百戶自寇戎姦宄王師未振瞻言京
國尚聚犬羊廣平王倣脩學好古今德孝恭志存邦
家誓雪讐恥爰鞠其旅元戎啓行可封爲楚王食實
封二千戶銀青光祿大夫尚書左僕射兼武部尚書
同中書門下平章事兼靈武大都督府長史單于安
北副都護持節充朔方節度使六城水運朔方管內
採訪處置使郭子儀才光三傑功格十臣克焯皇威
載昌大業加司徒兼尚書左僕射進封代國公食實
封二千戶平章事已後並如故開府儀同三司兼鴻
臚卿同正朔方左廂兵馬使同節度副使姑臧縣伯

僕固懷恩進封豐國公食實封二百戶開府儀同三司兼右金吾衛大將軍同正仍充四鎮伊西北庭行軍兵馬使李嗣業履險忘軀破敵極難兼衛尉卿同正封號國公食實封二百戶銀青光祿大夫守司徒兼戶部尚書同中書門下平章事兼御史大夫鴻臚卿太原尹北京留守河東節度副大使薊國公李光弼全德挺生英才間出干城禦侮坐甲安邊可司空兼兵部尚書門下平章事進封鄭國公食實封八百戶開府儀同三司御史大夫兼工部尚書持節充招討西京并定威武武興平等軍兼關內節度河西隴右伊西四鎮行營兵馬使王思禮養銳先鳴蓄奇後殿可開府儀同三司行工部尚書兼御史大夫封霍國公食實封五百戶光祿大夫太常卿司正兼御史大夫淮南西道節度採訪使潁川太守來瑱可開府儀同三司兼御史大夫封潁國公餘如故特進太僕卿南陽太守兼御史大夫權知襄陽郡事金鄉縣公魯炤蘊是韜略副茲臨制可開府儀同三司兼御史大夫封祁國公仍各食實封二百戶兼京兆尹持節充京畿採訪計會招召宣慰處置使崔光遠毀家成國致命前茅可特進行禮部尚書封鄴國公食實封

三百戶開府儀同三司李光進慎固封守克獻殊勳封范陽郡公食實封二百戶賢非后不享后非賢罔又社稷之固必在良臣左相苗晉卿忠不忘君才惟濟代弼成大業保乂王家可特進行侍中封韓國公食實封五百戶憲部尚書同中書門下平章事李麟蘊德成務含貞軌物發輝帝業潤色皇猷可金紫光祿大夫刑部尚書同中書門下平章事封褒國公銀青光祿大夫中書侍郎同中書門下平章事崔圓允釐庶績康濟多難克清天下大庇生人可特進行中

書令封趙國公食實封五百戶朝散大夫守中書侍

郎同中書門下平章事河南節度採訪使賜紫金魚袋張鎬謀猷惟允綱紀立程惣茲戎律懿是謀府封南陽縣公餘並如故銀青光祿大夫太子少師房琯嘗以經術輔導朕躬加金紫光祿大夫清河郡公銀青光祿大夫少保嗣虢王巨頃以宗枝居守京邑加光祿大夫御史大夫越國公峘兼惣元戎克寧全蜀可金紫光祿大夫戶部尚書銀青光祿大夫守文部尚書郇國公韋陟持衡流品式敘百工可金紫光祿大夫吏部尚書銀青光祿大夫禮部尚書李峴饋運周給開物成務可光祿大夫行御史大夫兼京兆尹

封涼國公大中大夫文部侍郎賜紫金魚袋蘇震供
億蒸徒臨事益辨可銀青光祿大夫行吏部侍郎
代宗大曆二年二月以前同華節度使左廂兵馬使
試殿中監姚懷爲開府儀同三司試太嘗卿封感義
郡王依舊內飛龍射生供奉前同華節度隨身試太
嘗卿李延俊爲特進封承化郡王賞戮華州叛將周
智光功也

德宗建中二年十二月庚寅加河中節度馬燧簡較
尚書左僕射加澤潞節度李抱真簡較兵部尚書賞
破田悅之功也先是悅遣將康愔領兵圍邢州糧餉
路絕刺史李洪堅壁自守賊不能陷賊將楊朝光又
率衆二萬圍臨洛其守將張仵亦堅拒之賊竟不能
攻取乃樹柴爲營以禦官軍燧與抱真及神策將李
晟合勢救之大敗賊於雙罡斬楊朝光傳首京師擒
其大將盧子昌燧等乘勝進軍又破悅於臨洛故燧
等加官又加洪兼御史大夫仵簡較太子賓客兼御
史中丞

三年五月丁酉加河東節度使簡較左僕射馬燧同
中書門下平章事澤潞節度使李抱真簡較尚書左
僕射河陽三城節度使李芄簡較兵部尚書神策行

明賞二
營招討使李晟簡較右散騎嘗侍實封一百戶賞破
田悅功也

興元元年春正月癸酉德宗在奉天行在宮受朝賀
畢大赦改建中五年爲興元元年制應赴奉天并進
收京城將士並賜名奉天定難功臣身過犯遞減罪
三等子孫犯減罪一等諸道將士在行營並超三資
改官仍各賜勳五轉在本鎮者依資與改官各賜勳
三轉内外文武官三品已上賜爵一級四品已上各
加一階仍並賜勳兩轉

五月李晟等收復京師六月乙酉簡較左僕射平章
事充神策軍節度等京畿商華等州副元帥合川郡
王李晟加司徒兼中書令仍賜實封一千戶所司擇
日冊拜加華州潼關節度使駱元光簡較右僕射賜
實封五百戶加神策軍行營京畿商州節度使尚可
孤右僕射賜實封五百戶以簡較太子詹事兼御史
中丞田希鑿爲簡較工部尚書兼涇州刺史御史大
夫四鎮北庭行軍涇原軍節度使七月辛卯赦書收
京城將士超八資改轉已甄敘者更與超三資扈從
及收京將士及嘗參官祖父母在先無官封量授致
仕官及邑號已亡者與追贈扈從將士三品已上賜

爵兩級四品已下各加兩級贈勳三轉諸州刺史普
恩外賜爵一級諸道鎮軍及行營將士三品已上賜
爵一級四品已下加一階

九月乙亥加成德幽州盧龍等軍節度使簡較司空
平章事王武俊簡較司徒平章事賜實封五百戶加
昭義軍節度使簡較左僕射平章事李抱真加簡較
司空平章事加實封五百戶以破朱滔等功褒之也
貞元二年四月甲申詔曰李希烈棄義背恩窮姦極
暴謂神器可以力取謂生靈可以詐欺志在兇殘躬
行僭竊罪無與比法所難容朕以君德不脩致人於
禍究其端本過實在予恐使蒸黎重相攻戰屢施詔
命務欲懷柔抑羣帥奮發之誠駐諸軍討逐之勢不
憚屈已期於息人希烈曾無悛心益逞驕志虐毒滋
甚吞噬無厭惡貫既盈自底夷滅開府儀同三司兼
御史中丞陳仙奇忠勇有謀沉毅能斷摠合境受汙
之憤導三軍思順之心唱義一呼羣情嚮附廓清氛
殺穢戮渠魁驛書上聞函首入獻方隅旣乂戍役其
休懸賞之科是宜必信可簡較工部尚書兼蔡州刺
史御史大夫淮西節度使仍賜實封五百戶將士等
委仙奇即以諸色官錢優與宴設其中首建謀議同

明賞二
斬希烈人等宜並條錄聞奏節級褒賞

五月詔淮西接界州縣本軍鎮守及諸道赴行營將士等宜共賜物二十萬端匹以充賞設仍委本道條錄聞奏並與甄敘其行營將健各放歸本道明加宣諭令悉朕懷

十年十二月以靈州懷遠將士所破吐蕃收穫羊馬衣物宜分賞有功將士自今已後並宜從此

十二年宣武軍節度李萬榮疾病置其子廼爲兵馬使廼殺大將爲亂都虞侯鄧惟恭等執送京師帝以

東都留守董晉爲節度詔汴州將士等志堅金石節

廟水霜叶奉邦家咸懷憤激不受熒惑同疾姦兇

縛軍中傳獻闕下勲庸特茂遐邇所知宜獎忠勞各

加優賞並與進改仍委董晉一月內具名聞奏仍共

賜錢三十萬貫委董晉逐便即取鹽鐵轉運使錢物

各給宣武軍節度都虞侯兼御史大夫鄧惟恭都押

衙兼御史大夫杜皓大將王應鳳曹元偁楊燕奇劉

惟清成文朝陳沛張庭芬薛文翰趙藏用李庭光字

文澹李國信等並竭忠効誠績用昭著惟恭可簡較

左散騎嘗侍依前兼御史大夫賜實封一百二十戶

子一七品正員官并賜物四百疋杜皓英幹並可右

明賞二
散騎嘗侍依前兼御史大夫應鳳已下各加官賜物
押衙賈庭芬及同節度副使十將等二百六十三人
並優與改官

憲宗元和二年十月潤州將張子良李奉先田少卿
裴行立等生擒逆賊李錡制曰天地之德佐助者忠
良鬼神之靈斃陪者盈貫故有無狀之釁顛越以敗
嘗則有不奪之誠感慨以明節易所謂功業見乎變
書所謂不善降百殃積惡必至於滅身見機寧俟於
終日應若影響昭然著明李錡受恩三朝受任千里
勺水拳石以至高深潤草塗原豈酬亭毒而棄我厚
德稔其姦心滔天以肆其逆謀擢髮未窮其醜行乃
者式舉戎旆申嚴國刑將鼓雷霆之威以誅梟獍之
罪鎮海軍左廂兵馬使兼御史中丞張子良等外弘
治慮內激精忠環甲執兵取凶人之柄瀝肝嘗膽懷
勁草之風迴戈以掩其羽毛竟夕遂擒其魁首天府
無一金之費已靜江流王師無一戰之勞已除人害
莫大之節卓然無倫非常之功斯謂不朽高位重賞
予何愛焉殊加寵榮顯示旌勸其張子良等超異酬
賞並從別勅處分其立功將士等并淮平西川節度
例優賞甄敘其左廂官健等素聞效順亦宜霑賞亦

並從別敕處分十一月丁亥以子良為特進簡較兵部尚書兼左金吾衛將軍御史大夫賜上柱國進封南陽郡王食實封一百五十戶改名奉國兵馬使兼御史中丞田少卿為特進簡較右散騎嘗侍左羽林軍御史大夫仍封代國公食實封一百五十戶兵馬使兼侍御史李奉先為特進簡較右散騎嘗侍又羽林將軍御史中丞仍封邠國公食實封一百五十戶四年以左羽林將軍田少卿為左金吾衛將軍右羽林將軍李奉先為右金吾衛將軍稱賞擒李錡之功也又以左羽林將軍張承金為右神武大將軍知軍事稱賞擒楊惠琳之功也

五年四月以昭義軍都知兵馬使潞州左司馬兼御史中丞烏重裔為懷州刺史兼御史大夫充河陽三城懷州節度等使以節度使盧從史潛通鎮州王承宗重裔鎮撫軍情無變行賞典也以前昭義將王翊元起復左龍武軍將軍知軍事王獻為右神武軍將軍知軍事以功次重裔也

烏重裔故為潞州諸將會盧從史奉詔討賊嘗懷異

志潛與王承宗通連吐突承璀以神策軍行營與從史對壘將圖之重裔通其謀竟縛從史於帳下於時重裔職總牙門是日戒嚴其軍莫敢動者事聞朝廷推重裔自都將兼潞州左司馬拜懷州刺史兼御史大夫河陽三城節度

十八年八月東都防禦使呂元膺奏淄青節度使
郛伏甲作亂初李師道置郛於河南府兵謀雜以往
來更不敢辨因吳元濟北犯郊畿多警防禦兵盡戍
伊闕師道潛以數千百人兵內郛謀焚宮闕而肆殺
掠既烹牛饗衆矣明日將出會有卒楊進李再興者
謁元膺告惡數日盡獲之賜楊進李再興各錦綵三
百匹宅一區授以郎將及典軍仍送西川收管
十一年正月詔討鎮州王承宗乙亥幽州奏破下武
強縣庚寅授幽州將朱泗等五人刺史敘武強功也
二月以內庫繒絹四萬匹賞幽魏戰士

十二年十月乙卯淮西平甲申制收蔡州擒吳元濟
節度使及諸大將並從別敕處分諸立功將士委韓
弘裴度與行軍節度使及諸節度使計會速條流等
第聞奏即有甄昇其賞物已令節級優厚支遣十二
月丙辰朔壬戌制加彰義軍節度申光蔡澠觀察使
充淮西宣慰處置等使朝議大夫門下侍郎平章事
兼蔡州刺史飛騎尉裴度金紫光祿大夫依前門下
侍郎平章事弘文館大學士仍賜上柱國封晉國公
食邑三千戶以馬惣爲簡較工部尚書蔡州刺史蔡
申光節度等使又制加以唐鄧隨等州觀察使通議

大夫簡較左散騎嘗侍鄧州刺史李愬可銀青光祿大夫簡較尚書左僕射襄州刺史充山南東道節度襄鄧八州觀察等使賜上柱國封涼國公食邑三千戶并賜實封五百戶與一子正員五品官韓弘加兼侍中李光顏烏重喬并簡較司空光顏封武威郡公重喬邠國公以亘武軍都虞候韓公武簡較左嘗侍充鄜坊丹延節度等使魏博行營兵馬使田布爲右金吾將軍並敘平寇之功也

十一月甲午以隨唐兵馬使李祐爲神武將軍知軍事仍賜莊宅各一所米粟二百石錄平蔡功也

十五年邠寧節度使李光顏來朝制曰寰寓以清而兵不可失干戈再戢而功不可忘爰升經武之材用輔同文之理具瞻此允注意尤深蓋以獎舊勞而申賞典也李光顏稟忠厚仁信之資服禮樂詩書之訓沉勇有決剛嚴不殘挺長劍之鋒稜蓄殷雷之氣象以忘身殉節爲任以約已率衆爲心屬先帝撫運動人墾菑除害能展七擒之畧以成四克之功方夏甫寧凱還未幾驅仍歲陷堅之士爲盛秋乘障之師果逐奔戎載完危壁西絕夷落威名赫然念茲勲庸當極寄任是以徵自保塞接于明庭亟聞弘遠之規復

明賞二
挹冲深之度固可以內參鈞軸外惣麾旗憲被萬邦
叶予一德可不勉歟可簡較司空同中書門下平章
事依前邠寧節度等使帝以光顏功冠諸將及徐泗
李愬尅平淮夷故皆召赴闕宴賜優洽已而皆帶宰
相出鎮所以報勲臣也帝又御麟德殿宴光顏及愬
各賜錦綵五百匹銀瓶盤等五事衣一襲馬一疋賓
佐將校頒賜有差

穆宗以元和十五年卽位二月御丹鳳樓大赦詔興
元奉天功臣及蔡鄆立功將士普恩之外更賜勲爵
亡歿者與追贈

長慶二年二月詔雪鎮州王承宗以左神策行營樂
壽鎮兵馬使傅良弼爲沂州刺史以瀛州博野鎮邊
使李寰爲沂州刺史皆酬勞也良弼寰所鎮介居燕
趙而二叛啗之以利脅之以威屢趣其降各以一族
之衆堅壁不戰賊竟不能取故賞之也

八月誅李介汴州平於是以義成宣武兩軍節度檢
校右僕射韓充爲簡較司空兼汴州刺史充宣武軍
節度汴宋亳等州觀察處置等使忠武軍節度簡較
司空平章事李光顏進位簡較司空兼侍中武寧軍
節度使簡較工部尙書王智興進位簡較左僕射以

充海沂密節度使簡較工部尚書曹華爲簡較右僕射兼滑州刺史充義成軍節度鄭滑潁等州觀察處置等使以宋州刺史高承簡爲簡較左嘗侍兼兗州刺史充充海沂密等州節度觀察處置等使以汴州防城兵馬使李質爲右金吾衛將軍以亳州刺史田穎爲宋州刺史並策勲也又內出綾絹三十萬疋付度支充諸軍賞物

敬宗長慶四年卽位四月丙申有染坊供人張韶結染工無賴之徒百餘輩犯右銀臺門入宮帝在清思殿擊毬聞警將出幸右神策軍左右皆曰盜入宮未知無寡右軍遙遠道路可虞不如幸左軍之速至也遂幸左神策軍初帝嘗寵右軍中尉梁守謙每遊幸宴樂兩軍或相誇耀多加守謙之勝而左軍軍士時以爲言京師頗傳其事及帝違難至左軍中尉馬存亮匍匐出迎捧帝足嗚咽涕泣自負帝入軍中帝極慰悅旣安堵存亮又令大將軍康藝全率騎卒入官討賊與右軍兵馬使尚國忠引兵合擊賊衆殲焉賜康藝全尚國忠等錦綵銀器有差并共賜左右殿前軍官健錢一千貫文五月己未以藝全加簡較工部尚書兼御史大夫旌討賊之功也庚申賜存亮實封

二百戶

文宗太和二年十一月壬辰詔曰王者誅暴亂賞勲勞既正紀綱式頒爵位朕以菲德理乖勝殘使羣生海盜刑用戎鉞屬者庭奏用滄州爲輔軍以謀專土同捷持棣州爲屏扞遂成阻命寔賴英帥共恢壯圖爰議疇庸式獎宣力武寧軍節度使徐泗豪等州觀察處置等使充滄州行營招撫使光祿大夫守司徒中書門下平章事上柱國太原郡開國公食邑二百戶王智興可特進封代國公食邑三千戶餘如故平盧軍節度使淄青登萊棣等州觀察處置等使兼押新羅渤海兩蕃等使銀青光祿大夫簡較尚書僕射御史大夫上柱國會稽縣開國公食邑一千戶康志睦可簡較尚書左僕射餘如故正議大夫簡較工部尚書使持節鄆州諸軍事兼鄆州刺史御史大夫賜紫金魚袋崔弘禮可簡較尚書右僕射餘如故其棣州城下武寧軍節度使諸道立功將士已甄錄外委智興條疏聞奏棣州應見在百姓宜復一年其將士有決戰攻壘奮不顧身中亦被瘡遂成廢疾者病賜衣糧終身勿絕其武寧軍及平盧軍浙西宣歙天平等五處兵馬在棣州城下者並宜放歸本道於戲並

命申威分疆剪寇界天河之南北委藩守以廓清立績者既以勞施圖功者方期盡敵勉弘勝策無至老師共臻輯寧副我勤屬

是年討滄州叛將李同捷十月勅魏博新平原將士須有賞給宜賜綾絹五萬匹綿二萬

三年五月滄州李同捷平詔齊德將張慶旻等十三人鄭滑將李著等五人並進官級賜幽州綾絹共二十萬疋德州十五萬疋充賞軍士

九年十二月丙子賜鳳翔軍將李叔和莊宅各一區銀三千兩綾絹七十疋以斬鄭注功也

懿宗咸通十一年二月勅征討徐州將士等委吏部度支頒獎有差

昭宗文德元年即位秦宗權被執蔡中光等州平詔賜蔡州行營兵士錢三十五萬貫令度支逐近支給後唐莊宗初爲晉王祐十四年二月契丹攻幽州命諸將進討八月辛丑獻捷于鄴九月班師帝以橫海軍節度使李存審檢校太傅邢洛節度使閻寶檢校太尉並平章事方鎮如故將士賞給有差

同光元年四月即位制曰應六軍及行營馬部蕃漢諸道將較兵士等皆以身先冒刃志切勤王或竭節

於忠勞或連年而征戍須加恩獎倍撫苦辛其將帥
並賜功臣名仍未有官者即超一資與檢校官已有
官者亦超資加官已官者與加爵邑如曾封爵者即
給一子六品正員官其長行兵士并賜功臣名應將
士等並勒逐處各定等第優賞

十月制曰懋德賞功百王明訓疏封列爵有國通規
應扈從征討將較及諸官員職掌軍將節級馬步兵
士及河北諸處屯駐守戍兵士等皆情堅破敵業茂
平讐副予勘定之謀顯爾忠勤之節並據等第續議

獎勵

二年二月南郊禮畢制曰賞不失勞百王令典人惟
求舊有國通規當宜廣示優恩務酬嘉績應自來立
功將較兵士等皆久經戎陣備覩辛勤並宜各轉官
資仍加賞給

三月詔隨駕收復汴州并扈從到洛及南郊立仗都
將已下至節級長行軍將等朕自削平諸夏掃蕩羣
兇被介胄以征行歷星霜而扈從凡經百戰盡立殊
功未念丹心真同赤子若無旌賞豈表恩榮其都將
官員司空已下者宜並賜協謀定亂輔國功臣自僕
射尚書嘗侍至大夫中丞宜並賜忠勇拱衛功臣其

初帶憲銜宜並賜忠烈功臣已有功臣名者不在此
限其節級長行軍將並宜賜扈蹕功臣

明宗以同光四年四月即位改元天成制曰鄴都赴
難之際定策功臣宜特加恩以彰豐報其扈從將士
及六軍諸衛諸道行營將較等委中書門下次第甄

獎

是月齊州防禦使安審通加檢校太傅食邑四百戶
鄴都馬步軍都指揮使李正綱加檢校司空湖州刺史

史賜竭忠建策興復功臣賞盧臺之功也時盧臺戍軍亂害副

招討寧國軍節度使烏震
正剛尋與審通斬殺亂兵

七月宋州節度使王晏球與護駕親軍都指揮使

虔釗攻定州帝令中使押御馬二匹賜晏球虔釗

三年六月招討王晏球獻曲陽之捷令殿直陳知

押銀腰帶鞍轡賜北面立功將校時帝在汴王晏球討定州王都故也

十月甲子安州上言屯駐左神捷右懷順兵士作

主帥高行珪襲殺出城命使賜行珪鞍馬御衣寶

及賜都將已下有差時行珪預覺其事遂潛移鎧甲

於別室叛卒果先奔其庫行珪有備乃能禦之

是月代州刺史檢校司空張朗超授檢校太保初

冊主赴援太原代州張勛忻州丁審琪守城蕃軍

城下過都不誘迫時端明殿學士呂琦在忻州及
奉殿直四五人州兵僅千人琦謁審琪曰虜勢經
不問可見其心迴日必無全理與使君率在城軍
入五臺避虜於鎮州界策之上也審琪從之翌日
且琦等遣人會審琪拒關不納軍士欲攻牙城琦曰
家國如斯自相屠害非人情遂率州兵趨真定審
即日降契丹唯卽屢煞虜族帳故超授獎之

四年二月辛亥下制曰朕嘗披國史備閱軍功裴
之破淮西無遺廟筭石雄之攻山北益展皇威莫不
仰遺烈於祖宗委全才於將相而自中山逆命外

朋姦奪戎旅以鷹揚屠賊城而魚爛夕聞告捷明賞
殊勲竭忠建策興復功臣北面行營招討歸德軍節
度宋亳單穎等州觀察處置亳州太清宮等使權知
定州軍州事特進檢校太傅同中書門下平章事使
持節宋州諸軍事宋州刺史上柱國琅琊郡開國侯
食邑一千戶王晏球長劍倚天洪河帶地居萬夫之
長擅三傑之名黃石兵書運子房之籌略清淮公族
興仲爽之源流自統雄師往收逆壘摧曲陽之堅陣
厭澆水以驚波爰築室以反耕攻圍雉堞果折骸而
易子傾覆鳥巢招降之士庶數千撲之兇狂非一王

都授首禿餒生擒火焚而惡蔓皆除雷掃而妖氛併息諒茲丕績宜降優恩廼眷汝陽實惟巨鎮據犬牙之內地當馬頰之要津是命疇以勲庸福其黎庶進公國之品秩崇藩后之等威俾濬鳳池仍加蟬冕帷幄共推於重席井田兼別於真封於戲解甲休兵實歸於上將安民和衆議伏於賢臣永保令猷無替朕命可依前檢校太傅兼侍中使持節鄆州諸軍事守鄆州刺史充天平軍節度齊棣等州觀察處置使仍進封開國公加食邑一千五百戶食實封一百戶行營副招討橫海軍節度觀察等使守滄州刺史李從敏可光祿大夫檢校太保使持節定州諸軍事守定州刺史充義武軍節度觀察北平軍等使進封開國伯加食邑一千二百戶北面行營兵馬都監鄭州防禦使張虔釗可光祿大夫檢校司徒使持節滄州諸軍事守滄州刺史充橫海軍節度觀察等使仍封清河縣開國子食邑五百戶又制朕聞魏絳和戎始克諧於金石祭遵征虜終併息於烟塵此乃先務懷柔後申禁暴明國家之耀德表藩翰之圖功旣立丕勲宜加懋賞興邦守正翊贊功臣盧龍軍節度管内觀察處置押奚契丹兩蕃經略盧龍軍等大使特進檢

校太尉同中書門下平章事幽州大都督府長史上
柱國天水縣開國侯食邑一千戶趙德鈞崆峒稟氣
渤澥融精傳相略於黃公受兵符於玄女而自羈縻
戎馬控制虛龍洞曉蕃情飽諳邊事獲其五利嘗姑
息於鮮卑運以六韜果生擒於楊隱可謂坐籌帷幄
能執干戈終殄寇於中山永摧兇於外域犬羊南牧
賴掃蕩於尋時貔虎北征遂凱旋於此日加以民軍
胥悅畏愛並行薊門之人物如初燕谷之案盛果備
得不籌其庶績褒以徽章就加進律之文式叶陟明
之典是命寵頒鳳綵榮列貂冠正爵位於三公加并
田於千戶貴申殊渥仍賜真封於戲事君之節已彰
燕山紀頌教子之方大著踐土臨戎有國有家惟忠
惟孝享茲具美永保令猷可依前檢校太尉兼侍中
幽州大都督府長史充盧龍軍節度觀察等使進封
開國公加食邑五百戶食實封一百戶乙卯以前洛
州團練使張進爲鄭州防禦使泰州刺史安叔千爲
涿州刺史前隸州刺史潘環爲易州刺史淄州刺史
張從本爲隰州刺史簡州刺史李思議爲磁州刺史
賞中山之功也時定州帥王處直養子王
都劫殺處直嬰城以叛
四月以龍武都虞侯叱面行營諸道左廂馬軍都指

明賞二
揮使符彥鄉爲耀州團練使神武都虞侯北面行營
右廂馬軍都指揮使守端州刺史高行周爲潁川團
練使賞中山之功也

長興三年七月丁酉雲州節度使沙彥珣奏桑遷謀
應太原遷報應州尹暉謀逐殺沙彥珣暉復部送遷
至伏罪遣太子賓客聶延祚宣賜彥珣尹暉戎服金
帶錢幣及犒賞在城軍士

末帝清泰元年五月辛亥以隨駕嚴衛指揮使領費
州刺史尹暉爲齊州防禦使捧聖都指揮使繡州刺
史康進海爲曹州刺史先是尹暉進海與楊權始構
軍入城奉帝故也

晉高祖天福三年九月己巳復魏府節度使范延光
官爵庚午遣客省使李守貞押器幣賜魏府立功將
校

六年八月壬寅制朕頃當開創爰在并汾或傾歸順
之心首謀推戴或擁驍雄之旅力效扶持洎汜水興
妖鄴城伐罪每令致討皆立竒功漸臻開泰之期愈
念艱危之節宜頒殊渥允答茂勲應河東起義之初
佐命効順及收復鄴都汜水立功臣僚將校等並與
加恩

少帝開運二年正月甲辰以青州平詔行營將拔自副兵馬使已上各賜功臣名號是月宴青州立功將拔於永福殿賜李守貞符彥卿王帶衣一襲衣著銀器鞍轡馬散馬都監王景崇護聖廂主王喬楊實都指揮使靳霸等各等第賜金銀帶衣服段疋銀器等周太祖以漢乾祐二年自河中征趙綰至華州趙暉報蜀軍盡退郭從義進攻有日卽統衆言旋正月五日夜賊水砦內勁將王三鐵者領千人突出河西攻白文珂砦時文珂出迎帝唯劉詞葉仁魯等在砦賊三道齊入殺聲動地會賊發火洞焰内外力戰敗之死者僅七百人朔日帝至劉詞馬前請罪帝曰吾嘗懸料正疑此事彼技殫矣賴兄果敢不爲虜嗤以鞍馬衣服幣帛勞之八日帝至西砦犒設以縑帛銀器分遣戰傷將士

廣順元年正月卽位制曰馬步諸軍將士等戮力推誠輸忠效義先則平持內難後乃推戴朕躬言念勳勞所宜旌賞其員僚將士等各與等第超加恩命仍賜功臣名號已有功臣名號者別與改賜

四月乙未以前景州刺史姚武爲申州刺史前乾州刺史張昭瑀爲博州刺史前遼州刺史劉洪爲衛州

刺史前萊州刺史符彥熊爲耀州團練使前淄州刺史藥元福爲陳州刺史皆以平徐方預軍功也

二年二月丁亥朔以晉州巡檢使前密州防禦使王萬敢爲復州防禦使晉州節度副使領忠州刺史馬延翰自檢校刑部尚書加檢校右僕射餘如故皆兼拒并寇城守之功也戊子龍捷右第五軍都指揮使檢校司徒領連州刺史史彥超加太保進爵伯加食邑三百戶虎捷第五軍指揮使檢校司空領秀州刺史何徽加司徒封太原縣男食邑三百戶亦以固守晉州之功也

世宗顯德元年三月親征河東庚子制以侍衛馬步都虞侯李重進兼忠武軍節度使宣徽南院使何訓兼義成軍節度使殿前都指揮使張永德兼武信軍節度使以義成軍節度使白重贊爲保大軍節度使以鄭州防禦使史彥超爲鎮國軍節度使賞高平之功也又以建雄軍節度使藥元福爲同州節度使以宣徽北院使楊廷璋爲建雄軍節度使以同州節度使張鐸爲彰義軍節度使以內客省使吳延祚爲宣徽北院使以龍捷左廂都指揮使李干爲遼州防禦使以龍捷右廂都指揮使康延治爲萊州防禦使以

虎捷左廂都指揮使田瓊為密州防禦使以虎捷
 廂都指揮使張順為登州防禦使以龍捷第三都
 揮使孫延進為鄭州防禦使以前耀州團練使符
 能為澤州防禦使又以散員都指揮使李繼勳為
 前都虞侯以殿前都虞侯韓令坤為龍捷右廂都
 揮使以鐵騎第一軍都指揮使趙宣祖廟諱為龍捷右
 都指揮使以散員都指揮使慕容延釗為虎捷左
 都指揮使以控鶴第一軍都指揮使趙晁為虎捷右
 廂都指揮使五人并遙授團練使其餘轉改有差

四月討太原回詔潞州昨經圍閉將校官吏職員

力守禦兼以大駕駐蹕迎奉無闕應在城將校官吏
 職員宜令本州具名銜以聞各加恩澤

五月乙酉以忻代招收指揮使秦珣為歸州刺史初
 符彥卿之入賊境也孟縣偽監押楊貴殺巡檢使趙
 筠以戍兵數百來降彥卿因請建孟縣為州上可之
 遂以歸州為名命楊貴為刺史至是以秦珣代之珣
 本太原東山之賊帥也廣順初與其黨趙行能等內
 附朝廷置忻代一路招收都指揮使遙授忻州刺史
 趙行能副之自是賊之東境常為珣等所苦劉崇崇
 之竟不能制代州鄭處謙之歸命也蕃寇在郊我軍

未至珣遣弟州帥兵三百以戍之帝嘉其誠節故有
郡邦之授

六月車駕征河東回乙亥制以天雄軍節度使檢校
太師守太保兼中書令大名尹衛王符彥卿爲守太
傅仍封魏王以天平軍節度使檢校太師兼侍中郭
從義爲中書令以河陽三城節度使檢校太尉同中
書門下平章事劉珣爲兼侍中行京兆尹充未興軍
節度管內觀察處置等使以昭義軍節度使檢校太
尉同中書門下平章事李筠爲兼侍中以河中護國
軍節度使檢校太尉同中書門下平章事行河中尹
王彥超爲兼侍中克忠武軍節度使許蔡等州觀察
處置等使以忠武軍節度使兼侍衛馬步軍都虞侯
檢校太保李重進爲同中書門下平章事克歸德軍
節度宋亳等州觀察處置等使兼侍衛親軍馬步軍
都指揮使以武信軍節度使兼殿前都指揮使檢校
太保駙馬都尉張永德爲檢校太傅充義成軍節度
使滑衛等州觀察處置等使兼殿前都指揮使以定
國節度使檢校太傅藥元福爲檢校太尉充保義軍
節度陝虢等州觀察處置等使以保大軍節度使檢
校太傅白重贊爲檢校太尉充河陽三城節度孟

明賞二
卷之二百三十八
等州觀察處置等使以保義軍節度使檢校太保
通爲檢校太傅克彰信軍節度曹單等州觀察處
等使時帝以卽位之初覃慶於諸侯亦賞從征河東
之勞也

二年十一月秦鳳等州詔應馬步軍營將士等各
恩澤其有歿於王事者自副兵馬使以上並與贈官
仍賜賻贈物

三年正月巳亥上於金祥殿賜陳州節度使向訓
衣金帶銀器繒帛鞍馬餘各有差賞西征之功也

六月甲子以鳳翔節度使王景爲雄武軍節度使兼
西面緣邊都部署以宣徽南院使鎮安軍節度使向
訓爲檢校太尉依前宣徽南院使充淮南節度使以
彰信軍節度使韓通爲檢校太尉忠武軍節度使以
賞秦鳳之功也

四年五月辛亥賜應淮南征行軍士金銀錢帛有差
賞其勞也

五年五月辛亥以征淮南廻降德音云睽彼戎士咸
遵武經或從我征行久服勤於甲冑或守茲城邑能
安定於封圻宜舉彛章首膺懋賞應侍衛殿前及諸
道馬步軍將士等各賜等第優給餘從宣命處分

是月帝以征淮南廻賜宰臣樞密侍衛宣徽使及翰林學士中書舍人內諸司使已下器幣鞍馬各有差賞扈從之勞也

册府元龜卷第一百二十九

巡按福建監察御史臣李嗣京 訂正

知歐寧縣事 臣孫以敬叅閱

知建陽縣事 臣黃國琦較釋

帝王部 一百二十九

封建

漢氏之興以同姓寡少復鑒嬴秦孤立之敗繇是立二等之爵以封功臣蓋異姓王肇於此矣東京以降施姑息之政遵權宜之制良有之也其於褒崇勳望申之異數咸無聞焉元魏之世多被殊號垂及唐室

著之班秩胙土典册寵名斯紀同光之後勳臣競
或稱藩請命撫封傳世恭順傾嚮外禦宣力則必加
之異數尊其爵禮稽若前訓咸可述焉至若貞觀之
詔追用古道事雖中寢亦并敘云乃百執所封五等
之制盖為嘗典此不備書

漢高祖初為漢王二年十二月立韓太尉信為韓王
初信從漢王入漢中說漢王東鄉爭天下漢王還定
三秦乃許王信先拜為太尉將兵畧韓地項羽殺韓
王成聞漢遣信畧韓地乃令故籍游吳時令鄭昌為
韓王 項籍在吳時 昌為吳縣令 距漢信略地定韓地十餘城漢王

至河南信急擊韓王昌昌降漢乃令立信為韓王
將韓兵

三年十月韓信定趙遣使報漢因請立張耳王趙以
撫其國漢王許之

四年二月立韓信為齊王初信已破齊使人言曰齊
邊楚權輕不為假王恐不能安齊漢王怒欲攻之張
良曰不如因而立之使自為守乃遣張良操印立之

七月立黥布為淮南王初項籍立布為九江王齊王
田榮叛項王徵兵布稱病不往項王由此怨布布合
恐漢使隋何使九江項王使龍且攻破布軍布間行

與隋何俱歸漢故立為王

布與漢擊楚垓下項

衡山豫章皆屬焉

五年正月下令曰楚地已定義帝亡後欲存卹楚

以定其主齊王信習楚風俗更立為楚王王淮北都

下邳魏相國建成侯彭越勤勞魏民卑下士卒嘗以

少擊衆數破楚軍其以魏故地王之號曰梁王都定

陶二月詔曰衡山王吳芮與子二人兄子一人從百

粵之兵以佐諸侯誅暴秦有大功諸侯立以為王項

王侵奪之地謂之番君其以長沙豫章象郡桂林南

海立番君芮為長沙王又詔曰故粵王亡諸世奉粵

祀秦侵奪其地使其社稷不得血食諸侯伐秦亡諸

身帥閩中兵以佐滅秦項羽廢而弗立今以為閩粵

王王閩中地勿使失職

七月燕王臧荼反帝自將征之九月虜荼詔諸侯王

視有功者立以為燕王荆王臣信等十人皆曰太尉

長安侯盧縮功最多請立以為燕王

十一年五月詔曰粵人之俗好相攻擊前時秦徙中

縣之民南方三郡

中縣之民中國縣民也秦始皇略取強梁地以為桂林象郡南海郡

故曰三郡

使與百粵雜處

欲介其間

會天下誅秦南海尉

它居南方長治之

治亦侖南海尉之名姓趙長甚有治謂為之長帥而治理之也

文理中縣人以故不耗滅耗損也粵人相攻擊之俗

止俱賴其力今立它為南粵王使陸賈即授璽綬

也就其所居而立之

十二年二月詔曰南武侯織亦粵之世也立以為南

海王高祖五年以象郡桂林南海長沙立吳芮為長沙王象郡桂林南海屬尉佗佗未降暹虛奪以

封芮耳後佗降漢十一年更立佗為南越王自佗王三郡芮唯得長沙桂林零陵耳今復封織為南海王

復暹奪佗一郡織得王之

惠帝三年舉高帝時粵功追論其功曰閩君搖功多其民

便附廼立搖為東海王都東甌世號曰東甌王

武帝建元六年閩粵擊南粵漢遣大行王恢擊閩粵

閩粵王弟餘善殺王郢以降帝曰郢等首惡獨無誅

孫繇丑不與謀繇邑號也乃使中郎將立丑為粵繇王奉

閩粵祭祀餘善以殺暹威行國中民多屬心竊自立

為王繇王不能制帝聞之為餘善不足復興師曰餘

善首誅郢師得不勞因立餘善為東粵王與繇王並

處

後魏太武即位初進司徒長孫嵩爵為北平王司空

奚斤為宜城王藍田公長孫翰為平陽王其餘普增

爵位各有差

神麈三年十一月封壽光侯叔孫建為丹陽王

太延元年五月進宜都公穆壽為宜都王汝陰公長
道生為上黨王宜成城公奚斤為常農王廣陵公
伏連為廣陵王

文成興安元年十一月進平南將軍宋子使侯周祖
為樂陵王南部尚書安子侯麗為平原王

十二月建業公陵侯侯進爵東平王廣平公杜遺濮陽
公間若文並進爵為王

二年正月司空杜元寶進爵京兆王尚書右左僕射東
安公劉尼尚書西平公源賀並進爵為王

三月安豐公間虎皮進爵為河間王

太安元年十月以遼西公嘗英為太宰進爵為王

二年九月河東公間毗零陵公間紇並進爵為王

十一月尚書西平王源賀改封隴西王

三年正月以漁陽公尉眷為太尉進爵為王

和平三年正月以車騎大將軍東郡公乙渾為大康
王

獻文天安元年二月以待中陸定國為東郡王

皇興二年四月以南郡公李惠為都督關右諸軍事

雍州刺史進爵為王

三年二月以上黨公慕容白曜為都督青齊東徐三

州諸軍事青州刺州進爵濟南王

十一月襄城公韓頽進爵爲王

孝文太和二年正月封昌黎王馮熙第二子始興爲北平王

二年四月淮陽公尉元進爵爲王

九月封司徒趙公陳建爲魏郡王司空河南公苟頽爲河東王侍中尚書太原公王獻爲中山王侍中尚書隴東公張祐爲新平王

五年九月封昌黎王馮熙世子誕爲南平王誕與帝同歲幼侍書學仍蒙親待尚帝妹樂安長公主拜駙馬都尉侍中征西大將軍南平王

唐高祖武德二年七月和州賊帥杜伏威遣使來降授和州總管東南道行臺尚書令封楚王三年六月徙封吳王

十月詔徐世勣父上柱國舒國公蓋宜封濟陰郡王四年正月竇建德行臺尚書令胡大恩以大安鎮降封定襄王

太宗貞觀十一年六月戊辰以司空長孫無忌爲越州刺史改封趙國公左僕射房玄齡爲宇州刺史改封梁國公故司空杜如晦贈密州刺史改封萊國公

特進李靖爲濮州刺史改封衛國公特進吏部尚書
高士廉爲申州刺史改封中國公趙郡王孝恭爲觀
州刺史改封河間郡王同州刺史尉遲敬德爲宣州
刺史改封鄂國公光祿大夫李世勣爲蘄州刺史改
封英國公左驍衛大將軍段志玄爲金州刺史改封
褒國公左領軍大將軍程知節爲普州刺史改封盧
國公兵部尚書侯君集爲陳州刺史改封陳國公任
城王道宗爲鄂州刺史改封江夏郡王太僕卿劉弘
基爲朗州刺史改封夔國公金紫光祿大夫張亮爲
隰州刺史改封鄭國公因下詔曰周武定業胙茅土
於子弟漢高受命誓帶礪於功臣豈止重親賢之地
崇其禮秩抑亦固盤石之基寄以藩翰魏晉已降事
不師古建侯之制有乖名實非所謂藩屏王室永固
無窮者也隋氏之季四海沸騰朕運屬殷憂戡剪多
難上憑明靈之祐下賴英賢之輔廓清寓縣嗣守寶
曆豈予一人獨能致此時迪旣共資其力世安而專
饗其利乃睠於斯甚所不取但今之刺史卽古之諸
侯雖立名不同而監統一也故申命有斟酌前代宣
條委共治之寄象賢存世及之典司空齊國公無忌
等或材稱人傑望表國章論道廟堂寄深舟楫用資

文武誠著艱難折衝闔外隱如敵國或志力忠烈寒
為心齊或氣幹強果是日爪牙策名運始功參締構
義貫休戚效彰夷險嘉庸懿績簡于朕心宜委以藩
鎮改賜土宇餘官食邑並如故即令子孫世世承襲
其後無忌等將之國情皆係戀不願行辭不獲免無
忌子尚長樂公主乃因主陳請又繆出怨言以激帝
曰臣披荆棘以事陛下今海內寧一不願遠離而棄
牧外州復與遷徙何異因上表固讓曰臣等夙奉明
詔授臣刺史子孫繼襲事等建侯承恩以來進退唯
谷公私迫切益深危懼竊以無勞而貴自開逐禍之
源仰累明時虛行變古之道形影相弔若履春冰宗
戚憂危如寘湯火臣無稽等誠惶恐頓首頓首
罪成罪臣聞質文迭變皇王之制有殊今古制沿致
理之方乃革仰維三代習俗靡嘗爰制五等隨時作
教蓋由功不能制因而利之禮樂節文多非已出
大兩漢用橋前違置守頌條綱除曩弊無益之

及四方不易之理有逾千載今為臣等復此奄荒
其優隆錫之茅社施于子孫永貽宗嗣斯乃大鈞
物秋毫益施其生小人踰分後葉必嬰其禍何者
時易務曲樹私恩謀及庶僚義非僉允方招史冊之
論有紊聖代之綱此其不可一也又臣智效罕施器
識庸陋或情緣后戚遂陟台階或願想披荆便蒙夜
拜直當今日猶愧非才重裂山河逾彰濫賞此其不
可二也又且孩童嗣職義乖師儉之方任以褻雜寧
無傷錦之弊上干天憲彝典既有嘗科下擾庶民必
致餘殃於後一掛刑綱自取誅夷陛下深仁務延其
嗣翻令勦絕誠有可哀此其不可三也當今聖歷休
明求賢分政古稱良守寄在共理此道之行為日滋
久綠臣等忽有之改張封植兒曹失於求瘼百姓不
幸將焉用之此其不可四也在茲一舉為損實多曉
矣深思憂貫心髓所以披丹上訴指事明心不敢浮
辭同於矯飾伏願天澤諒其愚軟特停渙汗之旨賜
其性命之恩太宗謂之曰割地以封功臣古今之通
義也意欲公之枝葉翼朕子孫長為藩翰傳之永久
情在此耳而公等薄山河之誓發言怨
望朕亦安可強公以土宇耶於是遂止

中宗神龍元年正月封右羽林大將軍李多祚為
陽郡王食實封八百戶以誅張易之兄弟功也

五月封侍中齊國公敬暉為平陽郡王桓彥範為扶
陽郡王袁恕已為南陽郡王中書令漢陽公張柬之
為漢陽郡王中書令博陵郡公崔玄暉為博陵郡王
並加特進仍令罷知政事仍聽朝朔望

玄宗天寶九載十月封安祿山為東平郡王制曰寄
重者位崇勲高者禮厚欽若古訓抑惟舊章開府儀
同三司兼右羽林軍大將軍員外置同正員御史大
夫范陽大都督府長史柳城郡太守持節克范陽節

度略經略度支營田陸運押兩蕃渤海墨水等四府節
度處置及平盧軍河北海運并管內採訪等事上柱

國柳城郡開國公安祿山性合韜鈴氣稟雄武聲威
振於絕漠捍禦比於長城戰必尅平智能料敵所以
擢升臺憲仍伏旌麾旣表勤王之誠屢申殄寇之累
頃者契丹負德潛有禍心乃能運彼深謀累梟渠帥
風塵肅靜斥候無虞不有殊恩孰彰茂績疆場未遘
且薄衛霍之功土宇斯開宜踐韓彭之秩可封東平
郡王仍更賜實封二百戶通前五百戶餘如故

十二載八月封隴右節度使哥舒翰為西平郡王

肅宗乾元二年七月封朔方都知兵馬使節度副使
僕固懷恩爲太寧郡王

元年建辰月辛未詔曰命將之選當仁實難非夫文
可經邦不能安人和衆武可禁暴罔以尅敵成功尤
藉宏才爰申錫命司徒中書令靈州大都督府長史
單于鎮北副大都護持節克朔方節度關內支度營
田鹽池押諸蕃部落副大使知節度事六城水運使
兼邠寧鄜坊等道節度副大使上柱國代國公子儀
河嶽間氣巖廊重寶器量深識寬而有謀術應通方
用而無滯自經難阻實擁旌旄遂能尅復二京折衝
千里厥戎將殄時乃之功久勤啓沃載竭忠讜人之
型也天實資予今殄寇未寧興師頗廣鎮守經制已
有區分而籌畫指麾必資專制將軍辭第無以家爲
丞相憂邊思平國難固以計謀之用宜申總統之威
其將戡定外虞澄清列郡光膺藩屏之寄式崇社稷
之勲對揚休命以永終譽可封邠陽郡王知朔方河
中北庭路儀澤沁等州節度行營兼興平定國等兵
馬副元帥仍克本管內觀察處置使餘如故

代宗寶應元年五月丙戌太尉兼中書令鄭國公李
光弼進封臨淮郡王

八月劍南狂賊徐知道為麾下將李忠勇所殺劍南
州縣盡平封忠勇為臨晉郡王又封平盧淄青節度
使侯希逸為淮陽郡王

檢所封年月
不獲下倣此

二年閏正月戊申封成德軍節度使李寶臣為清河
郡王是年月又封幽州節度使李懷仙為武威郡王魏
博節度使田承嗣為鴈門郡王

六月封

陳鄭

澤潞節度使李抱王為武威郡王

廣德元年封尚書右僕射郭英乂為定襄郡王

永泰元年二月封神策軍都虞侯劉希暹為交河郡
王大將李守泰為同谷郡王孫猷心為宣城郡王楊
通達為高平郡王段子英為遂寧郡王

八月涇原節度使兼御史大夫馬璘封扶風郡王

十月封朔方大將孫守亮九人為異姓王又封李國
臣等十三人為異姓王是月進封渭北節度使李光
進為武威郡王

大曆二年二月封華州牙將姚懷為感義郡王李延
俊為永化郡王以斬周智光之功也

六月封荆南節度江陵尹衛伯玉為城陽郡王
五年四月封幽州節度使朱希案為高密郡王

九年三月封幽州節度使朱泚為淮寧郡王

十二年
徙封遂

寧郡王

九月封平盧節度都知兵馬使試殿中監王廷俊為

陽城郡王都虞侯試殿中監李令德為狄道郡王步

軍使試太嘗常卿劉神藻為順正郡王都押衙試太嘗

卿許皎為隣山郡王並賜實封五千戶

十年二月封平盧淄青節度使李正己為饒陽郡王

德宗嗣位初封四鎮北庭行軍涇原鄭穎節度使段

秀實為張掖郡王

建中元年六月封涇州裨將試殿中監劉海賓為樂

平郡王賞殺劉文喜也

二年五月封淮寧節度使李希烈為南平郡王

三年四月封幽州節度使朱滔為通義郡王

九月封河陽節度使李芄為開封郡王

四年冬封朱忠亮為東陽郡王忠亮事薛嵩為將鎮普潤朱泚之亂以鹿

下奔奉天德宗加之故封

白孝德累有功為安西北庭節度鄜延邠寧節度封

昌化郡王

興元元年二月封成德節度兼幽州盧龍兩道節度

王武俊為琅琊郡王是歲又封武俊子德棣觀察使

貞弟冀州刺史士清為北海郡王

冊年元龜 帝王部

八月癸卯加神策軍京畿渭南渭北鄜坊節度及

馬副元帥司徒兼中書令合川郡王臣欽若等曰本傳及實錄不載

封合川郡王食實封一千五百戶李晟兼鳳翔尹克鳳

翔隴右節度度支營田觀察使仍克管內諸軍及

原四鎮北庭行營兵馬副元帥改封西平郡王加河

東保寧軍節度觀察使太原尹北都留守簡檢校較司徒

平章事北平郡王馬燧奉誠軍及晉慈隰節度并管

內諸軍行營兵馬副元帥以靈鹽豐夏節度使邠寧

振武奉天永平等軍兵馬副元帥侍中兼靈州大都

督樓煩郡王食實封一千八百戶渾瑊為河中尹河

中絳州節度觀察等使仍克河中同絳陝虢節度及

管內諸軍行營兵馬副元帥改封咸寧郡王

十月李希烈將李澄以滑州降以為汴滑節度封武

威郡王是年又封禁軍將軍李惟簡為武安郡王是

年又封神策京畿渭南商州節度尚可孤為馮翊郡

王是歲又封靈鹽豐夏節度杜希全為餘姚郡王

貞元元年封魏博節度田緒為嘗山郡王

六年四月宣武軍節度使檢校司空平章事懷德郡

王劉玄佐徙封彭城郡王賜實封八百戶

十一年八月改封魏博田緒為鳳門郡王

吐蕃功也
十七年封劍南西川節度使韋臯為南康郡王賞破

憲宗元和二年正月封振武軍節度使閻巨源為定襄郡王

六年封招義節度使盧從史為范陽郡王

八月封劍南西川節度高崇文為南平郡王

十三年封涇原行營節度郝毗為保定郡王

十四年二月封義成軍節度劉悟為彭城郡王

敬宗寶曆二年封幽州節度朱克融為吳興郡王是

年封幽州李載義為武威郡王

文宗太和三年十一月封武寧節度王智興為鴈門郡王

武宗會昌中封幽州節度張仲武為蘭陵郡王

僖宗中和元年封西川節度陳敬瑄為潁川郡王是

年封河中節度王重榮為琅琊郡王

光啓元年封徐州節度時溥為鉅鹿郡王

昭宗乾寧四年三月制封鎮國軍節度韓建為昌黎

郡王光化元年改封潁川郡王是年九月封鎮海東

節度使錢鏐為吳王

光化元年九月制封魏博節度使羅弘信為臨清王

三年七月封武貞節度使雷滿為馮翊郡王

荆南節度忠萬等州觀察成汭封上谷郡王

忠義軍節度趙凝封南平王後封楚王

天祐元年封鎮州王處直為太原王

後唐莊宗同光元年十一月制忠義太保等軍節度

延鄜管內觀察處置等使檢校太師兼中書令北平

王高萬興復封北平王

萬興在梁朝已封北平至是復以舊爵授之

是年

湖南節度馬殷首脩職貢復封楚王

梁貞明中已封楚王明故云復

封

二年二月辛巳以檢校太師守尚書令兼河南尹判

六軍諸衛事魏王張全義為守太尉兼中書令孟州

刺史充河陽三城節度孟懷等州觀察處置等使河

南尹封齊王是年封荆南節度高季興為南平王

三年八月正衙命史冊兩浙吳越王錢鏐為吳越國

王癸亥太常禮院奏吳越王錢鏐行冊禮宜取八月

二十七日丁亥吉奉勅其印宜以吳越國王之印為

文仍令所司以金鑄造

明宗天成二年四月癸丑制曰朕聞襲弓裘之美惟

孝承家秉旄鉞之權惟忠報國其有顯居世祿傑出

時材疾風端勁草之心積雪驗貞松之節恐毀我室

非闕於墻宜遵紹續之文俾授統臨之寄爰於剛日
特舉彝章威武軍節度觀察留後起復雲麾將軍檢
校太傅使持節舒州諸軍事守舒州刺史兼御史大
夫柱國琅琊縣開國伯食邑七百戶王延鈞拱北華
星圖南巨翼番金精於玄象刷王宇於雄風而自皂
蓋分憂清源共理五馬之聲光首出八龍之價譽相
高旣縮珪符俄從金革在原無惠咸推晉后之賢當
璧有徵大叶楚人之望而又上欽天眷傍沮物情守
祖考之貽謀却藩宣之承制心傾皎日義惡浮雲建
溪之誓帶如河關嶺之礪山齊嶽父風宛在臣節
堅是命高建牙璋洞開王帳錫以油幢瑞節廣其涑
水紅蓮寵冠阿衡貴同緹騎尊以師而表敬實其戶
而增封併示貞榮仍加懿號於戲象賢務德克揚嗣
子之名進律推恩當顯使臣之禮勉膺殊渥永保令
圖可依前授起復雲麾將軍右金吾衛大將軍外置
司正員檢校太師守中書令福州大都督府長史克
武威軍節度福建管內觀察處置兼三司發運節度
封琅琊王三年命左散騎常侍陸崇持節冊爲閩王
六月以天策上將軍湖南節度使楚王馬殷封楚國
王七月中書奏馬殷封楚國王禮文不載國王之制

請約三公之儀使行冊奉制宜依

閔帝應順元年正月壬辰制以荆南節度使檢校太尉兼中書令江陵尹渤海郡侯高從誨可封南平王武安武平等軍節度觀察等使檢校太尉兼中書令行潭州大都督府長史扶風郡侯馬希範可封楚王末帝清泰元年制以幽州盧龍軍節度押奚契丹經略盧龍軍等使兼北面行營招討使檢校太師中書令行幽州大都督府長史天水郡公趙德鈞封北平王平盧軍節度押新羅渤海兩蕃等使檢校太師中書令樂安郡公房知溫封東平王

晉高祖天福二年五月制天雄節度秦國公范延光可封臨清王又制鳳翔節度使西平王李從曠封岐王是月封平盧節度王建為臨淄王二年封東平王五年入覲進封韓王

周太祖顯德元年正月以山南東道節度襄鈞房復觀察等使檢校太師守太傅中書令南陽王安審琦封陳王以天平軍節度鄆齊隸觀察等使檢校太師守太保中書令淮陽王符彥卿克大名府天雄軍節度使進封魏王以荆南節度荆歸峽觀察等使檢校太師兼中書令江陵尹渤海郡王高保融封南平王

以定南難節度夏綏銀宥觀察等使檢校太師中書令隴西郡王季彝李殷封西平王

冊府元龜卷第一百二十九

庚午十二月張元勳等奏請嘉善堂藏隋氏字刊殘本

五十卷見高昌國誌卷五十四

此表改定九十四字

冊府元龜

冊府元龜

巡按福建監察御史臣李嗣京 訂正

新建縣舉人 臣戴國士參閱

知建陽縣事 臣黃國琦較釋

帝王部 一百三十

延賞

虞書曰賞延於世春秋傳曰善善及子孫斯道德之政也三代而上靡得以記漢氏之後乃或錄元功之胄褒宗臣之裔賓禮賢者獎勸能吏旌揚忠烈甄敘舊故賞勤職之効采死政之孤繇是加其爵秩申之

錫予俾奉其嗣世而高其門闕使永纓之不墜宗廟
之有寄焉其或因旅愷之慶乘肆青之澤大敘前世
之勲籍並分三公之封邑乃至漏澤流根上延於祖
考脂田析壤俯達於閨闈渥惠所覃息系咸及斯固
霈恩紀於臣下集光寵於私門所以勸有位之盡心
著爲邦之令典者也

漢高祖八年九月封紀成子通爲襄平侯初城以將
軍從擊破秦入漢定三秦戰好畤死事子侯

十年九月封周苛子成爲高景侯初苛以內史從擊
破秦爲御史大夫入漢圍取諸侯守滎陽功比辟陽
侯罵項籍死事子侯

十二年二月高梁侯酈疥父食其以客從破秦還定
諸侯常使使約和諸侯說齊王死事子侯

孝景中元年四月封故御史大夫周苛周昌孫子爲
列侯

二年九月封故楚趙傅相內史蒯死事者四人子皆
爲列侯初趙王遂與吳楚合謀起兵其相建德史失其姓

內史王悍諫不聽遂燒殺之遂自殺帝憐趙相內史
守正死封建德子橫遂侯悍子棄之新市侯又楚相
張尙太傅趙夷吾諫其王戊勿反不聽皆殺之故封

夷吾子固為高陵侯尚之子當居為山陽侯

武帝即位求賢良舉馮唐唐時年九十餘不能為官

廼以子遂為郎

元朔五年拜衛青為大將軍帝曰青躬率戎士師大

捷獲匈奴王其封青子伉為宜春侯不疑為陰安侯

子登為陰發侯

元狩中復詔御史以鄼二千四百戶封蕭何曾孫慶

為鄼侯布告天下令明知朕報蕭相國德厚也

元鼎五年三月封故較尉韓千秋膠樂子二人為列

侯初南粵王興與毋膠太后欲內屬相呂嘉有畔心

漢遣千秋與樂將二千人往嘉擊滅之於是天子曰

韓千秋雖無成功亦軍鋒之冠封其子延年為成安

侯膠樂其姊為王太后首領願屬漢封其子廣德為

襲襲古襲字侯

汲黯為淮陽守卒後武帝以黯故官其弟仁至九卿

子偃至諸侯相

宣帝本始元年正月詔曰故丞相安平侯傲等居位

守職與大將軍光車騎將軍安世建議定策以安宗

廟功賞未加而薨其益封敞嗣子忠敞楊敞也是年復下

詔曰宣成侯光霍光宿衛忠正勤勞國家善善及後世

善善者謂褒寵善人也

其封光兄弟中郎將雲為寇陽侯又以車騎將軍光祿勳張安世子千秋延壽彭祖皆中郎將侍中

地節二年大將軍大司馬霍光病篤帝自臨問即日拜光子禹為右將軍

四年二月封故鄴侯蕭何曾孫建世為侯蘇武為右曹典屬國以其前發匈奴時胡婦產一子通國為郎又以武弟子為右曹

元康三年三月詔曰朕微眇時故掖庭令張賀輔導朕躬修文學經術恩惠卓異厥功茂焉詩不云乎無德不報封賀所子弟子侍中中郎將彭祖為陽都侯

所子者言養弟子以為子

平帝元始二年詔曰漢興以來股肱在位身行儉約輕財重義未有若公孫弘者也其賜弘後子孫之次見為適者爵關內侯食邑三百戶

四年詔書追錄忠臣封王嘉子崇為新甫侯後漢光武以鄧禹功高封弟寬為明親侯

李通南陽宛城人也自光武起兵以士君子之學且

言讖文事及光武即位有司奏請封諸皇子帝感通首創大謀即日封通少子雄為召陵侯

卓茂初為密令及更始政亂以年老乞骸骨歸光武
即位下詔曰前密令卓茂束身自修執節淳固誠能
為人所不能為以茂長子戎為太中大夫次子崇為
中郎給事黃門

王閔王莽時為牧守莽敗乃去官光武下詔曰武王
克殷表商容之間閔修善謹勅兵起吏民獨不爭其
頭首今以閔子補吏至墨綬

建武中錄舊德臣以孫寶孫伉為諸長
伉音抗諸璠之縣也

宣秉為大司徒司直所得祿俸輒以收養親族其孤
弱者分與田地自無擔石之儲
齊人名小嬰為擔石江淮人謂一石為擔

卒於官帝愍惜之除子彪為郎

來歙為中郎將討公孫述為刺客所殺帝賜策書曰
中郎將來歙攻戰連年平定羗隴憂國忘家忠孝彰
著遭命遇害嗚呼哀哉子褒嗣帝嘉歙忠節復封歙
弟田為宜西侯

杜林為大司空薨光武親自臨喪既葬除子喬為郎
詔曰公侯子孫必復其始賢者之後宜宰城邑以養
為丹水長

馮異與諸將攻落門未拔
落門聚石在冀縣病發薨于軍謚

曰節侯長子彰嗣明年帝思異功復封彰弟沂為祈

鄉侯建武十三年更封彰東緝侯食三縣

吳漢兄尉為將軍從征戰歿封尉子彤為安陽侯帝

以漢功大復封弟翁褒親侯吳氏侯者凡五國

岑彭征蜀為刺客所殺子遵嗣帝思彭功封遵弟淮

為穀陽侯

郭涼既平盧芳弟擢涼為中郎宿衛左右

明帝以鄧禹先帝元功拜為太傅居歲餘寢疾帝數

自臨問以子男二人為郎及薨帝分禹封為三國長

子震為高密侯襲為昌安侯珍為夷安侯

趙孝為衛尉弟禮為御史中丞帝嘉其兄弟篤行後

卒孝無子拜禮兩子為郎

司空袁隗薨子屯嗣帝追思隗忠擢屯為步兵校尉

徙封西陽侯

宋均為河內太守政化大行以疾上書乞免詔除子

條為太子舍人

章帝即位追賜朱勃子穀二千斛東觀記曰帝下詔

人故雲陽令朱勃建武中以伏波將軍爵土不傳伏

闕陳狀不顧罪戾懷旌善之志有烈士之風詩云無

言不讎無德不報其以縣見穀二千斛賜勃子若孫勿令遠詣闕謝

趙熹為太傅錄尚書事帝擢諸子為郎吏者七人長

子代給事黃門熹自明帝時內典宿衛外幹

傅育爲武威太守護羌校尉擊叛羌戰死帝下詔追褒美之封其子毅爲明進侯七百戶

和帝時魯恭爲光祿勳選舉清平京師貴戚莫能撓

其正後代呂蓋爲司徒及從巡狩南陽除子撫爲中

郎賜駙馬從駕

駙副也非正所乘皆爲副說文曰駙馬副馬也

安帝元初中鮮卑寇漁陽太守張顯率兵馬掾嚴授

主簿衛福功曹徐咸赴之授福等並爲虜所殺詔書

褒歎各除子一人爲郎中

鄧弘元初二年卒詔大鴻臚持節即弘殯封子廣德

爲西平侯後以帝師之重

弘少治歐陽尚書授帝禁中

分西平之

都鄉封廣德弟甫德爲都鄉侯又封弘兄黃門侍郎

京子珍爲陽安侯邑三千五百戶

建光元年二月大赦天下以公卿校尉尚書子弟二

人爲郎舍人

順帝卽位以鄭安世子亮爲郎初安帝廢太子爲濟

陰王安世與太嘗桓焉太僕來歷等共正議諫爭及

帝立安世已卒追賜錢帛除亮爲郎

張綱漢安中爲廣陵守卒詔曰綱大臣之苗剖符統

務正身道下班宣德信降集劇賊張嬰等萬人息干

戈之役濟蒸庶之困未升顯爵不幸且卒嬰等縶杖

若喪考妣朕甚愍焉拜綱子續爲郎中賜錢百萬
冲帝永嘉元年封武威太守趙冲子愷義陽亭侯冲
順帝時追叛羗戰歿至是故侯

桓帝時羊續父儒爲太常續以忠臣子孫拜郎中
段熲爲中郎將擊琅琊賊東郭寶公孫舉等大破斬
之獲首萬餘級除一子爲郎中後以討先零東羗功
詔以家一人爲郎中

胡爽爲南郡太守李肅主簿時武陵蠻寇江陵肅奔
走爽諫止肅肅遂殺爽而走帝聞之徵肅棄市拜爽
家一人爲郎

靈帝時陸康爲議郎會廬江賊黃穰等與江夏蠻連
結十餘萬人攻沒四縣拜康廬江太守康申明賞罰
擊破穰等餘黨悉降帝嘉其功拜康孫尙爲郎中

張酺曾孫濟好儒學初揚賜薦濟明習典訓爲侍講
至司空病罷及卒帝以舊恩贈車騎將軍關內侯印
綬追濟侍講有勞封子根爲蔡陽鄉侯

臧洪父旻爲揚州刺史擊破妖賊許昭遷爲使匈奴
中郎將洪年十五以父功拜童子郎

獻帝初袁術屯兵壽春遣其將孫策攻廬江太守陸
康圍城數重受敵二年城陷月餘發病卒年七十宗

族百餘遭離機危死者將半朝廷愍其守節拜子為郎中

桓典為羽林郎獻帝即位三公奏典前與大將軍何

進謀誅闖官功雖不遂忠義炳著詔拜家一人為郎

元尚為兗州刺史袁術將僭號欲以尚為太尉尚拒

之為術所害帝嘉尚忠烈拜其子瑋為郎中

孫瑞為大司農為三老後為亂兵所害獻帝都許追

論瑞功封子明澹津侯

魏文帝踐阼以程昱復為衛尉昱自太祖建國為衛尉與中尉邢貞爭威

儀進封安鄉侯增邑三百戶并前八百戶分封少子

延及孫曉列侯

董昭自太祖受魏公魏王之號皆昭所創及文帝踐

阼拜大鴻臚進封右鄉侯二年分邑百戶賜昭弟訪

爵關內侯又分邑百戶賜一子爵關內侯黃初二年

分三公戶邑封弟子各一人為列侯

賈詡自文帝為五官將勸帝朝夕孜孜不違子道帝

深自砥礪及即位以詡為太尉進爵壽鄉侯增邑三

百并前八百戶又分邑二百戶封少子訪為列侯以

長子穆為駙馬都尉

荀攸長子緝有攸風早沒次子適嗣無子絕黃初中

紹封攸孫彪為陵樹亭侯邑三百戶後轉封丘陽亭侯正始中追謚攸曰敬侯

黃初四年涼州刺史張既薨詔曰昔荀桓子立黜翟土晉侯賞以千室之邑馮異輸力漢朝光武封其二子故涼州刺史張既能容民畜衆使群羗歸土可謂國之良臣不幸薨隕朕甚愍之其賜少子翁歸爵關內侯

華歆薨子表嗣初文帝分歆戶邑封歆弟緝列侯鍾繇薨子毓嗣初文帝分毓戶邑封繇弟演及子邵

孫豫列侯

文聘自太祖時為江夏太守使典北兵及帝踐阼以禦賊有功遷後將軍封新野侯分聘戶邑封聘子岱為列侯又賜聘從子厚爵關內侯

張遼與李典嘗破孫權後遼薨子虎嗣帝追念遼典在合肥之功詔曰合肥之役遼典以步卒八百破賊十萬自古用兵未之有也使賊至今奪氣可謂國之爪牙矣其分遼典邑各百戶賜一子爵關內侯虎為偏將軍

明帝青龍四年司空陳群薨謚曰靖侯子泰嗣帝追思群功德分群戶邑封一子列侯

張郃薨子雄嗣郃前後征伐有功帝分郃戶封郃四子列侯賜少子爵關內侯

齊王即位孫資劉放放掌機密帝以訪資決定大謀增邑三百訪并前千二百資千戶封愛子一人亭侯次

子騎都尉餘子皆郎中

王昶嘉平中為征南大將軍時文欽母丘儉作亂引兵拒儉欽有功封二子亭侯關內侯

高貴鄉公甘露二年八月詔曰昔燕刺王謀反韓誼等諫而死漢朝顯登其子諸葛誕創造凶亂主簿宣

隆部曲督秦絜乘節守義臨事固爭為誕所殺所謂

無比干之親而受其戮者其以隆絜子為騎都尉加以賜贈光示遠近以殊忠義

三年大將軍錄尚書事司馬昭奏錄先世名臣元功大勲之子孫隨才敘用

陳泰前後以功增邑二千六百戶賜子弟一人亭侯二人關內侯

陳畱王即位封征南將軍督荊州諸軍事王基子二人亭侯關內侯

咸熙二年二月庚戌以虎賁張修昔於成都馳馬三請營言鍾會反逆以至沒身賜修弟倚爵關內侯

晉杜預為征南大將軍既平吳振旅凱入以功封子
耽為亭侯千戶

索綝為衛將軍領太尉時劉曜侵逼王城以綝為都
督征南大將軍持節討之破曜呼日逐王呼延莫以

功賜子弟二人鄉亭侯

明帝征王敦以諸葛攸為侍中加奉車都尉討王含
有功進封建安伯以先爵賜次子讜為關內侯

穆帝升平中改封大都督臨賀郡公桓溫為南郡公
降臨賀為縣公以封其次子濟

毛穆之為桓溫參軍從溫平蜀以功賜次子都鄉侯
哀帝興寧中冠軍長史沈勁守洛陽為慕容恪攻陷

神氣自若遂遇害朝廷聞而嘉之贈東陽太守子赤
黯為大長秋

後魏明帝以許謙自太祖時有功其子洛陽從征慕
容寶為冠軍司馬後為祁令帝追錄謙功以洛陽為
鴈門太守

太武以宿石父沓千自明元時從討蠕蠕戰歿悼惜
之詔求沓千子時石年甫十一引見以幼聽歸年十
三襲爵為中散

谷渾為儀曹尚書在官廉直為太武所器重詔以渾

子孫十五已上悉補中書學生

屈拔垣之孫道賜之子拔少好陰陽學太武追思其

父祖年十四以為南部大夫

文成初以李靈學優選授經及踐阼為洛州刺史率

子恢以師傅之子拜員外散騎常侍安西將軍長安

鎮副將進爵為侯

鉅鹿公源賀長子延性謹厚好學以功臣子拜侍御

中散賜爵武城子西治都將

陸侯為外都大官帝踐阼以子麗有策立之勲拜侯

征西大將軍進爵東平王

孝文太和十四年尚書李冲奏劉昞河右碩儒今子

孫沉屈未有錄聞賢者子孫宜蒙顯異於是除其一

子為郢州雲陽令

陸獻簡王麗之子為北部尚書太和十六年隆五等

之爵以麗勲著前朝封獻鉅鹿郡開國公食邑三百

戶

宣武以張彞先朝勲舊不幸疠廢特除其子始均長

兼左民郎中

高顯族道悅之長子也道悅孝文時為太子詢中庶

子詢以道悅數規諫殺之宣武追錄忠槩拜顯族給

事中

源懷爲車騎大將軍隴西王賀之子景明二年上表
曰昔高祖昇遐南安在位出拜東廟爲賊臣宗愛所
弑時高祖避難龍潛苑中宗愛異圖神位未定臣亡
父先臣賀與長孫渴侯陸麗等奉迎高宗纂徽寶命
麗以扶負聖躬親所見識蒙授撫軍大將軍司徒公
平原王興安二年追論定策之勲進先臣爵西平王
皇興季年顯祖將傳大位先臣時都督諸將屯於武
川被徵詣京特見顧問先臣固執不可顯祖久乃許
之遂命先臣持節授皇帝璽綬於高祖至太和十六
年麗息獻狀私書稱其亡父與先臣拔立高宗朝廷
錄封獻鉅鹿郡開國公臣時丁艱草土不容及例至
十二年除臣雍州刺史臨發奉辭面奏先帝申先臣
舊勲時敕旨但赴所臨尋當別判至二十二年車駕
幸雍臣復陳聞時蒙敕旨征還當授自官車晏駕遂
爾不申竊惟先臣遠則拔立高宗寶曆不墜近則陳
諫顯祖神器有歸如斯之勲超世之事麗以父功而
獲山河之賞臣有家勲不霑茅社之錫得否相懸請
垂裁處詔曰宿老元丕云如所訴訪之史官頗亦言
此可依此授馮翊開國公邑百戶

孝明正光中高諒為驍騎將軍徐州行臺屬元法僧反叛逼諒同之諒不許為法僧所害朝廷痛惜之下詔曰諒臨危授命誠節可重復贈使持節平北將軍幽州刺史贈帛二百疋優一子出身謚曰忠侯明亮為陽平汲郡二太守有惠政孝昌二年詔追前功重贈平東將軍濟州刺史拜其子逸遠奉朝請崔光為車騎大將軍儀同三司領著作光年耆老疾病稍增而強不已嘗在著作疾篤不歸孝明親臨省疾詔斷賓客中使相望為止聲樂罷諸遊眺拜張子勵為齊州刺史

孝莊以原文宗學涉機警少有名譽永安中以父功賜爵臨穎縣伯

羊敦字元禮太山平陽人梁州刺史禮弟子也性尚閑素學涉書史以父靈引歿王事除給事中

楊侃為北中郎將以河橋之功除其長子師為秘書郎

前廢帝以符寶郎王神貴子彥鴻為奉朝請房景先為太學博士作五經疑問百餘篇神貴答之名為疑奏上之帝親自執卷與神貴往復嘉其用心特除彥鴻為奉朝請

帶方侯羅伊利卒子何奴亦忠實寡言有志度以勳
臣之子除侍御中散襲爵

爾朱文殊榮之子也帝以榮有破葛賊之勳進文殊
爵爲王增邑千戶超授散騎嘗侍撫軍將軍

西魏文帝以于義太師謹之子少矜嚴有操尚篤志
好學以父功賜爵平昌縣伯

賀若誼字道機父統爲右衛將軍誼性剛果有幹略
以功臣子賜爵容城縣男

恭帝元年以車騎大將軍劉雄從于謹平江陵進驃
騎大將軍開府儀同三司賜奴婢一百口別封一子

沂源縣伯又以從平并州拜上大將軍進爵趙郡公
邑二千戶舊封回授一子

後周尉遲運少強濟志在立功魏大統十六年以父
勳封安喜縣侯

豆盧勳聰悟有器局少授業國子學畧涉文藝文帝
以勳勳臣子封義安縣侯

李穆爲都督河橋之戰太祖馬中流矢墜穆以馬授
文帝遂得俱免擢授武衛將軍賜穆子惇安樂郡公

姊一人爲郡君自餘姊妹並爲縣君兄弟子姪及總
麻以上親并舅氏皆霑厚賜其見褒崇如此

尉遲端兄運為驃騎大將軍從楊志攻齊之并州以功別封端保城縣侯邑一千戶

閔帝時獨孤信進位柱國大將軍錄前後功增封聽

廻授諸子於是第二子善封魏寧縣公第三子穆必

安縣侯第四子藏義寧縣侯邑各一千戶第五子順

武城縣伯第六子隋建忠伯邑各五百戶

明帝武成初驃騎大將軍高琳從賀蘭祥征吐谷渾

以勲別封一子許昌縣公邑一千戶

宇文盛為驃騎大將軍從賀蘭祥平洮陽共和二城

封一子甘棠縣公

武帝保定三年二月詔魏大統九年以前都督以上

身亡而子孫未齒敘者節級授官

建德六年伐齊平鄴詔曰自晉州大陳至於平鄴身

殞戰傷者其子即授父本官

韋孝寬為徐州總管詔以平淮南之功別封一子滑

國公

韋壽為京兆尹以父鄆國公孝寬軍功賜爵永安縣

侯邑八百戶

魏文思左僕射寬之子年十一拜車騎大將軍儀同

三司散騎嘗侍尋以父功封新豐縣子邑五百戶

宇文愷字安樂杞國公忻之弟也以功臣子年三歲賜爵雙泉伯七歲進封安平郡公邑二千戶

權武襲慶之子也父為開府以力戰歿武以忠臣起家拜開府襲爵齊郡公邑千二百戶

隋文帝以李穆為并州總管帝以穆勞效同破鄴第一勲加三轉聽分授其二子榮才及兄賢子孝軌榮及才並儀同大將軍孝軌進開府儀同大將軍又別封子雄為密國公邑三千戶

開皇十七年詔曰周曆告終群凶作亂釁起藩服毒被生人朕受命上玄廓清區宇靈聖垂祐文武同心申明公穆郎哀公孝寬廣平王雄蔣國公睿楚國公勣齊國公穎越國公素魯國公慶則新寧公長又宜

陽公代積趙國公羅雲隴西公詢廣業公景真昌公振沛國公譯項城公子相鉅鹿公子幹等登庸納揆之時草昧經綸之日丹誠大節心奉帝圖茂績殊功力宣王府宜弘其門緒與國同休其世子世孫未經州任者宜量才昇用庶享榮位世祿無窮

功進子玄感位為柱國玄縱為淮南郡公又以破達頭可汗加子玄感位大將軍玄獎玄縱積善上儀同又以獻皇后山陵制度多出於素上善之別封一子義康公郡邑萬戶子子孫承襲不絕又以討平漢王諒功拜其子萬石民行姪玄挺皆儀同三司韋協字欽人廣州總管洸之子其父在廣州有功帝令協齋詔書勞問未至而父卒上以其父身死王事拜協柱國

趙元淑父世模初事高寶寧後以衆歸國授上開府寓居京兆之雲陽文帝踐阼嘗與宿衛後從晉王伐陳先鋒遇賊力戰而死朝廷以其身歿王事以元淑襲父本官賜物二千段

來護兒為上開府破高智惠盛道延進位柱國仍留長子楷為千牛備身

王猛為將經畧嶺表仍討平山越馳驛奏聞文帝以其長子績為開府儀同三司猛子尋卒於廣州帝聞而痛之命其子善襲仍授普州刺史

楊義臣父崇開皇初封泰興公擊突厥力戰而死贈大將軍豫州刺史以義臣襲崇官爵義臣尚幼養於宮中年未弱冠奉詔宿衛千牛者數年賞賜甚厚

煬帝大業初皇甫誕爲漢王諒并州司馬諒反誕抗節而死帝封弘義公子無逸嗣大業令行舊爵例除以無逸誠義之後賜爵平興侯

麥孟才鐵杖之子字智稜果烈有父風帝以孟才節將子恩賜殊厚拜武賁郎

馮慈明爲尚書兵曹郎時李密逼東都慈明抗節爲其所害梁通郡守楊江上狀帝歎息之贈銀青光祿大夫拜其二子惇悻俱爲尚書承務郎

唐高祖武德二年四月伊州總管張善相爲王世充兵所攻陷賊執善相送於世充善相辭色不撓世充怒令斬之善相罵世充極口而死高祖聞而歎曰吾負善相善相不負吾也封其子爲襄城郡公

張孝珉爲驃騎將軍經略王世充爲賊所殺高祖聞而傷之拜其弟度脫爲大將軍封郡公賜帛二百疋高蒲政爲朔州總管右虞侯杜士遠所殺高祖以其子玄積爲上柱國榮國公食邑三千戶

張長遜爲五原太守會處羅可汗解兵去高祖大悅封其父暉爲遂安郡公

太宗貞觀五年九月癸亥詔曰惟王建國厚禮被於元勳惟帝念功茂賞隆於延世是以親賢作屏著在

周經支庶畢侯義存漢典開府儀同三司齊國公無
忌尚書左僕射邢國公玄齡故尚書右僕射蔡國公
如晦靈州都督吳國公尉遲敬德左光祿大夫吏部
尚書許國公高士廉兵部尚書潞國公侯君集右衛
大將軍郢國公宇文士及左武衛大將軍翼國公秦
叔寶瀘州都督宿國公程知節等或宇量凝深地兼
賢戚或風鑒弘遠功參帳幕或志懷強正便繁左右
幹畧宏舉契濶戎旃或委質藩朝陳力王室誠著出
納節表屯夷經文緯武忠勤懇至固已契叶風雲寄
浮舟楫雖褒賢之道已紀於旂常而推恩之令未洽
於胄緒宜賜寵章式遵故實無忌玄齡如晦敬德各
封一子郡公士廉君集士及叔寶知節各封一子縣
公俾夫拜前拜後比蹤曩烈如帶如礪垂裕後昆
屈突通貞觀中爲洛州都督卒太宗幸洛陽宮思通
忠節拜其少子詮果毅都尉

宇文士及貞觀中檢校涼州都督涼土服其威惠入
爲衛大將軍錄其功封一子爲新城縣公

李勣爲右武侯大將軍封其父蓋爲濟陰王蓋固辭
王爵乃封舒國公授散騎常侍陵州刺史勣貞觀中
爲遼東道行軍大總管攻破蓋牟遼東白崖等數城

又從太宗摧殄駐蹕以功封一子為郡王

王珪貞觀中為禮部尚書與諸儒正定五禮書成封
子為縣男

段志玄為鎮軍大將軍寢疾太宗親自臨視顧謂曰
當與卿子五品志玄頓首固請迴授母弟志感太宗
遂受志感左衛郎將

高宗永徽三年五月詔隋儀同三司豆盧毓御史中
丞游楚客齊侍中崔季舒給事黃門侍郎裴澤並門
標忠鯁風烈可尚其子孫等並令所司量才處分
九月以周司沐大夫裴融尚書左丞封孝琰有忠節
於前代制擢其子孫以旌介烈

總章元年三月詔曰西漢元勳緝禮崇於末嗣東京
列將茂賞覃於後昆繼絕興亡同歸一貫皇家受命
蒼旻肇膺玄籙恢張宇宙蕩一寰區御乾立極之圖
諒資天啓撥亂經邦之略實賴人謀締想初基有足
言者或委質唐郊首參一旅勤著荆棘勞宣草創或
策名代邸先騁六飛誠備艱虞志踰金石咸以攀鱗
上漢捧日登山氣叶風雲情均魚水其太原元從西
府舊僚今親詳覽具為等級贈司徒并州都督忠孝
公士夔贈司馬淮安郡王神通贈開府儀同三司并

州都督夔國公劉弘基贈并州都督渝國公劉政會
 贈開府儀同三司并州都督莒國公唐儉贈左衛大
 將軍特進譙國公竇琮贈荊州都督邳國公長孫順
 德贈護國大將軍涼州都督竇國公史大業贈幽州
 都督濮國公龐卿運贈左武衛大將軍潭州都督巢
 國公錢九隴贈華州刺史霍國公柴紹贈潭州都督
 羅國公張平高贈相州刺史工部尚書河東郡公裴
 寂贈洪州都督樂安郡公李思行贈洪州都督廬陵
 郡公秦行師贈靈州都督貞定郡公許緒贈涼州都
 督江夏郡公李高遷贈齊州刺史劉義節贈太尉申
 國公士廉贈司空蔣國公通贈太尉并州都督梁國
 公玄齡贈司空蔡國公如晦贈司徒并州都督鄂國
 公敬德贈輔國公大將軍揚州都督褒國公段志玄
 贈驃騎大將軍益州都督宿國公程知節贈徐州刺
 史胡國公秦叔寶贈左衛大將軍涼州都督郢國公
 宇文士及贈左驍騎大將軍荊州都督郟國公張公
 謹贈荊州都督懷寧縣公杜公綽贈荊州都督沔陽
 公公孫武達贈荊州都督遂安郡公李安遠贈代州
 都督同安郡公鄭仁泰贈荊州都督漢東郡公李孟
 嘗贈幽州都督曆陽縣公獨孤彥雲故始州刺史襄

武郡公劉師等並立爲第一等功臣其家見在朝無五品已上官者子孫及曾孫擢一人授五品官若先有四品五品官者加授子孫第一人兩階若三品已上加爵三等其第二等功臣見在朝無五品已上官者子孫及曾孫擢一人授從六品已上官若先有五品已上官者加一階六品官者加兩階三品已上官者加爵一等

咸亨五年劉仁執爲鷄林道大總管東伐新羅以功子姪三人並授上柱國州黨榮之號其所居爲樂城鄉三柱里

蘇定方前後滅三國皆一擒其主賞賜珍寶不可勝紀仍拜其子慶節爲尚輦奉御及定方爲左驍衛大將軍封邢國公又別封子慶節爲武邑縣公

中宗神龍元年贈故大理卿徐有功越州刺史授一子官

二年中書令齊國公魏元忠與武三思等撰則天皇后實錄二十卷編次文集一百二十卷中宗稱善封元忠子衛王府諮議參軍昇爲任城縣男是年韋安石爲中書令子陟始十歲拜溫王府祭酒

睿宗太極元年五月親祀北郊詔桓彥範敬暉崔玄

曄袁恕已張柬之等其子孫並實封二百戶

冊府元龜卷第一百三十

庚午十二月初九日校改定八十字書曆記



宗無善桂

皇朝御製

欽定四庫全書

御公

欽定四庫全書

冊府元龜